

ANG IKAUPAT NGA SELYO



Maayong gabii. Iduko nato ang atong mga ulo karon sa kadali, alang sa pag-ampo.

² Among Mapanalanginon ug Langitnong Amahan, sa makausa pa nagaduol kami Kanimo niining gabhiona, karon, sa Ngalan ni Ginoong Jesus, aron maghatag Kanimo og pagpasalamat tungod sa dugang na usab nga adlaw. Ug nagapangamuyo kami karon alang sa Imong mga panalangin sa panerbesyo niining gabhiona. Himoa nga ang Balaang Espiritu mokunsad ug ihatag kanamo ang interpretasyon sa niining mga butang nga amo gayud ginapangita. Oh Dios, hinaut nga mahimong pinaka-importante kini nga kaming tanan makapag-fellowship palibot sa Pulong sa paagi, nga, sa dihang mobiya na kami, makaingon kami, “Dili ba ang atong mga kasingkasing nagdilaab man sa sulod kanato samtang nakig-estorya Siya kanato diha sa dalan?” Ginapasalamatan namo Ikaw tungod sa kung unsa Siya kanamo, ug nagasalig nga Siya magapabilin uban kanamo samtang nagapadayon kami sa among panaw, kay ginapangamuyo namo kini diha sa Ngalan ni Jesus. Amen.

³ Makalipay kaayo nga makabalik sa balay sa Ginoo, niining gabhiona, sa panerbesyo pag-usab! Ug malipayon gyud kita. Malipayon kaayo ako nga . . .

⁴ Naghunahuna gyud ko nga dili Siya moabot, apan miabot gyud Siya sa kaulahian. Ug busa mapasalamaton kaayo ko, ingon nga ang pang-ulahi sa upat nga mga mangangabayo, nga sa tan-aw ko maoy usa sa mga nag-unang mga Mensahe ngadto sa Iglesia niining panahona.

⁵ Wala ko masayod kung unsa kining Usa pa. Gidawat ko lamang kini sa matag adlaw, ingon nga ginapadayag Niya Kini. Gipaningkamotan ko nga—nga ihatag Kini, pinaagi. . . sama sa pagpadayag Niya sa ako Niini.

⁶ Gikalipay ba ninyo ang—ang maong panalangin? [Nagaingon ang kongregasyon, “Amen.”—Ed.] Namatikdan ba ninyo kung giunsa nga basta na lang Kini, nagakadugtongdugtong sa niining mga kapanahonan sa iglesia, sa kung giunsa Niini pagkahitukma gayud sa niining mga kapanahonan? Mao kana kung unsa nga kini. . . Alang kanako, nagapakita lang kini—nga ang Balaang Espiritu nga nagpadayag sa mga kapanahonan sa iglesia, mao ra sa gihapon nga Balaang Espiritu ang naghatag Niini, nakita n’yo, kay kini wala man magkasumpaki; ang tanan niini usa ra ka dakung buhat sa Dios, nga ginapakita ang Iyang Kaugalingon sa nagkalainlaing mga paagi.

⁷ Matikdi ninyo, sa dihang gipakita Niya ang Iyang Kaugalingon ngadto kang Daniel, diha sa mga panan-awon,

aduna gyud og paghulagway sa usa ka butang, sama sa usa—usa ka kanding niining dapita, o tingali usa ka kahoy; ug ang sunod nga dapit niini mahimong usa ka estatuwa. Ug—ug—ug ingon-anang mga butang ginabuhat Niya, nga ginahimo kining, mao ra sa gihapon sa tanang panahon, aron siguraduhon lang nga dili nato mapalapas kini.

⁸ Karon, nalipay ako kaayo mga pila pa lang ka minuto ang milabay, nga nakapakigsulti ako sa usa ka gamayong babaye nga nagalingkod dinhi, mga otsentay-singko na ang panuigon. Ug siya . . .

⁹ Dili pa lang dugay, sa wala pa ako migikan aron moadto sa kasadpan, aba, adunay usa—usa ka kabus nga batang babaye didto sa Ohio, nga, sa hunahuna ko, nga naghimalatyon na nga anaa sa pangkatapusang yugto sa leukemia. Karon, ang leukemia usa ka kanser sa dugo. Ug, oh, ang makaluluoy'ng bata, kabalo mo, anaa na sa grabeng kahimtang, nga wala na'y paglaum pa alang kaniya. Ginapakaon na lang nila siya pinaagi og pag-indyksyon diha sa mga kaugatan, ang operasyon. Ug busa sila kabus kaayo nga pamilya. Ug sila . . .

¹⁰ Si Mrs. Kidd, dinhi, ug si Igsoong Kidd, gisultihan nila sila bahin sa Ginoo nga nagatubag gayud og mga pag-ampo. Ug nagpulong-pulong sila, sa hunahuna ko, ug nagsuhol og usa ka tawo, ug aron madala dinhi ang batang babaye. Ug usa siya ka maanyag nga batang babaye, mga, oh, sais, pito ang panuigon. [Nagaingon ang igsoong babaye, “Nuebe anyos.”—Ed.] Nuebe anyos. Ug—ug gipasulod siya didto sa lawak. Ug ang . . .

¹¹ Ug sa dihang gidangop namo siya sa atubangan sa Dios, ang Balaang Espiritu naghatag og tubag ngadto kaniya. Ug kinahanglan na nila siyang kuhaon, ug dalhon siya ug pakaonon, kabalo na mo, sa ingon niana nga paagi. Ug sa paggikan niya, naghilak siya tungod gusto niyang mokaon og hamburger, ug, busa, kinahanglan niya mokaon pinaagi na sa baba. Ug gihatagan nila siya og hamburger, ug gitugotan na lang siyang mokaon sa natural.

¹² Sa mubo nga panahon, human sa pipila lang ka adlaw, gibalik nila siya sa doktor. Ug sila . . . Dili kadto mismo masabtan sa doktor. Miingon siya, “Mora'g lang og, dili siya ang kadtong batang babaye.” Miingon siya, “Hala, wala—wala gyu'y bisan usa man lang ka inagian sa lukemya, wala gyud, wala gyu'y bisan unsa man lang.” Busa, ug, naghimalatyon na man gani siya. Nanggisurender na man gani sila kaniya; ginapakaon na lamang siya pinaagi og indyksyon sa iyang mga kaugatan. Midalag na gani siya. Nasayod na man mo kung mo-grabe na. Ug busa sila . . . Ug karon nagaeskuwela na siya, nakigdula na sa uban pa nga mga bata, nga ingon niana na ka malipayon.

¹³ Nagpahinumdom kini kanako sa usa pa ka kaparehong kaso. Usa ka adlaw, bag-ohay lang ako niadto nakauli, adunay usa

ka . . . Kung dili nasayop, siguro Episcopalian sila o Presbyterian nga mga tawo, nga nagdala og gamay'ng batang babaye gikan pa sa Kansas. Ug nagbalibad na ang mga doktor kaniya, tungod sa lukemya. Ug gitangingan na nila siya, siguro, mga upat na lang ka adlaw nga mabuhi; grabe na kaayo ang iyang sakit. Busa ang ingon nila nga igahin na lang nila ang maong upat ka adlaw sa pag-anhi dinhi, latason ang mga nyebe ug ingonanang mga butang, sa ilang pagtabok sa probinsiya, aron lang siya mapaampo. Ug ang nagdala nga lolo, usa ka gwapohon, tigulang na nga lalaki, nga giuban na ang buhok.

14 Ug dala na nila siya, mga, duha ka adlaw, dinhi sa usa ka gamay'ng motel. Ako—siguro wala na kini didto karon, sa niining lugar sa Silver Creek. Busa miadto ako nianang gabhiona aron sa pag-ampo alang kaniya. Kaadlawon na ako nakaabot didto. Migikan ako nianang gabhiona, gikan pa sa ubang lungsod, ug miadto ako didto. Ug ang tigulang nga amahan . . . ang lolo nagasige lakaw-lakaw didto. Ug, ang inahan, naningkamot sa pag-atiman sa maong bata.

15 Ug sa diha nga nagluhod na ako aron sa pagpangamuyo, gipadayag kanako sa Espiritu Santo ang usa ka sekreto tali sa—sa inahan ug amahan, usa ka butang nga ilang nabuhat. Gitawag ko sila ngadto sa daplin ug gipangutana sila bahin niini. Nanagsugod sila panghilak, miingon, “Husto kana.”

16 Dayon paglingi ko, ug nakita ko ang usa ka gamay nga batang babaye nga nagluksong pisi, nga sigeng, nagadula niini. Ug karon ang maong bata . . . Mga tulo lang ka semana human niadto, nagpadala sila kanako og usa ka retrato sa maong gamay nga batang babaye, nga nakabalik na sa eskwelahan, nagluksong-pisi, ug wala na'y lukemia, man lang.

17 Karon, karon, kana nga mga testimonyo bug-os nga matuod gayud, kita n'yo. Busa, ang atong Dios tinuod gayud, nakita n'yo. Alagaron lang nato Siya ug—ug toohan Siya. Ug—ug ako—nasayod ako nga Siya tinuod.

18 Karon, ginapaningkamotan kong buhaton ang kutob sa mahimo ko karon, ug samtang aduna, sa pinaka-sulod, nato, nga nagpadayon sa Iyahan pagpamuhat. Ug karon paningkamotan nato, niining gabhiona, pinaagi sa grasya sa Dios, nga hisgotan kining Ikaupat nga Selyo, ug tan-awon kon unsa ang mahimong igasulti sa Balaang Espiritu kanato, mahitungod Niini.

19 Karon akong basahon ang—ang Pinadayag, ang ika-6 nga kapitulo, ug sugod sa ika-7 nga bersekulo; ika-7 ug ika-8. Aduna sa kanunay og duha ka bersekulo; ang una mao ang pag-anunsiyo, ug ang ikaduhang bersekulo maoy kung unsa ang iyang nakita.

Ug sa paghubad niya sa ikaupat nga selyo, nadungog ko ang tingog sa ikaupat—ikaupat nga buhing binuhat nga nag-ingon, Umari ka ug tuman-aw.

Ug nakita ko, ug ania karon ang usa ka maluspad nga kabayo: ug ang nagakabayo niini (ang nagkabayo) ginganlag Kamatayon, ug ang Hades nagsunod. . . kaniya. Ug gihatagan sila ug pagbulot-an sa ikaupat nga bahin sa yuta, sa pagpatay pinaagi sa espada, ug sa gutom, ug sa kamatay, ug sa. . . mapintas nga mga mananap sa yuta.

²⁰ Karon, tabangan unta kita karon sa Ginoo aron masabtan Kini. Usa kini ka tinago.

²¹ Karon, usa ka gamay'ng paunang paghulagway lamang, aron masuportahan kini, sama sa atong gibuhay sa mga kapanahonan sa iglesia, kining mga mangangabayo ug kining pag-abli sa mga Selyo. Karon, aron mapasulod kini sa atong mga hunahuna, nag-estorya sa kita og diyutay hangtud nabati nato nga oras na aron maghisgot niini.

²² Karon, namatikdan nato karon, nga, ang pag-abli sa mga Selyo, kini ang selyadong Basahon sa Katubanan. Ug dayon ang maong Basahon gilukot nga sama sa usa ka basahong-linukot, sama lamang sa kinarang pamaagi kaniadto.

²³ [Ginapakita ni Igsoong Branham ang paglukot ug pagselyo sa usa ka basahong-linukot, ginamit ang mga panid sa papel—Ed.] Dili kini usa ka libro sa ingon niini nga klase; kay bag-ohay lang kini miabot, ang ingon niini nga klase sa mga libro, sa ulahing, oh, sa nangaging mga usa ka gatus ug singkweta ka tuig, o kapin pa, duha ka gatus. Ug dayon lukoton nila kini, dayon pasagdan nga may nakasiwil ang tumoy niini. Sama sa akong gisulti kaninyo kung giunsa kini pagkahimo, ug ang mga Kasulatan, kon diin kini makita, ug sa Jeremias, ug uban pa. Dayon gilukot usab ang sunod gilukot, dayon gipasagdan ang tumoy nga may nakasiwil niini, ug sama *niana*.

²⁴ Ug ang matag usa niini usa ka Selyo. Ug kini ang Libro nga selyado og pito-ka-selyo, ug kini mao ang usa ka. . . Walay usa. . . Sa diha nga sila. . . Kini mao ang Libro nga selyado og pito-ka-selyo sa Katubanan. Pasayloa ko.

²⁵ Ug, dayon, walay usa sa Langit o sa yuta, ni ilalum sa yuta, nga takus aron sa pag-abli Niini o bisan sa pagtan-aw Niini. Ug si Juan nagbangotan, tungod kay wala siya'y nakit-an nga tawo. . . Tungod kay, kung ang Basahon dili makuha gikan sa kamot sa orihinal nga Tag-iya. . . Kon diin, Kini nawala ni Adan ug Eva, ug mibalik, human nga gibaylo nila ang ilang mga katungod sa Pulong, ang mga saad, ang ilang mga panulundon.

²⁶ Ilang, hinumdumi, kontrolado nila kaniadto ang yuta. Usa siya—siya usa ka gamay nga dios, tungod kay siya anak sa Dios. Ug ang usa—usa ka anak sa Dios usa ka gamay nga dios. Karon, dili kini supak sa Kasulatan. Nasayod ko nga medyo talagsaon kana sa pandungog.

27 Apan miingon si Jesus, “Kung ginatawag ninyo sila, nga kang kinsa ang Pulong sa Dios miabot. . .” Ug kang unsa kinsa man nagaabot ang Pulong sa Dios? [Nagaingon ang kongregasyon, “sa mga Propeta.”—Ed.] Ang mga propeta. “Kung ginatawag ninyo sila, nga kang kinsa ang Pulong sa Dios miabot, ‘mga dios,’ unsaon man ninyo pagkondena Kanako kung ginasulti Ko kaninyo nga Ako ang Anak sa Dios?” Kita n’yo?

Ug, karon, sila mga dios.

28 Ug ang tawo, kung ikaw gipakatawo diha sa pamilya sa imong pamilyang apelyido, usa ikaw ka anak nga lalaki, ug kabahin sa imong amahan.

29 Ug dayon—dayon sa dihang misulod ang sala, nakita nato nga gitabok sa tawo ang dalama. Ug—ug ang dugo sa mga toro ug mga kanding, nagtabon, apan wala mapasaylo. Hangtud, ang tinuod nga Bleach miabot, nga maoy makatangtang sa mansa sa sala ug hingpit kining ginabungkag, ug ginapabalik ngadto sa orihinal nga magtutuis niini, nga mao si Satanas.

30 Sa dihang mibalik kini kang Satanas, ginahulat niya na lang ang oras niya ngadto sa Walay Katapusang Kalaglagan. Karon, nagapakita kana kung unsa gayud ang atong gitoohan. Nagatoo kita nga hingpit gayud siyang pagawalaon ug pagalaglagan.

31 Nagatoo ako nga ang sala pagapapason. Ug sa dihang maisugid kini, ilalum sa Dugo ni Jesus Cristo, sama ra kini sa usa ka tintang itum nga gipatulo diha sa usa ka baso sa Clorox bleach. Ginabungkag niya kini paingon sa pagka-kemikal, ug ginabalik kini diretso ngadto kung asa kini nagagikan. Kita n’yo? Ug mao kana ang ginabuhat sa Dugo ni Jesus Cristo.

32 Dayon, ginapabalik niana ang tawo patabok sa dalama pag-usab, ingon nga usa na ka anak sa Dios. Kita n’yo? Ug dayon siya—dayon siya nahimong usa—usa na. . . Aba, bisan siya. . . Ang makapaglalang nga gahum sa Dios anaa na kaniya. Ug, tungod niana, sa matag higayon nga magsugo ang Dios nga buhaton kini, ginatuman gyud kini. Ug nahibalik na kita. Kana sa dihang ang—ang. . .

33 Si Moises, sa ilalum sa dugo sa mga toro; ug sa dihang nahinagbo niya kadtong Kahayag, ang Haliging Kalayo didto niadtong nagadilaab nga sapinit. Ug mibarug siya, didtong lugara, sa sugo nga gihatag sa Dios diha kaniya. Ug usa siya ka propeta. Ug sa diha nga ang Pulong sa Dios miabot kaniya, nagsulti siya, ug bisan ang mga butang gilalang niya pinaagi sa Pulong. Kita n’yo?

34 Karon, nangabuhat kadto nga ilalum lang niadtong, dugo sa mga toro, unsa pa kaha pag sa Dugo na ni Jesus? Nga dili lang gitabonan; kondili gipasaylo, mismo. Ug nagatindog ka diha sa Presensya sa Dios, ingon nga usa ka tinubos nga anak nga lalaki. Karon, kita n’yo, ang Iglesia nagakinabuhi nga layo ra sa iyang mga pribililihiyo. Ug sa hunahuna ko, daghanan

kaayong kahigayonan, nga manghugpa? na hinoon kita imbes nga mogawas ug bug-os angkonon ang maong mga pribilihiyo.

Aduna ako ug usa ka butang nga gusto kong isulti, ug ako— isulti ko kini sa hustong panahon.

³⁵ Ug karon matikdi nga adunay usa ka butang nga sayup sulod sa mga iglesia. Ug sa hunahuna ko kini ang denominasyonhon nga sistema nga nagtuis sa mga hunahuna sa mga tawo, ug sa uban pa, hangtud nga dili na nila mahibaw-an kung unsaon sa pagbuhat niini! Husto kana.

³⁶ Apan gisaaran kita nga Kini ipadayag ra. Ug karon adunay Pito ka mga Selyo nga miselyo niining Libro. Ug kanang Pito ka mga Selyo karon. . .

³⁷ Ug dayon pagmahuman kining Pito ka mga Selyo, makita nato, sa Pinadayag 10, adunay pito ka mysteryosong mga Dalugdog nga gisugo kang Juan nga isulat, pero gidid-an siya nga isulat kini. Ug sa panahon sa maong mga Dalugdog, makita nato si Cristo, o, “Ang Manulonda nga mikanaug nga adunay balangaw, ug gitunob ang Iyang mga tiil sa yuta ug sa dagat, ug nanumpa nga ang panahon tapos na, nianang panahona.”

³⁸ Ug dayon makita—makita nato, nga sa pagpadayag niining mga Selyo, nga gibiyaan na sa—sa Cordero ang Iyang pagpatigpataliwalang buluhaton ingon nga usa ka Tigpangaliya, ug miduol didto aron kuhaon Iyang mga katungod, ang tanan nga Iyang gitubos pinaagi sa Iyang kamatayon.

³⁹ Ug, dayon, walay ni usa nga makaabli sa maong Libro. Walay ni usa nga makasabot Niini. Usa Kini ka Basahon sa Katubsanan. Ug ang Dios nga Amahan, Espiritu, gikuptan Kini diha sa Iyang kamot, tungod kay si Cristo anaa man sa Trono ingon nga usa ka Tigpataliwala, ang bugtong nga Tigpataliwala. Mao nga, walay santos, walay Maria, walay Jose, walay bisan unsa man, ang anaa ibabaw nianang halaran, tungod ang Dugo lang ang anaa dinha. Ug ang Dugo lamang ni Jesus ang pangbayad-sa-sala, busa wala ni bisan unsa pa ang makabarug ingon nga usa ka Tigpataliwala. Husto kana. Wala na’y unsa pa nga butang.

⁴⁰ Busa tanan niining ideya sa pagpangaliya pinaagi kang Judas alang sa politika, ug ang pagpangaliya pinaagi ni Santa Cecilia alang sa kung unsa man, binuang kana. Dili kana. . . Ako—wala ko mag-ingon nga silang mga tawo dili matinud-anon ug sinsero. Wala ko mag-ingon nga dili kamo sinsero sa pagbuhat niini, kung ginabuhat n’yo man kini. Apan, sayup kamo, kamo—sinserong sayup kamo. Ug sa unsa mang butang. . .

⁴¹ Miingon sila, “Bueno, kining—kining Manulonda, kini—nagpakita kini ngadto kang San Bonifer ug miingon *niini*, *niana*, ug *uban pa*. Ug kinahanglan nilang isulti *kini*.” Bisan gamay wala gyud ko’y pagduhaduha, sa akong hunahuna, unsa ma’y nakita sa usa ka tawo sa panan-awon. Ako—wala gyud ko’y

pagduhaduha kung unsa ma'y nakita ni Joseph Smith sa pananawon, apan wala man kadto nakabasi sa tanang uban pa nga bahin sa Pulong. Busa, alang kanako, sayup kana. Kita n'yo? Kinahanglan gyud nga motukma kini sa tanang uban pa nga bahin sa Pulong.

⁴² Ingon niana ang mga kapanahonan sa iglesia, ug mga Selyo, ug ang tanang uban pa Niini. Ug kung aduna ma'y tawo nga napadayag kono kaniya ang Pito ka mga Dalugdog, kung wala kini nagatukma sa tanang uban pa nga bahin sa Pulong, aduna gyu'y sayup. Kita n'yo? Kinahanglan gyud nga moabot kini ingon nga, MAO KINI ANG GINAINGON SA GINOO, kay mao man *Kini* ang Libro. *Kini* mao ang Kapadayagan ni Jesus Cristo, ang kinatibuk-an Niini.

Karon, ako—nagatoo ako kung ingon niana nga ang Cordero miduol mismo didto.

⁴³ Wala sila mahibalo. Nagahilak si Juan. Wala siya'y makitan ni kinsa man, sa Langit, sa yuta, tungod kay ang tanan atua na man sa pikas bahin sa dalama, kita n'yo, tungod sa sala. Walay tawo. . . Ug ang Manulonda, siyempre, takus Siya, apan, ang gikinahanglan, usa man ka duol nga Kabanay. Kinahanglan gyud nga usa ka tawo. Ug walay makita nga ingon niana, tungod kay ang tanang tawo natawo man pinaagi sa pagpakighilawas.

⁴⁴ Kinahanglan nga aduna Siya'y Usa nga gipanganak nga dili pinaagi niini. Busa ang Dios nagpakatawo mismo, diha sa ulay'ng pagkahimugso, ug nahimong Emmanuel. Ang Iyang Dugo, bueno, ang Usa nga kinsa maoy takus. Dayon sa dihang gitabok Niya kining dalama, Siya Mismo, ug gibayran ang bili ug nagtulay og dalan alang sa uban pa kanato, dayon naglingkod Siya didto, aron mahimong Tigpataliwala. Ug dugay na Siyang naglingkod didto.

⁴⁵ Ug ang Basahon dugay na nga nakasirado, sa tanan nianang panahon. Anaa Kini nakasulat, apan nagpabilin ra Kini nga mga simbolo. Nakita nila Kini. Bisan si Juan nakita Kini. Ang gimantala, sa diha nga ang una migula, miingon siya, “Usa ka puting kabayo ang minggula; adunay nagasakay niini; nga adunay pana diha sa iyang kamot.” Usa ra kini ka simbolo. Wala kini napadayag. Dili. Usa lamang kini ka simbolo. Ug, ang si kinsa man nga tawo ibabaw sa yuta, mao lang kana ang mahimo niyang isulti. Husto kana. Mahimo siya nga mapandol ug malibog, sigurado gayud, mabunggo *dinhi* o *dinha*, ug sulod sa pipila ka panahon.

⁴⁶ Apan makita nato, dayon, nga diha sa Libro sa Pinadayag, “Sa Mensahe sa ikapitong manulonda, ang maong mga tinago (tanang mga tinago Niini) kinahanglan gyud nga mapadayag na nianang panahona.” Karon, mao kana ang Pinadayag 10:1-7, nga kinahanglan Kini mapadayag nianang panahona, sa panahon nga buhaton na Niya kini.

47 Sa dihang mitingog ang Pito ka mga Dalugdog sa ilang talagsaong mga tingog, ug isulat na unta kadto ni Juan. Apan, nasayod si Juan kung unsa Kadto, apan siya—wala niya Kadto gisulat tungod kay gidid-an man siya nga isulat Kadto. Kana sa walay pagduhaduha, ang tanan niana, mysteryoso gayud. Ni wala man lang sa simbolo o unsa man. Ang nahibaloan lang nato nga Siya . . . Midalugdog, kana lang.

48 Ug karon sa pagtoon niini karon, ayaw kalimti, karon, Domingo, o sa Dominggo sa buntag, dili na nato ipahigayon ang serbesyo sa pagpang-ayo tungod kay magkaadunay mga pagtubag sa—sa mga pangutana sa mga tawo. Karon, gusto kong itunol n'yo ang inyong mga pangutana mahitungod niining Pito ka mga Selyo, kung nalibog kamo niini, kung aduna ma'y butang nga wala ninyo mahisabti. Ipahigayon nato kana pagmahisgotan na ang Pito ka mga Selyo. Dayon makaingon ako, sa Sabado sa gabii, kung igo na ba ang tubag, o dili pa, nakita n'yo. Ug karon pa lang, isulti ko na, basin, mangutana ta bahin sa uban pang butang, o, “Buhaton ko ba *kini*?” O—o, siguro nagkaaduna ka og usa ka damgo. Ang mga niini, tanan kini mahinungdanon man nga mga butang, karon, hinumdomi. Mahinungdanon man kini nga mga butang. Apan magpabilin lang kita mahitungod sa Pito ka mga Selyo. Dinha kita mosentro. Atong . . . Dinha ang—dinha man gud naka-pokus kini nga tigum, sa Pito ka mga Selyo. Kana lang ang atong pagahisgotan.

49 Kinahanglan kong mopauli, aduna ko og pipila pa ka mga panagtigum didto sa kasadpan. Mobalik man ako dayon, human sa mga usa ka bulan o duha, o mga ingon niana, ug tingali kung itugot sa Ginoo nga magkaaduna kita og pipila ka mga butang alang niana, tingali usa ka panerbesyo sa pagpang-ayo o uban pa niana o unsa man nga atong . . . kung unsa man kini.

50 Dayon aduna pa kita'y Pito ka mga Trumpeta dinhi, nga pagahisgotan pa lang, nakita n'yo. Ug tanan niini may kahilambitan sa usa'g usa, usab. Ug ang Pito usab ka mga Panaksan, kita n'yo, nga igabubo. Busa, ug tanan niini dugtong-dugtong mismo dinhi, apan tanan niini mga tinago pa.

51 Karon, sa miaging gabii . . . Makita nato nga ang Unang Selyo gibuksan, ug ang nagakabayo . . . Ug ang Ginoo . . . Busa tabangi ako, wala gayud ako mahibalo niini kaniadto. Wala sa mga niining butang ang nahibaloan ko kaniadto. Husto kana. Ug wala pa gyud ko og kasayuran.

52 Miadto lang ako didto, ug gikuha ang Biblia ug milingkod, ug milingkod didto hangtud nga miabot Kini nga nagapadayag nga susama niana. Gikuha ko lang ang akong igsusulat ug nagsugod magsulat. Ug nagpabilin lang didto, siguro mga pipila ka oras, hangtud nga Kini—Kini nahuman.

53 Dayon gibalikan nako, ug akong nakita, sa dihang nakita ko kung diin Niya gisulti Kini. Nahunahuna ko, “Bueno, daw sa

nakita ko na kana sa kung asa man.” Gikuha ko ang concordance ko, gipangita kini dinha. “Aduna kaha’y butang nga sama Niana? Ug ania Kini mismo *dinhi*. Ug dayon ania na usab Kini sa *dinhi*. Ug pagbalik ania Kini usab *dinhi*, ug sa ubos *dinhi*, ug sa dapit *dinhi*.” Dayon gidugtong-dugtong ko Kini mismo. Nahibalo ako nga ang Dios kini, basta nagakatakdo ang mga Kasulatan. Ingon niana kinahanglan ang buhaton. Sama ra nga nagatukod ka og usa ka bilding, kinahanglan nagakahaum ang mga bato, pag-apatong-patong mo ang mga niini.

⁵⁴ Karon, kagabii nasaksihan nato ang pag-abli sa—sa Ikatulong Selyo. Una mao’y usa ka puting kabayo, ug ang sunod mao’y usa ka pulang kabayo, ug dayon usa ka maitum nga kabayo. Ug nakita nato nga mao ra kini sa gihapon nga mangangabayo, sa tanang panahon; ug ang anticristo kini, sugod pa sa sinugdanan. Wala pa siya—wala pa siya kaniadto og korona, apan nakaangkon siya og usa sa kaulahian. Ug dayon makita nato nga wala magdugay gihatagan siya og espada, aron sa pagtangtang og pakigdait gikan sa yuta, ug makita nato nga nahimo gyud niya kana. Ug dayon miabot siya nga dala-dala ang dogma mahitungod sa paghatag, og salapi sa iglesia, pinaagi sa pagtimbang sa usa ka salapi alang *niini*, ug duha ka salapi alang *niana*. Apan gidid-an siya sa paghilabot sa Lana ug sa bino, nga mao na lang gyud ang nahabilin.

⁵⁵ Ug dayon nahisgotan nato, nahuman kita kagabii, kauban sa pag-ilustrar kung unsa ang Lana ug bino, ug kung unsa ang epekto Niini. Ug atong . . . Medyo mabagison lang paminawon, apan akong . . . eksaktong Kamatuoran lang kadto. Kita n’yo? Karon, natapos kita sa . . . Atong, sa makadiyut lang, balikon kana karon. Ug dinha kita natapos, mahitungod sa epekto sa bino, kung unsa usab ang ginarepresentar sa Lana, Espiritu. Karon, inyo man tanan siguro nasulat kini. Madungog ninyo kini diha sa teyp, kung wala ninyo kini masulat. Ug kon diin makita ninyo sa mga Kasulatan, nga, ang Lana kanunay nagsimbolo sa Balaang Espiritu. Susama sa buangbuang nga mga ulay nga walay Lana, maalam nga mga dalagang ulay nga adunay Lana, nga mao ang Balaang Espiritu. Ug dayon balik kaniadto, sa—diha sa—sa mga propeta, ug sa uban pa. Ug karon ako . . .

⁵⁶ Siyempre, wala ko tinguha ihatag tanan nga Kasulatan bahin niana. Ug aduna man gud og mga butang nga dili na nimo mahimong hisgotan; mokaon man gud og dakung oras. Apan gipaningkamutan ko lang maglatag dinhi, og mga Kasulatan ug uban pa, nga igong ihatag sa mga tawo aron sa ingon nga mapahibalo kanila ug makita nila ang hulagway Niini. Apan kung lingkuran mo gyud ang usa sa niining mga Selyo, aba, grabe, abton ka og usa ka bulan sa pagwali matag gabii, mismo nianang Selyo, og bisan pa niana dili gihapon mahuman Kini, kita n’yo, ang usa ra Niini. Ug mao kana kung unsa—kung unsa gyud ang aduna Niini. Apan, tumbokon lang nato ang pinaka-

importanteng bahin Niini, dayon mahimo na ninyo—mahimo na ninyong masabtan kung bahin sa unsa gyud Kini.

⁵⁷ Karon, sama sa lana nga nagsimbolo sa Balaang Espiritu. Dayon makita nato nga ang lana ug bino konektado diha sa pagsimba, kita n'yo, kanunay nga konektado diha sa pagsimba.

⁵⁸ Ug ang bino, sa gikaingon ko na, nga miabot kanako, nga ang bino nagasimbolo nga kini ang gahum sa—kini ang gahum sa kadasig pinaagi og kapadayagan. Kita n'yo? Ug mao kana kung adunay usa ka butang nga napadayag. Nagahatag kini og kadasig sa magtotoo, tungod kay gipakita man kini pinaagi sa kapadayagan. Kita n'yo? Usa kini ka butang nga gisulti sa Dios. Usa kini ka tinago; dili nila Kini masabtan, kita n'yo. Ug, paglabay sa pipila ka panahon, ang Dios nanaug ug ginapadayag Kini, ug dayon ginapatud-an Kini.

⁵⁹ Hinundomi, kung ang Kamatuoran napadayag, ang Kamatuoran gipamatud-an usab. Ang Dios, kasagaran, bisan unsa pa ka maantigo ang usa ka tawo, unsa ka maalamon siya sa iyang panghunahuna; kung dili pamatud-an sa Dios ang kung unsay iyang gisulti, aduna gyu'y butang nga sayup. Kita n'yo? Husto. Tungod kay, kini ang Pulong.

⁶⁰ Karon, sa dihang miadto na si Moises didto ilalum sa inspirasyon sa Dios, miingon, “Himoa nga moabot ang mga langaw.” Miabot ang mga langaw. Miingon, “Itugot nga moabot ang mga baki.” Miabot ang mga baki.

⁶¹ Kita n'yo, unsa kaha kon siya miingon, “Himoa nga moabot ang mga langaw,” ug wala moabot ang mga niini? Kita n'yo, dayon siya—wala siya magsulti sa Pulong sa Ginoo, kita n'yo; nagsulti lang siya, nagsulti siya sa kinaugalingon niyang mga pulong. Tingali naghunahuna lang siya nga kinahanglan magkaaduna og mga langaw. Apan, wala—walay unsa mang mga langaw ang miabot, tungod kay wala man ang Dios magsulti niini ngadto kaniya.

⁶² Ug kung gisultihan ka man sa Dios og unsa mang butang, ug nagaingon, “Lakaw og buhata *kini*, ug magauban ako mismo niini, tungod kay kini ang Akong Pulong,” ug ginapakita Niya kini diha sa Biblia, dayon ang Dios magapaluyo mismo niini. Ug kung kini wala mahisulat diha sa Biblia, magapaluyo ang Dios niini, sa gihapon, kung kini Pulong gyud sa Dios. Kita n'yo?

⁶³ Ug dayon kung kini lahi kay niana, nga kini gipadayag ngadto sa mga propeta. Nahibaloan nato nga ang tanan nga mga tinago sa Dios ginapadayag lamang ngadto sa mga propeta, ug kanila lamang. Kita n'yo, Amos 3:7.

⁶⁴ Karon, karon, ang gahum sa kapadayagan nagapadasig ngadto sa magtotoo. Tungod kay, ang gahum sa bino, natural nga bino, nagapadasig. Kita n'yo? Kini aron—aron dalhon ang usa ka tawo, nga bug-os nang milup-og, ngadto sa pagkadasig. Kita n'yo? Kita n'yo? Bueno, dayon, karon, adunay gahum ang

kapadayagan sa Pulong, nagahatag og kadasig sa kalipay sa magtotoo, kadasig sa katagbawan, kadasig nga gipanghimatud-an Kini, gipamatud-an Kini.

⁶⁵ Kini gitawag, diha sa Kasulatan, sama nga gusto natong tawgon kini, ingon nga, “bag-ong bino.” Kanunay natong ginahisgotan kini, ingon nga, “Kini ang mga nangahubog sa bag-ong vino.” Kita n’yo? Sige. O, “sa espirituhanong bino,” sa hunahuna ko, mao ang labing maayo nga hubad niini. Ingon gyud niana, tungod sa “espirituhanong bino.” Sama nga ang natural nga bino nagapadayag sa kaugalingon niini diha sa dinasig nga gahum, busa ingon niana pud ang bag-ong bino, sa diha nga ginapadayag Niini ang Pulong sa Dios, nga mao ang Espiritu. Oh! Karon adunay usa . . . kana ang usa ka . . . Kita n’yo, ang Pulong Mismo mao’y Espiritu. Nagatoo ba kamo niana? [Nagaingon ang kongregasyon, “Amen.”—Ed.]

⁶⁶ Basahon nato kini. Basahon nato kini, diha sa San Juan 6. Ato gyu’y . . . Oo, aron kamo—aron kamo—aron dili kamo moingon, “Bueno, karon, ubang tawo man ang miingon niana.” Atong—tan—awon nato kung Kinsa’y nagsulti niini, ug dayon masayran nato kung kini ba gyu’y Kamatuoran, o dili. San Juan, sa ika-6 nga kapitulo. Ug ang ika-6 nga kapitulo, ug nagtoo ko nga kini ang saysentay- . . . ika-63 nga bersekulo, sige, siguro mao na kini. Oo.

Ang espiritu mao nga nagahatag sa kinabuhi; ang unod walay kapuslanan bisan sa unsa: ang mga pulong nga akong gisulti kaninyo, kini espiritu, ug kini kinabuhi.

⁶⁷ Ang Pulong Mismo mao’y Espiritu. Kini ang Espiritu diha sa pormang Pulong. Ug dayon, nakita n’yo, sa dihang gihimong-buhi Kini, o nabuhi, ang Espiritu sa Pulong misugod dayon sa pagpamuhat og mga buhat. Kita n’yo? Tungod nga . . .

⁶⁸ Karon tan-awa gani dinhi. Ang hunahuna kinahanglan mamahimong usa usa ka hunahuna sa dili pa kini mamahimong usa ka pulong. Ug dayon sa diha nga ang maong hunahuna gipahayag, usa na kini ka pulong. Karon, *kini* mao ang hunahuna sa Dios nga Iyang gibutang diha sa Pulong. Ug dayon sa dihang madawat nato Kini gikan Kaniya, Kini nahimong usa ka Pulong.

⁶⁹ Gipadayag sa Diyos kaniadto kang Moises kung unsa’y pagabuhaton. Gisulti kadto ni Moises, ug kini nahitabo. Kita n’yo? Ingon gyud niana, kung kini tinuod nga nagagikan gayud sa Dios.

⁷⁰ Karon makita nato, nga—nga Kini—nagahatag Kini og kadasig ug nagahatag Kini og kalipay, tungod kay Kini’y Pulong man sa Dios. Ug ang bag-ong bino, ginadasig sa bag-ong bino ang . . . sa diha ginapadayag Niini ang Pulong. Dayon, nagahatud kini og kalipay nga di-masukod, usahay. Nahisgotan na nato

kana, nga nagahatud kini og kalipay hangtud nga molukop kini kanimo.

⁷¹ Karon, nahibalo ako nga aduna usab daghang panatisismo, ug kung unsa na lang ang ginabuhat sa mga tawo. Nahibalo ako nga usahay ginabuhat nila kana pagmay musika nga manglukso-lukso sila, ug tanan na lang. Ug nasayod ko nga nagakahitabo kana. Ug ako—nagatoo ako niana, usab. Apan nakakita na ako og mga tawo sa adlaw nga, samtang ang musika ginapatukar, ang tanan nanaglukso-lukso ug nanagsinggit; apan sa dihang mihunong ang musika, mihunong pud sila. Kita n'yo? Nagatoo ko... Bueno, kana, okey ra gihapon kana, kutob sa akong nahibaloan, nakita n'yo, basta ang mga tawo nagakinabuhi lang og husto. Ug...

⁷² Apan, karon, unsa man, sugdi lang gyud ihatud ang Pulong! Karon, mao kana ang tinuod nga butang nga nagahatud og Kinabuhi, ang Pulong, ug nagadala kana og kalipay sa kadasig nga nagagikan sa bag-ong bino. Kita n'yo? Oo. Ug mao kana kung unsa kini kaniadto sa Pentecostes, sa dihang gipanghimatud-an ang Pulong.

⁷³ Karon tan-awa. Karon, giingnan sila ni Jesus, Lucas 24:49, “Ania karon, igapadala Ko kaninyo ang saad sa Akong Amahan nganha kaninyo; apan pangadto kamo sa Jerusalem, ug maghulat una hangtud.” Unsa man ang saad sa Amahan? Joel 2:28, aba, makita nato, nga Iyang “igabubo ang Espiritu.” Sa Isaias 28:19, kung unsa nga magkaaduna og “nagbungabunga nga mga ngabil ug pagsulti sa laing mga dila,” ug tanan na niining mga butanga.

⁷⁴ Misaka sila didto. Ug sama sa paghisgot na nato niini, siguro miingon ang usa, “Bueno, nagatoo ko nga igo na gyud ang gidugayon sa paghulat nato. Dawaton na lang nato kini pinaagi sa pagtoo.” Kana usa ka maayong doktrina sa Baptist, apan wala kini makapatarug kanila nga mga igsoong lalaki.

⁷⁵ Busa dayon, ang unang butang nga inyong mahibaloan, kinahanglan mahimo kadtong usa gyud ka realidad. Ug nanaghulat sila sa ilang ministryo, hangtud nga mapamatud-an ang maong Pulong. Ug sa diha nga gusto mong madawat ang Espiritu Santo, ingon niana usab ang buhaton mo.

⁷⁶ Oo, madawat mo kini pinaagi sa pagtoo. Kinahanglan mong dawaton si Cristo pinaagi sa pagtoo. Husto gyud kana. Ug madawat mo ang Balaang Espiritu pinaagi sa pagtoo; apan dayon tugoting moabot ang Balaang Espiritu ug ihatag Niya ang pagcircuncida, ingon nga pagsaksi nga gidawat na Niya ang imong pagtoo, nakita n'yo. Dayon, kita n'yo, “Gitooan ni Abraham ang Dios, ug kadto giisip kaniya nga maoy pagkamatarung.” Apan gihatag kaniya sa Dios ang ilhanan sa pagcircuncida, isip pagpamatuod nga Iyang gidawat ang iyang pagtoo.

⁷⁷ Busa mao usab kana ang angay natong buhaton. Kinahanglan natong maghulat sa Espiritu Santo hangtud nga magabuhat Kini og usa ka butang; dili tungod nga nagsulti kita og nagkalainlaing mga pinulongan, dili tungod kay nagsayaw kita, o nahimong emosyonal kita, nanagsinggit kita. Kondili hangtud nga mabag-o kita; hangtud nga aduna gyu'y tinuod nga nahitabo! Dili ko igsapayan kung unsa man nga porma kini miabot. Basta nahitabo gyud, mao kana ang pinakamahinungdanong butang. Kita n'yo?

⁷⁸ Ug nagatoo ko nga ang pagsulti og ubang mga pinulongan ug tanan na niining uban pa nga mga butang mga maayo man, apan kung ingon niini lang dili kini magpulos. Ug nahibalo kamo mismo nga dili gyud kana magpulos. Busa, wala gyud kana'y mabuhat.

⁷⁹ Nakakita na ako og mga balbal nga nagasulti sa ubang mga pinulongan, nakakita na ako og mga salamangkiru nga nagasulti sa ubang mga pinulongan ug nagasayaw diha sa espiritu. Oo. Pasagdan ang usa ka lapis ug magsulat kini sa iyaha lang diha sa wala-mahibaloan nga mga pinulongan. Ug adunay nagahubad niini, tinuod kana, ug ginasulti ang tinuod. Husto kana. Eksaktong gisulat kung unsa ang nahitabo, ug ingon niana eksakto ang nahitabo. Makita mo sila nga nanagsablig og abug sa ilang mga ulo, ug samad-samaran ang ilang kaugalingon gamit ang mga kutsilyo, ug humoran kini og dugo sa kung unsa man nga ihalas nga hayop o sa usa ka mananap, ug—ug, tinuod kana, kita n'yo, ug tawgon ang yawa. Busa, nakita n'yo, kana dili. . .

⁸⁰ Mao nga dili kini tungod sa pagsulti og laing mga dila. “Bisan pa'g ako nagasulti'g pinulongan sa mga tawo ug sa mga Manulonda, ug walay gugma, kini walay kapuslanan kanako. Kita n'yo, bisan nga mahimo ko kini!” Kita n'yo? Busa kanang mga butanga wala magpasabot nga anaa na kanimo ang Balaang Espiritu.

⁸¹ Apan kung Siya, ang Persona mismo, ang—ang dili-mamatay nga Espiritu ni Cristo nahimong imong kaugalingong Manluluwas, ug gibag-o ka, ug gipasentro na ang imong mga panglantaw diretso ngadto sa Kalbaryo ug sa niining Pulong, aduna gyu'y nahitabo. Oo, sir. Aduna gyu'y nahitabo. Wala ni usa ka tawo ang kinahanglan pang magsulti kanimo bahin niini. Mahibaloan mo mismo pagmahitabo na kini.

⁸² Ug ang bag-ong bino, sa dihang nagahatud kini og kapadayagan, nan Kini—napadayag Kini.

⁸³ Ug ingon niana kaniadto sa Pentecostes. Nasayod sila nga—kinahanglan aduna gyu'y Espiritu nga igabubo kanila, ug nanagpaabot sila hangtud nga kini nahitabo. Ug sa dihang ang kapanghimatuoran sa kapadayagan nahitabo, nadasig sila. Nadasig gyud sila. Nanagdilaab sila, usab. Sila, nangadto mismo

sa kadalanan; kon diin, kaniadto nangahadlok sila, ug gisirad-an pa gani nila ang ilang mga pultahan. Ug nangadto sila didto sa mga kadalanan; kon diin, gikahadlokan nila sa una kadto nga grupo sa mga tawo; nga karon ginasangyaw na ang Ebanghelyo ngadto kanila! Husto kana. Kita n'yo? Aduna gyu'y nahitabo, tungod kay gipamatud-an ang tinuod nga Pulong sa saad.

⁸⁴ Karon maghunong usá kita dinhi sa makadiyut. Kung naghatud kadto og ingon ka positibong butang ngadto kanilang mga tawo, nga sila—sila... Nga halos ang matag usa kanila giselyohan ang ilang pagpamatuod sa ilang dugo. Bisan unsa pa ang mahitabo, basta nga buhi sila, wala gyud sila mipahilayo gikan Niini. Nagpabilin pud Kini, tungod kay ang tinuod kadto nga Pulong sa saad, nga gipamatud-an. Gipamatud-an ang maong kapadayagan. Ug nangamatay sila, nga giselyohan ang ilang pagpamatuod sa kaugalingon nilang dugo.

⁸⁵ Karon tan-awa ang saad para niining katapusang mga adlaw. Ug nakita nato kini sa karon nga gipamatud-an mismo sa atubangan nato, ang—ang kasamtangan pag-abot sa Balaang Espiritu ug ang mga buhat nga gipaabot nga Iyang pagabuhaton, ug nakita nato kini mismo sa atong taliwala. Kita n'yo? Oh, kinahanglan natong... Oh, grabe! Unsaon nato nga makadungog? Aduna gyu'y nagakahitabo, sultihan ko ikaw, higala! Sa diha nga ang matuod, tinuod, sinsero, gipili-nang-daan nga magtotoo, pag moigo kana nga Kahayag nianang binhi, aduna gyu'y butang nga mogitib ngadto sa usa ka bag-ong Kinabuhi. Sama niadtong gamay'ng babaye didto sa atabay!

⁸⁶ Sa dihang, nag-ingon kadtong mga eskolar nga mga pari, “Bueno, ang yawa kana. Usa siya ka manghihimalad. Siya—ginasultihan Niya lang kadtong mga tawo sa ilang kapalaran. Ug siya—siya usa ka yawa.”

⁸⁷ Apan, sa diha, nga ang maong luoy'ng babaye nga aduna'y predistinadong binhi! Karon maghunahuna kamo nga dili kana husto? Apan miingon si Jesus, “Walay tawong makahimo sa pag-ari Kanako, gawas kon pagadanihon siya sa Akong Amahan, ug ang tanan nga gikahatag Kanako sa Amahan magaari.” Ug Siya...

⁸⁸ Ug ang anticristo, sa katapusang mga adlaw, makahimo sa... Kanang anticristong espiritu nga atong ginatun-an, sa denominasyonalismo, ug napamatud-an nga ang denominasyonalismo anticristo. Karon, pagkahuman dinhi, ang si kinsa man nga mogawas dinhi, siya, aduna gyu'y sayup kaniya, kung nagatoo siya sa gihapon nga ang denominasyonghong sistema dili anticristo. Sa dihang, bug-os na gyud kini napamatud-an, gikan sa kasaysayan, gikan sa tanang butang, mismo sa Biblia sa Dios ug sa tanang uban pa, nga anticristo kini. Ug ang Roma mao ang ulo niini. Ug ang mga anak nga babayeng mga simbahan niini nagasunod pud. Ug pareho silang

igatambog ngadto sa impyerno. Husto kana. Busa makita nato ang kining butang, anticristo, ang espiritu niini.

⁸⁹ Ug ang adlaw nga atong gikinabuhian, ug, aba, angay lang nga maghatud kini og “dimaasoy nga kalipay ug puno sa himaya.” Kadtong gamay’ng tigulang nga babaye, sa dihadiha nga miigo kadto kaniya, grabe, ang binhi miturok gayud!

⁹⁰ Karon, hinumdomi, nagaingon ang Biblia, nga sa katapusang adlaw, kining anticristo “pagalimbongan ang tibuok kalibutan.”

⁹¹ Magkaaduna lamang og diyutay’ng gidaghanon, kinsang mga ngalan nahisulat sa Libro sa Kinabuhi sa Cordero sa wala pa ang pagkatukod sa kalibutan. Ug pag-maigo sa tinuod nga pagpanghimatuod sa napadayag nga Kamatuoran sa Pulong sa Dios kana nga kasingkasing, modiretso gyud ná siya sa tubig, ug mopaingon didto uban sa Espiritu Santo, sa ingon ka paspas nga mahimo niya. Ug dili mo siya mapugngan sa pagbuhat niana, tungod kay nanglihok na ang bag-ong Kinabuhi.

⁹² Nakigsulti ako sa usa ka tawo, dili pa lang dugay, gusto gyud niyang makig-estorya kanako, ug nag-ingon, “Dili ka ba maulaw sa pagsulti nga gibuhat sa Dios ang mga langit ug yuta sulod sa tulo ra ka adlaw?” Akong . . . O, “. . .sulod sa unom ra ka adlaw?”

Ingon ko, “Kana man ang gisulti sa Biblia.”

⁹³ Miingon, “Bueno, aduna kami og ebidensya ug makapamatuod nga ang kalibutan minilyon na ka tuig ang panuigon.”

⁹⁴ Ingon ko, “Wala kana og unsa man nga kahilambigitan bahin niini. Sa Genesis 1:1, nagsulti Kini, ‘Sa sinugdan gibuhat sa Dios ang mga langit ug yuta.’ Tuldok! Kana lang, kita n’yo. ‘Karon ang kalibutan walay porma kaniadto, ug walay sulod.’” Ug ingon ko, “Nagatoo ko nga ang tanang binhi napahimutang na mismo didto, gikan sa ubang sibilisasyon o unsa man. Ug sa dihadiha nga mihubas ang tubig, ug misidlak kining kahayag, miturok ang mga kahoy ug tanang mga butang.”

⁹⁵ Ug ingon niana usab sa tawo, ingon nga tipo. Pagmahanaw ang tanan nga—nga—nga umog, ug ang gipadayag nga Kamatuoran sa nianang matuod nga binhi nga nahimutang dinha, buhi pa, ug masidlakan pa kini sa Kahayag sa Ebanghelyo pinaagi sa tinuod nga pagpamatuod sa Pulong, mamabuhi kini. Aduna kini og Kinabuhi sa sulod. Motoo gyud kini. Gawas niana, dili na kini mabuhi; wala kini og Kinabuhi sa sulod.

⁹⁶ Kadtong mga ngalan nga gisulat sa Libro sa Kinabuhi sa Cordero sa wala pa ang pagkatukod sa kalibutan, siguradong mamangon gayud sama sa unsa man nga butang. Ug mao kana kung ngano nga si Jesus naglingkod mismo Didto ug naghulat uban sa Iyang pagpatigpataliwalang buluhaton, hangtud sa

katapusan nianang binhi. Ug nahibaloan Niya mismo kung kanus-a kini mahitabo.

⁹⁷ Samtang si Dr. Lee Vayle . . . Sa hunahuna ko anaa pa siya sa usa ka panagtigum sa kung asa man. Wala ko siya makita pipila na ka adlaw. Dili ko sigurado kung nakita ko siya. [Nagaingon ang igsoong lalaki, “Ania siya dinhi.”—Ed.] Ania kono siya dinhi. Bueno, sa miaging adlaw gipadala niya sa ako kining gamay’ng sinulat, mahitungod sa kung unsay gisulti ni Iraneus. Bueno, gipili ko si Iranaeus, kaniadto pa, ingon nga manulonda sa kapanahonan nga iyang gikapuy-an. Apan miingon siya, “Sa diha nga kanang katapusang miyembro sa Lawas makasulod na,” sa niining katapusang kapanahonan, “kinahanglan mahimong . . . kinahanglan ang maong butang maipadayag na nianang panahona.” Ug ania na kini. Husto gayud kana. Kita n’yo? Ania na kita sa maong adlaw. Sige.

⁹⁸ Dayon, ang Pentecostal aduna na’y dimasukod nga kalipay. Nadasig gayud sila. Siguro, mao usab kini sa kang kinsa man.

⁹⁹ Mokuha lang usá kita og pipila pa ka mga gutlo. Pamalandongon nato ang bahin kang David. Siya—nadasig siya kaniadto, usab. Miingon siya, “Ang akong kopa nagaawas.” Siguro aduna gyud siya og usa—usa ka mahinungdanong hitabo sa iyang kinabuhi. Unsa, unsa kaha ang nagpa-aghat kaniya sa pagbuhat niana? Pag anaa siya sa Espiritu . . . Tungod niana, usa siya ka propeta. Nahibalo kita nga ingon niana siya. Mao man ang giingon sa Biblia. Si Propeta David, karon, tungod kay usa man siya ka propeta, ug atua siya sa Espiritu, ug nakita niya ang pagkabanhaw. Kung gusto ninyong basahon kini, anaa kini diha sa Mga Salmo 16:8 hangtod sa 11. Ang giingon niya, “Dugang pa niana ang akong unod nalipay. Grabe! Ako—ako nagapahulay diha sa paglaum, tungod kay dili Mo pagabiyaan ang akong kalag sa sheol; ni motugot Ka nga ang Imong Balaan makakita sa pagkadunot.” Ug sultihan ko kamo, ang iyang kopa nagaawas-awas gayud, tungod kay nakita niya kini. Dili igsapayan kung unsa kini; oh, nakita niya ang pagkabanhaw, ug siya gayud . . . ug ang iyang kopa nag-awas-awas.

¹⁰⁰ Sa makausa pa, nagkaaduna na usab si David og kopa nga nagaawas-awas, diha sa Ikaduhang Samuel, (ingon nga napagawas naman ninyo ang inyong mga lapis), Ikaduhang Samuel 6:14. Nagkaaduna kaniadto og grabe nga pag-uga sa yuta.

¹⁰¹ Aduna kanila kaniadto ang arka. Pagsulong sa kaaway nakuha nila ang arka sa Ginoo, ug gidala nila kini ug gipahimutang kini didto sa atubangan ni Dagon, ug si Dagon natumba sa atubangan sa arka. Ug mao nga gidala nila kini ngadto sa ubang siyudad, ug nangabot ang mga hampak. Kadto mao ang . . . Kadto mao ang labing mainit nga butang nga nagkaaduna sila sa ilang mga kamot, didtong lugara. Ug dili nila

kadto basta na lang mapasagdan, tungod kay wala man kadto sa iyahang hustong lugar.

¹⁰² Karon, sa dihang gibutang nila kini diha sa carro sa baka, ug sugod kining gidala pauli. Ug pagkakita ni David nga ang arka pabalik na, kabalo ba mo kung unsay iyang gibuhat? Siya—gidihogan siya mismo, ug ang iyang kopa nag-awas-awas; grabe nga kadasig! Pagkakita niya nga ang Pulong ginapadayag na usab balik ngadto sa Israel, misayaw siya diha sa Espiritu, sa tibuok palibot, nga nagatuyok, nga nagatuyok, nga nagatuyok, nga nagatuyok, nga sama niana. Oo. Ang iyang kopa nag-awas-awas, nakita n'yo. Ngano man? Nakita niya nga pabalik na ang Pulong.

¹⁰³ Ug siguro mahimong dasigon usab niana ang si kinsa man pagmakita nila, nga human sa paglabay sa mga katuigan; ug ania na ang tinuod nga Pulong, sumala gyud sa saad nga mahitabo kini, ingon nga gipadayag ug gipamatud-an mismo. Pagkamahimayaon gayud nga panahon! Mahimayaon gayud nga panahon!

¹⁰⁴ Karon basahon nato. Ako—pagmagsige na lang ko og istorya, dili na nako mahisgotan kini, ug mapadugay ko kamong tanan dinhi hangtud alas diyes-traynta. Sayo ko man kamo gibuhian kagabii, busa kinahanglan nga pugngan ko kamo og mas dugaydugay karong gabhiona. [Nagaingon ang kongregasyon, “Amen.”—Ed.] Oo. Oo. Dili, gitawtiawan ko lang kamo. Kita n'yo? Akong. . . Gusto lang nato ang pagpanguna sa Ginoo karon.

Ug sa pagbukhad niya sa ikaupat nga selyo, nadungog ko ang tingog sa ikaupat nga buhing-binuhat nga nag-ingon, Umari ka. . . tan-awa.

¹⁰⁵ Karon, “Sa dihang giablihan sa Cordero ang Ikaupat nga Selyo.” Mohunong sá kita dinha karon. Ang Ikaupat nga Selyo, karon, Kinsa man ang nag-abli Niini? Ang Cordero. Aduna pa ba’y uban nga takus? Wala na’y uban pa nga makahimo sa pagbukas niini. Wala. Ang Cordero ang nag-abli sa Ikaupat nga Selyo.

¹⁰⁶ Ug ang—ang ikaupat nga Buhing-binuhat, ang buhing Binuhat nga sama sa usa ka agila, miingon kang Juan, “Umari ka, tan-awa kung unsa ang ikaupat nga tinagong plano sa katubsanan, nga nakatago sa niining Libro,” tungod kay ginaablihan Kini sa Cordero. Sa ubang pagkasulti, mao kana kung unsa ang gisulti niya. “Adunay ikaupat nga tinago dinhi. Gipakita ko kini kanimo, diha sa simbolo. Karon, Juan, wala ako masayod kung nasabtan ba nimo Kini, o wala.” Apan, gisulat ni Juan kung unsa ang iyang nakita, apan usa kadto ka tinago. Busa, gisulat niya kung unsa ang iyang nakita.

¹⁰⁷ Giablihan sa Cordero ang mga Selyo, ug sa gihapon wala Kini gipadayag sa Dios. Gikatagana man Kini alang sa

katapusang mga adlaw. Kita n'yo? Karon, mga simbolo lang ang anaa kanato, ug nanalagma kita niini, ug maayo pud kita'y manalagma usahay, kita n'yo. Apan nahibaloan nato nga Kini wala sa gihapon napadayag. Apan karon, sa katapusang mga adlaw, mahimo na natong lingion ug tan-awon kung unsa gyud Kini. Ug ingon man niana ang ginapaabot nga mahitabo, nga, sa katapusan nga kapanahonan sa iglesia, sa dili pa mahitabo ang Pagsakgaw.

¹⁰⁸ Unsaon pagkasulti ni kinsa man nga ang Iglesia moagi sa Kasakitan, di ko masabtan. Nganong moagi pa man siya sa Kasakitan, nga wala man Siya'y—wala man Siya'y sala? Ang buut kong ipasabot. . . Ang buut kong ipasabot ang iglesia; ang iglesia moagi man gyud sa Kasakitan. Apan ang ginahisgotan ko mao ang Pangasaw-onon. Ang Pangasaw-onon, dili, wala Siya'y sala nga batok Niini, man lang. Gipaputi na Siya og ayo, ug wala na ni usa pa ka—ni usa ka. . . Ni baho man lang niini, ug wala na gyu'y nahabilin. Gihingpit na Sila, sa atubangan sa Dios. Busa alang sa unsa pa man ang Kasakitan aron sa pagputli kanila? Apan ang uban pagapaputlion pa. Ang iglesia moagi gyud sa Kasakitan, apan dili ang Pangasaw-onon.

¹⁰⁹ Karon, karon ato kining gihisgotan diha sa tanang matang sa mga simbolo. Sama sa—sa iglesia, nga sama ni Noe, ang tipo nga nahabilin, mipaingon mismo sa kasal-anan. Kita n'yo, karon, nalagpasan nila kadto. Apan, si Enoch mibiya na una, kana mao ang tipo sa mga balaan nga makasulod, sa dili pa ang panahon sa Kasakitan.

Karon makita natong, giablihan niining Cordero ang Selyo.

¹¹⁰ Karon, ang unang Mananap nga makita nato, kung namatidan ninyo, ang unang Mananap nga makita nato, maoy usa ka. . . Ang unang Mananap mao ang leon, usa ka buhing Binuhat; makita kana diha sa basahon sa sel-. . . sa mga kapanahonan sa iglesia. Ug dayon ang ikaduhang Mananap, sa hunahuna ko, maoy—maoy itsura sa usa ka baka, o usa ka laking baka. Ug ang ikatulo nga Mananap maoy itsura sa tawo. Apan ang ikaupat nga Mananap maoy itsura sa usa ka agila. Karon sa ingon niana ka eksakto natong nakuha ang mga niini, nga eksaktong ingon niana ang pagkasunod-sunod. Ug ingon gyud niana ka eksakto ang pagkahimutang nila dinhi sa maong Libro.

¹¹¹ Ug dayon may usa ka bantugang magtutudlo, usa niana ka higayon didto sa Florida, nga nagatudlo, nagaingon nga—nga ang. . . nga kono, “Ang Basahon sa Mga Buhat maoy usa—usa ka pang-damba nga? buhat lang man alang sa—sa Iglesia. Ang pundasyon gyud sa Iglesia diha sa upat ka mga Ebanghelyo.”

¹¹² Ug makita nato, nga bali man diay, nga ang upat nga mga Ebanghelyo maoy nagabantay sa Basahon sa Mga Buhat. Nasulat ang Basahon sa Mga Buhat tungod nianang upat nga mga Ebanghelyo, ang mga buhat sa Balaang Espiritu diha sa mga

apostoles. Ug makita nato, mismo sa Basahon, nga kanang mga magbalantay nakapuwesto dinha nga nakabantay; sa sidlakan, amihanan, kasadpan, ug habagatan. Nadumdoman ba ninyo kon giunsa nato kini sa pagdrowing dinhi? Ug daw sa unsa ka maanindot nga mitukma gyud og ayo ang tanan ngadto sa iyahang puwesto!

¹¹³ Karon gusto kong himatikdan ninyo. Miingon, “Umari ka ug tan-awa.” Si Juan . . . Karon gusto kong himatikdan ninyo pag-usab, sa wala pa kini. Karon, kini dinhi mao ang kinaulahian sa mga mangangabayo, aron ipadayag ang nga buhat sa anticristo.

Ugma sa gabii, hisgotan na nato ang mahatungod mga kalag nga anaa ilalum sa halaran.

Pagkasunod gabii, ang mga paghukom na.

¹¹⁴ Ang pagkasunod na usab nga gabii, ang mahitungod na sa pagsakgaw, ang—ang katapusan sa kapanahonan, katapusan sa panahon, ang katapusan sa tanan nga mga butang, kita n’yo, pag-gikuha na ang Pangasaw-onon. Busa, diha mismo sa Ikapitong Selyo, igabubo ang mga Panaksan, ug ang tanang uban pang butang igabubo. Kung unsa ang mga niini, wala ko mahibalo.

¹¹⁵ Himatikdi. Apan karon, dinhi niini, makita nato nga kining anaa dinhi usa ka agila, kining tawo nga . . . o kining buhing Binuhat nga makita nato dinhi karon. O, sa laing pagkasulti, adunay upat nga nagkalainlaing mga kapanahonan Niini. Aduna kaniadto og kapanahonan sa leon. Ug, makita nato, nga kining ania karon maoy ikaupat nga kapanahonan.

¹¹⁶ Ug miingon siya, “Umari ka ug tan-awa ang ikaupat nga tinago sa Basahon sa Katubsanan, nga gililong sa niining Basahona. Umari ka, tan-awa.” Ug miduol si Juan aron sa pagtan-aw, ug nakita niya ang usa ka kabayo nga maluspad. Ug, usab, ang mao ra gihapon kini nga mangangabayo ang nakasakay niining maluspad nga kabayo.

¹¹⁷ Karon aduna na siya’y ngalan nga gitawag og Kamatayon. Karon matikdi. Ang tanang uban pa nga mangangabayo, o tanang uban pa nga mga kabayo, o sa tanang panahon nga kining mangangabayo nagpangabayo, wala diha kanila; kanang tawhana wala gyu’y ngalan. Apan karon gitawag na siya og Kamatayon. Wala man lang kini nalakbitan kaniadto. Kita n’yo? Pero karon gipadayag na siya. Siya mao ang kamatayon.

¹¹⁸ Bueno, mahimo man natong magpabilin pa niana alang sa usa pa ka pagwali, ug para maklaro gyud kini! Apan ang bisan unsa man nga batok, kanang nagasupak sa tinuod, sigurado gyu’y kamatayon. Tungod kay, adunay duha lamang ka hilisgutan, og kana mao, ang Kinabuhi ug kamatayon. Ug nagapamatuod kana nga ang kapadayagan sa Balaang Espiritu mahitungod niini, sa karong panahon, mao gayud ang Kamatuoran. Ang anti, siya mao ang kamatayon. Tungod kay,

ang Pulong, maingon sa makita nato unya dinhi, mao ang Kinabuhi. Kita n'yo?

¹¹⁹ Ug kining tawhana gitawag og Kamatayon. Karon, wala kini nalakbitan sa ubang mga panahon, bahin niining mangangabayo. Apan, karon, gisulti na, nga siya gitawag og Kamatayon.

¹²⁰ Apan ilalum kaniadto sa pagpadayag sa leon...Karon matikdi. Karon gusto kong basahon kini nga klaro, aron nga makasiguro ako; aduna ko'y mga sinulat dinhi, sa pagtindog ko dinhi. Ilalum sa, dili ilalum sa kapadayagan sa kapanahonan sa leon, o sa unang kapanahonan, sa nahaunang kapanahonan, wala pa Kini gipadayag. Ang sunod nga kapanahonan mao ang kapanahonan sa baka, nga mao ang mangitngit nga kapanahonan, ang tunga-tunga nga kapanahonan, wala pud kini napadayag kaniadto kon unsa Kini. Bisan sa itsurang-tawo nga Buhing binuhat, nga nagapasabot og kaalam, nagrepresentar sa mga repormador, si Luther ug Wesley ug ang uban pa, wala Kini napadayag. Apan sa kapanahonan sa agila, ang kaulahiag nga kapanahonan, nga pang-propeta nga kapanahonan, kon diin adunay mga pagpahayag nga iya sa propeta, kita n'yo, nga kaniya sa kanunay nagaabot ang mga tinago! Karon dinha kita kon diin... .

¹²¹ Magdugay kita niana og diyutay, niining gabhiona, aron hingpit gayud ninyong masabtan. Karon, sa halos tanan nga mga higayon, masabtan ninyo, nga kini... .Wala ako nagapakigsulti sa niining pundok lamang dinhi. Kining mga teyp mopadulong man sa bisan asa, kita n'yo, ug mao nga kinahanglan kong klarohon kana. Tungod, mahimong adunay tawo nga ang mapaminawan usa ra ka teyp, ug dayon, kung dili nila mapaminawan ang uban pa niini, siguradong malibog gyud sila, kita n'yo. Gisaad Kini sa Dios, kita n'yo, alang niining panahona, alang sa kaulahian, para tapuson ang tanan niining nagkalainlaing mga butang nga nawala ug mga kalibugan. Kita maoy... .

¹²² Nagkaaduna kita og mga bisti ni Elias. Nagkaaduna kita og mga kupo ni Elias. Oh, adunay mga tawong... .Si John Alexander Dowie gilubong didto, nga giputos sa usa—usa ka kupo. Miingon siya nga siya kono si Eliseo. Ug nagkaaduna kita og tanan na nga matang sa mga butang nga sama niana. Unsa man kini, kung ingon-ana? Kini aron lamang nga ilayo kamo sa Kamatuoran nga andam nang igapresentar. Kita n'yo? Nagkaaduna na sila kaniadto og mini nga mga cristo sa wala pa ang panahon ni Jesus. Kita n'yo? Kanunay nilang ginabuhart kana. Si Satanas kini, nga nagapagawas og mga mini, aron libugon ang mga hunahuna ug pagtoo sa mga tawo, sa dili pa mahitabo ang maong tinuod nga butang. Kana lang.

¹²³ Dili ba nagsulti man si Gamaliel sa samang butang mismo ngadto sa mga Judio kaniadtong adlaw? Miingon, “Dili ba aduna na’y tawong mitungha ug miangkon nga siya kono Ingon Niini? Ug nadala pa gani nila ang upat ka gatus ngadto sa kamingawan. Nangamatay lang sila, ug kung unsa pa.”

¹²⁴ Miingon, “Ang matag sanga nga wala itanum sa Akong Langitnong Amahan,” miingon si Jesus, “pagaibton.”

¹²⁵ Miingon si Gamaliel, “Pasagdi sila. Kung sila, kung kini dili iya sa Dios, dili ba mahanaw ra man kini? Apan kung kini iya sa Dios, makaplagan kamong nagapakig-away batok sa Dios.” Migamit og kaalam ang maong tawo. Usa siya kaniadto ka magtutudlo.

¹²⁶ Karon matikdi. Karon, aron tapuson ang tanan niining mga tinago, ang Dios nagsaad nga adunay motungha nga usa ka matuod nga Eliseo, usa ka tawong dinihogan sa Espiritu, ug igapadayag kini. Gisaad Niya kini diha sa Malaquias 4. Ug aduna ako og mubo nga mga sinulat ug mga sulat nga nagaingon nga dili kono kini ingon niana, apan gusto kong makig-estorya kung kinsa man kana. Kita n’yo? Aba, dili mo mahimong isalikway kini. Ang si kinsa man tinuod, maayong teologo nahibalo gayud nga Kamatuoran kini, nga sila nanagpaabot alang niini.

¹²⁷ Apan sama ra sa paagi nga kini miabot pinaagi kang Juan, ang mag-uuna sa unang pag-abot ni Cristo. Aba, wala nila nailhan si Juan, tungod kay dagkung mga butang man ang gipanagna mahitungod kaniya. Aba, iyang “pagapaubson ang tanang hatag-as nga mga dapit, ug pagapatas-on ang tanan nga ubos nga mga dapit, pagapatagon ang tanan nga gansanggansangon nga mga dapit.” Ug, oh, siya... Ang mga propeta: si Isaias, pito ka gatus ug dose ka tuig sa wala pa si Juan matawo; ug si Malaquias, upat ka gatus ka tuig sa wala pa siya miabot sa maong eksena; silang tanan nanagna mahitungod kaniya. Ug ang mga tawo nagpaabot nga ipakanang ang pasilyo sa Langit, ug kining propeta monaug nga dala ang iyang sungkod diha sa iyang kamot, gikan sa Dios.

¹²⁸ Ug unsa ma’y nahitabo? Usa ka tawo nga inyong... dili man lang makapakita og usa ka kard sa pagpakig-fellowship. Dili man lang makapakita og kredensyal. Dugay nagpuyo sa kamingawan; wala man lang ni gamay nga edukasyon. Nasultihan kita, pinaagi sa mga magsasaysay, nga mibiya siya paingon sa kamingawan niadtong nuebe anyos ang panuigon, human sa pagkamatay sa iyang amahan ug inahan. Ug gipadako nga... Pagkaimportante kaayo sa iyang buluhaton, aron mag-apil-apil pa siya sa kung unsa man nga seminaryo. Gikinahanglan niya—gikinahanglan niyang imantala ang Mesias.

129 Dili magamit sa Dios ang usa ka tawong puno og teolohiya. Dili niya mabuhat kini, tungod kay siguradong kanunay gyud siya nga madala pabalik. Ingon niana man gud ang linya sa iyang pagkakat-on. Madala gyud siya pabalik niana. Busa, pagmay makita siya og usa ka butang, maningkamot siyang balikan kung unsay gisulti sa mga magtutudlo. Mas maayo pang layuan mo na ang maong mga butang, ug toohan lamang ang Dios.

130 Ug makita nato nga wala gyud nila siya nailhan. Bisan ang mga apostol nga nanagtindog didto, wala mismo nakaila kaniya. Aba, nanag-ingon man sila, “Nganong gisulti man sa Kasulatan, ang mga eskriba, nagsulti nga si Elias . . .”

131 Miingon siya, “Bueno, miabot na siya, ug wala ninyo siya naila.”

132 Ug dinha ko gihisama ang pagkabanhaw, o ang Pagsakgaw. Miagi na lang kini, ug sila’y . . . Nahibalo ako nga medyo talagsaon kana. Pero aron nga makahibalo kamo og diyutay pagkahuman niining gabhiona, kung itugot sa Ginoo, kung unsaon gyud niini pagkahitabo, kita n’yo. Mamahimo kining sekreto kaayo, nga walay makahibalo niini, halos. Ang kalibutan magahunahuna lang, magpadayon lang mismo kini sama sa kung unsa lang kaniadto, kita n’yo, ug . . . Dugay na Niyang ginabuhat kini nga ingon niana.

133 Kabalo mo, gaduhaduha gyud ko kung aduna ba’y usa—usa . . . Moingon ko, usa sa nobenta sa mga tawo sa kalibutan, ang nakahibalo kaha nga si Jesus Cristo ania diay niadtong dinhi pa Siya. Kabalo ba mo, niadtong panahon nga nagpropesiya si Elias, duda ko kung aduna kaha’y tawo nga nakaila nga siya ang . . . Ang nahibaloan nila nga adunay usa ka tawong sapoton atua didto, usa ka panatikong tigulang, apan ilang gikapongtan siya. Sigurado. Siya ang gitawag nila nga salikwaut.

134 Ug ang tan-aw ko, ang si kinsa man nga Cristohanong natawo na pag-usab medyo usa ka matang sa tawo nga salikwaut, para sa—sa kalibutan, tungod kay ikaw gibag-o na man. Gikan ka man sa ubang kalibutan. Ang imong Espiritu gikan sa tabok sa dalama. Ug kining butanga dinhi magubot . . . Dayon, kung ikaw—kung dili ka lahi, aduna gyu’y sayup; ikaw, nahiktan ka pa gihapon og ayo sa kalibutan. Kinahanglan aduna ka og Langitnong-panghunahuna. Ug ang pagka-Langitnon nagakinabuhi sa Pulong.

135 Karon, atong mahimatikdan nga nahitabo mismo kining—kining dakung butang. Karon, nagatoo kita nga magaabot ang usa ka tinuod nga Espiritu ni Eliseo. Gikatagna na kini nga mahitabo, kita n’yo. Ug kinahanglan natong hinumdoman nga magaabot gyud kini, sa gikatakdang panahon ug oras niini. Mahimong ginaplastar lang nato karon ang pundasyon alang niini. Ug dili kini . . . dili kini mamahimong usa ka organisasyon.

136 Ako—dili ako uyon sa usa ko ka maayong higala, bahin niana. Ginaingon niya nga mamahimo kono kining usa ka hugpong sa mga tawo. Gusto kong ipakita ninyo kana kanako pinaagi sa Kasulatan. Ang Dios, ang wala-nagakausab nga Dios, wala Niya sukad ginausab ang Iyang mga plano. Kon ginausab man Niya, nan dili Siya Dios; husto kana, tungod kay usa ra man diay Siya ka mortal, ug nahibalo Siya sama lang sa mga nahibaloan ko, ug nagakasayup Siya.

137 Wala gayud sa Dios giusab ang Iyang plano, gikan pa niadtong panahon sa tanaman sa Eden. Naghimo Siya og plano alang sa katubanan; kana mao ang Dugo. Ug gisulayan nato ang edukasyon. Gisulayan nato ang diktadura. Gisulayan nato ang sikolohiya. Gisulayan nato ang denominasyonalismo. Gisulayan nato ang tanan nang butang, aron ituklod ang tanang tawo sa paghiusa, o maghigugmaay ang usa'g usa, ug tanan nang uban pa. Walay dapit alang sa pagpakig-fellowship kondili ilalum lamang sa Dugo, hangtud karon, ang bugtong basihanan nga mahimong tagbuon sa Dios ang tawo.

138 Ang Dios kanunay nagapakitigayon sa usa ra ka indibiduwal. Pag duha ka tawo aduna na'y duha ka ideya. Wala pa sukad kaniadto nagkaadunay duha ka medyor nga propeta sa kalibutan, nga nagapropesiya sa samang higayon. Tan-aw og balik ug susiha kung nagkaaduna ba gyud. Wala, sir. Magkagubot lang gyud! Kinahanglan Niyang makakuha og usa ka tawong bug-os nahitugyan niini ang kaugalingon, ug gamiton kana nga tawo. Ingon niana nga tawo ang Iyang ginapangita.

139 Apan magkaaduna gyu'y usa, pag panahon na niini, usa ka tawong mamati Kaniya, Pulong sa Pulong. Dili ko igsapayan kung unsa ma'y isulti sa uban, dili gayud sila moirog gikan Niini. Husto kana. Maghulat gayud sila sa MAO KINI ANG GINAINGON SA GINOO. Ug, dayon, dili sila molihok nga wala pa kana. Bug-os siyang pagapanghimatud-an. Inyong. . .

140 Karon, pagadumtan kana sa mga taga-gawas, apan ang pinili nga Binhi, ang predestinadong Binhi, sama nga aduna kaniadto sa mga adlaw ni Jesus, sa diha nga mosidlak na kana nga Kahayag, Mabuhi kana nga Binhi nga sama niana. [Nagapalagiti si Igsoong Branham sa iyang tudlo sa makausa—Ed.] Mailhan nila Kini. Masabtan nila Kini. Dili mo na kinahanglan pang magsulti ni usa ka pulong bahin Niini.

141 Miingon ang babaye, “Sir, akong nasabot nga Ikaw usa ka Propeta. Nasayod ako pag-moabot ang Mesias, gipaabot nga Siya'y. . .”

Miingon si Jesus, “Ako mao Siya.”

142 Grabe, kana, kana lang igo na. Dili na niya kinahanglan pang maghulat tibuok gabii, ug magdugay pa hangtud sunod

nga gabii. Nakuha na niya Kini mismo. Mipaingon na siya mismo didto. Isulti na niya ngadto kanila ang bahin Niini.

143 Karon hinumdomi, karon, ang unang kapanahonan mao ang kapanahonan sa leon. Ang Leon kadto sa banay ni Juda, si Cristo. Ang Impluwensya sa Iya Mismong Kinabuhi, ang midaug niadtong kapanahonan. Mao kadto ang nahaunang *Mananap*, nga nagkahulugan og “Gahum,” nga mitubag pinaagi og tawhanong tingog.

144 Ang sunod nga kapanahonan mao ang kapanahonan sa laking-baka, o ang kapanahonan sa mangangabayon nga nagasakay sa mangitngit nga kabayo. Kita n’yo?

145 Karon, ang hinungdan nga ang unang kapanahonan mao ang usa ka puting kapanahonan, maoy tungod . . . Sama—sama sa kanunay ko na nga madungog nga ginaingon sa mga tawo nga kanang unang mangangabayon, ang puti, mao kono ang gahum sa iglesia, nga migawas aron pagpanaug. Ug makita nato nga siya gihatagan og korona, nga mao kono mao na kadto. Ang iglesia kono kadto. Ang iglesia lagi kadto, apan asa man siya mipaingon? Mipaingon sa Roma. Didto kung diin siya mipaingon. Gidawat niya ang iyang korona.

146 Karon, ang ikaduhang kapanahonan mao—mao ang mangangabayon nga nakasakay sa pulang-kabayon, nga mao ang mangitngit nga kapanahonan.

147 Ug karon—karon, ang—ang sunod nga kapanahonan, tawo—tawo na, sa kapanahonan sa mangangabayon nga nagsakay sa maitum nga-kabayon. Ug siya mao ang kapanahonan sa mga repormador, kita n’yo, sa dihang ang—ang Tingog nagsulti. Karon, ang nagasakay sa itum nga-kabayon, kana ang anticristo. Apan ang Usa nga nagasulti diha nianang kanapahonan gihulagway sa usa ka tawo, ug nagarepresentar kana og kaalam, pagka-maantigo, ug pagka-maalisto. Kita n’yo? Ug wala nila masabti kana, kita n’yo. Wala nila ginatawag . . . Wala nila siya gihinganlan. Kita n’yo? Gisulti lang nila nga migula kini.

148 Apan karon, sa dihang moabot na ang kapanahonan sa agila, kana ang usa nga . . . Kanunay’ng gihisama sa Dios ang Iyang mga propeta ngadto sa mga agila. Gitawag Niya ang Iya Mismong Kaugalingon nga usa ka agila. Ang agila nagalupad sa pinakahabog, walay bisan unsa pa nga butang ang makaabot kaniya. Dili lamang siya atua didto sa itaas, kondili gibuhat siya alang nianang posisyon. Pag-didto na siya sa itaas, makita niya kung asa na siya. May mga tawo nga pagmoabot na sila didto sa itaas ug dili na nila makita kung asa na sila, busa wala lang gihapon kaayohan bisan makaabot pa sila didto sa itaas. Apan kung kamo . . .

149 Apan pasagdi ang uwak nga sulayan niyang molupad kauban ang agila, o ang banog kaha, hain man sa ilang duha, mabungkag

gayud siya. Kinahanglan nga pressurized siya kung didto siya paingon.

¹⁵⁰ Mao kana ang problema sa karon, ang uban kanato dili man gud pressurized. Nagakabuto kita sa gilayon, nakita n'yo, pagmotaas na kita. Ug, apan, gikinahanglan nga pressurized kita.

¹⁵¹ Sa dihang didto ka na sa itaas, ug aduna ka'y mahait nga panan-aw nga iya sa agila, aron makita kung unsay umaabot, nan mahibalo ka kung unsa ang pagabuhaton. Karon, gipadayag Kana sa kapanahonan sa agila. Karon makita nato, nga kanang kapanahonan sa agila gisaad diha sa Pinadayag 10:7 ug sa Malaquias . . .:1, 4. Kana maoy mahitabo sa kaulahiing mga adlaw, kita n'yo, husto kana, nga moabot gyud kini. Sige. Matikdi.

¹⁵² Karon, kining tawhana, makita nato nga nagasakay siya sa usa ka luspada nga kabayo. Luspada! Oh, grabe! Pagkahuman, matikdi human nga . . .

¹⁵³ "Saysentay-otso ka milyon nga mga Protestante," sama sa nakuha nato gikan—gikan sa *Glorious Reform* ni Schmucker, sa—sa listahan sa mga martir nga iya sa Roma, kagabii. Makita nato nga, hangtud kadto 1500, nagatoo ko nga hangtud gyud niadto, o desiotso- . . . Dili ko na mahinumduman karon. Apan saysentay-otso ka milyon kaniadto ang gipamatay, tungod lang sa pagprotesta sa unang Romanong iglesia, ang Roma. Dili ikatingala, mahimo niyang ipakasama ang iyang kaugalingon sa ngalan nga nagrepresentar sa . . . ug gitawag siya nga Kamatayon. Mao gyud siya.

¹⁵⁴ Karon, ang Dios lamang ang nahibalo kung unsa kadaghan ang espirituwal nga nangamatay tungod kaniya, tungod sa iyang anti-Biblia, anti-Pulong nga pagtulun-an! Kining saysentay-otso ka milyon maoy mga gipangduslak niya sa espada, ug gipamatay sila. Ug mahimong, sa literal, ka binilyon ang espirituwal nga nangamatay, tungod sa iyang mini nga pagtulun-an. Dili ikatingala nga madawat niyang tawgon siyang Kamatayon!

¹⁵⁵ Nakita n'yo ang maong mangangabayo? Una, ingon nga usa ka anticristo, pero siya mao na ang kamatayon, sa sugod pa lang; apan mora siya og walay limbong pa kaniadto. Dayon nakadawat siya og korona, usa ka tripleng korona; ug sa pagkadawat niya niadto, gihiusa niya, gihiusa ni Satanas ang iyang iglesia ug ang gobyerno, tungod kay siya man ang pangulo niining duha kaniadto. Ang anticristo mao si Satanas, diha sa porma sa usa ka tawo.

¹⁵⁶ Ug dayon, usab, sa San Mateo, nagatoo ko nga anaa kini, diha sa ika-4 nga kapitulo, nga nagsulti kanato niana—niana. Gidala ni Satanas si Jesus, ang atong Ginoo, didto sa ibabaw, ug gipakita Kaniya ang mga gingharian sa kalibutan, ang tanan

niini, sa usa ka gutlo sa panahon, ug ang ilang himaya, gitanyag kini tanan ngadto Kaniya. Ug miingon siya. . . Nga ang mga niini, panag-iya niya.

¹⁵⁷ Busa, nakita n'yo, kung mahiusa niya ang iyang gobyerno ug ang iyang iglesia, nan mapadagan gayud sa maong mangangabayo ang iyang pulang-kabayo, sigurado gayud. Kita n'yo? Tinuod! Karon, kung ingon-ana, makita nato ang iyang tinago dinhi, ang iyang iglesia ug gobyerno.

¹⁵⁸ Ang ikaupat nga hugna sa iyang ministerio, gitawag siya nga mananap. Una gitawag siyang anticristo, kita n'yo; dayon gitawag siyang mini nga propeta; ug dayon gitawag siyang mapintas nga mananap. Karon makita nato siya dinhi ingon nga gitawag nang mapintas nga mananap. Karon, gusto kong himatikdan ninyo, nga pagkahuman na kana sa ikaupat nga kabayo.

¹⁵⁹ Ug sa niining ikaupat nga kabayo, kung namatikdan ninyo, ang tanang. . . Ang nahaunang kabayo puti; ug ang sunod pula; ug ang sunod na usab itum; ug ang ikaupat, ang tanang uban pa sa niining nahaunang tulo gihulagway dinhi; tungod kay, ang maluspad nga kolor mao ang pula ug—ug puti, ug ang sunod pa niini, nga gisagol-sagol. Kita n'yo? Siya. . . Kining—kinig tanan maoy sinagol diha sa niining usa ra ka kabayo. Kita n'yo? Ug dinha nahimo siyang upat, o, sa kamatuoran, ang maong tulo diha sa usa. Ug kining tanan nasagol diha nianang usa ra ka butang.

¹⁶⁰ Karon gusto kong matikdan ninyo silang upat. Matikdi kini, ingon nga upat, nga wala nagsubay sa espirituhanong matematika. Ang Dios anaa kanunay sa tulo. Kini upat. Siya anaa sa upat, dinhi. Una, anti-cristo, puti; ikaduha, mini nga propeta, pula; ikatulo, bikaryo sa kalangitan ug yuta ug—ug purgatoryo, itum; ikaupat, mapinta nga mananap, ang luspap nga kabayo, si Satanas nga gipalagpot gikan sa Langit. Gusto ba ninyo nga basahon kana? Pinadayag 12:13, si Satanas nga gipalagpot gikan sa Langit. Dayon sa Pinadayag 13:1, 8, siya nga nahimong tawo sa persona sa mapintas nga mananap.

¹⁶¹ Una siya'y anticristo, usa ra—usa ra ka pagtulon-an nga gitawag og Nicolaita; dayon nahimo siya, gikan niana, ngadto sa pagka mini nga propeta. Kung usa siya ka anticristo, pag-anticristo *supak*. Ang bisan unsa mang supak sa Pulong sa Dios maoy supak sa Dios, tungod kay ang Pulong Dios. “Sa sinugdan mao ang Pulong, ug ang Pulong kauban sa Dios, ug ang Pulong nahimong unod, si Cristo, ug nagpuyo ipon kanato.” Ug karon ingon nga siya supak sa Pulong, busa siya'y anticristo. Apan ang espiritu dili man makoronahan; mao kana ang hinungdan kon nganong wala siya makadawat og korona. Usa ra ka pana, nga walay mga udyong.

¹⁶² Ug dayon sa dihang miabot na, ang panahon nga koronahan na siya, nahimo siyang mini nga propeta sa iyang anticristong pagtulon-an. Nasabtan ba kini? Dayon nakadawat siya og espada, tungod kay gihiusa man niya ang iyang mga gahum, og tungod niana dili na niya kinahanglan pa nga mananghid kang bisan kinsa. Siya na ang gobernador sa estado; siya na ang gobernador sa Langit. Nakadawat siya og triple nga korona. Naghimo-himo siya sa iyang kaugalingon og usa ka gitawag nga “purgatoryo.” Diin nga, kung—kung adunay mga tawo nga mamatay, ug aduna sila og daghang salapi, nga gustong mobayad aron lang makagawas, mahimo niya silang iampo pagawas gikan didto. Tungod kay, aduna man kono siya og gahum aron sa pagbuhat og ingon niana; usa man kono siya ka *bikaryo*. Siguradong, mao man kono siya. “Siya ang mipuli sa Dios, dinhi sa yuta.” Kung dili pa ba kini ingon ka klaro!

¹⁶³ Makita nato kini, kung balikan nato kini, sa Biblia, ug ihapon ang iyang numero ug tanang uban pang butang. Ania siya . . . ? . . . dinhi mismo sa numerong upat, dili sa numerong tulo. Numerong upat, kita n’yo.

¹⁶⁴ Karon ablihan nato, ang Pinadayag 12. Basahon lang nato kini og gamay, tungod kay kita—aduna pa kita og oras aron sa pagbuhat niana. Ug basahon nato ang Pinadayag ang—ang ika-12 nga kapitulo ug ang ika-13 nga bersekulo. “Ug sa mao rang orasa miabot ang usa ka dakung linog. . . .” Dili diay, nakuha ko ang—nakuha ko ang sayup nga dapit. Ang ika-13:

Ug sa pagkakita sa dragon nga gitambog siya ngadto sa yuta, gilutos niya ang babaye nga nag-anak sa usa ka anak nga lalaki.

¹⁶⁵ Karon, nakita n’yo, gitambog siya, sa yuta, ug nagpakatawo, ingon nga ang anticristong espiritu nagpakatawo sa usa ka tawo. Kana nga tawo nagakausab gikan sa usa ka butang ngadto sa uban pa, gikan sa pagka anticristong espiritu paingon sa pagka mini nga propeta, ug dayon ang pagka-mapintas nga mananap misulod kaniya.

¹⁶⁶ Eksaktong sama gayud sa pagtubo sa Iglesia; ang iyang iglesia mipaingon gikan sa—gikan sa pagka-anticristo ngadto sa pagka-mini nga propeta, ug, pagmoabot na ang makahahadlok nga kapanahonan, ang maong mapintas nga mananap magatungha. Busa, ang tinuod nga Iglesia miabot usab sa samang paagi, pinaagi sa pagpamatarung, pagpakabalaan, ug bautismo sa Espiritu Santo, nga mao si Cristo nga anaa sa mga tawo, mismo. Ug aduna siya’y pangontra nga tipo Niana dinhi, ang . . . kita n’yo, ang tipo Niana, diay. Atua siya, eksakto. Mao kana siya. Gitambog siya gikan sa Langit.

¹⁶⁷ Karon makita nato, sa Pinadayag 13:1 hangtud sa 8.

Ug mibarug ako sa mga balas sa dagat, ug nakita ko ang mananap nga mapintas nga migimaw . . .

168 Karon, ania ang 12, kung diin gitambog siya. Karon bantayi.

. . .nakita ko ang mananap nga mapintas nga migimaw sa dagat, nga adunay pito ka mga ulo ug napulo ka mga sungay, ug sa iyang mga sungay may napulo ka mga diadema, ug sa iyang ulo ang ngalan nga pasipala.

Ug ang mananap nga mapintas nga akong hingkit-an sama sa usa ka leopardo, ug ang iyang mga tiil. . .

169 Oh, kung aduna lang unta kita og oras karon, kuhaon nato ang nahibilin pa sa gabii, sa paghisgot niining mga simbolo, ug ipakita, ipahinungod kini direktso kaniya pag-usab. Si bisan kinsa, og halos tanan kaninyo nahibalo na niana, gikan sa ubang mga hilisgutan.

. . .maoy. . .sama sa mga tiil sa usa ka oso, ug ang iyang baba. . .sama sa baba sa leon: ug kaniya gihatag sa dragon ang iyang gahum, . . .trono, ug. . .pagbulot-an.

170 Huh! Ang nagpakatawong Satanas! Kita n'yo?

Ug nakita ko ang usa sa iyang mga ulo ingon. . . nasamaran nga ikamatay; . .

171 Ug sa pagpadayon pa, sa atong pagpadayon, kung gusto ninyo, kung aduna mo'y higayon nga padayon kining mabasa. Dili, atong—basahon na lang nato og dugang pa.

Ug nakita ko ang usa sa iyang mga ulo ingon nga nasamaran. . .ikamatay; ug ang iyang samad nga ikamatay naayo na: ug ang tibuok nga yuta nanghibulong nga nagasunod sa mananap nga mapintas.

172 Bantayi gyud ninyo! Ayaw ninyo tutuki ang komunismo. Usa lamang kini ka instrumento, nga anaa sa mga kamot sa Dios, aron tabangan kamo sa umalabot nga adlaw nga, “igapanimalos ang dugo,” sama sa pagahisgotan nato ugma sa gabii. Kita n'yo?

Ug gisimba nila ang dragon. . .

173 Kinsa man ang dragon? Si Satanas. Husto kana? “Ang pula nga dragon.” Sige.

. . .kay ang iyang pagbulot-an gihatag man niya sa mananap nga mapintas (kon diin dinha niya ginakuha ang iyang gahum, kita n'yo): ug gisimba nila ang mananap nga mapintas, nga nagaingon, Kinsa ang makasama sa mananap nga mapintas? ug kinsa ang arang makiggubat kaniya?

Ug gihatagan siya ug baba nga nagasulti sa mga butang nga dagku og pasipala; ug gihatagan siya ug pagbulot-an sa pagbuhat sulod sa kap-atan ug duha ka bulan.

Ug gibungat niya ang iyang baba sa mga pasipala batok sa Dios, (Mao na kana, kita n'yo. Sige)... aron pasipalahan niya ang iyang ngalan, (hatagan kini og usa ka titulo)... ang iyang tabernakulo (nga mao ang dapit nga pagapuy-an sa Balaang Espiritu),...

174 Aron himoan kana og usa ka lugar diha sa Roma, ang Siyudad sa Vatican. Mahimo n'yong ipadayon:

... ug bisan ang mga nagapuyo sa langit.

175 Gipasipala pud sila, pinaagi sa pagsulti nga sila mga tigpataliwala.

Ug gihatag kaniya ang pagpakiggubat batok sa mga balaan (ug iya kining gibuhat), ug sa pagdaug kanila (nagmadaugon mismo siya):...

176 Gipangsunog sila ngadto sa posteng-sunoganan! Gipangbahog sila ngadto sa mga leon! Ug gipamatay sila sa bisan unsa na lang nga paagi nga mahimo niya!

... ug gihatagan usab siya og pagbulot-an ibabaw sa tanang kabanayan, ... pinulongan, ug nasud.

177 Wala kini nahimong ingon niana didto sa Roma kung wala nahimong papanhong Roma ang paganong Roma, ug kung wala mikaylap ang gahum sa Katoliko sa kalibutan, nga gihimong pangtibuok-kalibutan ang Katolikong iglesia.

Ug pagasimbahon siya sa tanan nga nagapuyo sa yuta, kansang mga ngalan wala gayud ikasulat sukad diha sa basahon...

178 “Ayaw paghilabti ang Akong Lana ug bino!” Kita n'yo?

Ug pagasimbahon siya sa tanan nga nagapuyo sa yuta, kansang mga ngalan wala gayud ikasulat sukad sa pagkatukod sa kalibutan sa basahon sa kinabuhi sa Cordero nga gihalad.

Kung kinsa ang may igdulungog, magpatalinghug.

Kung kinsa ang magapamihag sa pagpamihag moadto siya: kung kinsa ang magpatay pinaagi sa hinagiban kinahanglan nga pagapatyon siya pinaagi sa hinagiban. Ania dinhi ang pagpailub ug... pagtoo sa mga balaan.

179 Karon, nakita nato siya nga nagasingabot, kagabii, uban sa iyang dakung espada, aron sa pagpamatay.

180 Nakita nato nga siya gipatay pinaagi sa espada, usab, ang espada sa Pulong. Ang Pulong sa Dios, nga mahait, espadang duhay-sulab, ang magapatay kaniya, ug magapukan kaniya. Hulata n'yo lang hangtud nga itingog na sa niining Pito ka Dalugdog ang Ilang mga tingog ngadto nianang grupo nga mahimo nila mismong gunitan ang Pulong sa Dios ug gamiton Kini didto, nga mahimo Kining mohiwa ug moputol. Ug mahimo nilang saradohan ang mga kalangitan. Mahimo

nilang saradohan *kini*, o buhaton *kana*, bisan unsa nga gusto nilang buhaton. Himaya! Pagapatyon siya pinaagi sa Pulong nga nagagula gikan sa baba sa Dios, nga labi pang mahait kay sa espadang duhay-sulab. Mahimo nilang tawgon ang usa ka bilyon ka toneladang mga langaw kung gustohon nila. Amen. Bisan unsa ang ilang igasulti, mahitabo gyud, tungod kay Kini ang Pulong sa Dios nga nagagikan sa baba sa Dios. Oo. Amen. Ang Dios, kanunay, Kini ang Iyang Pulong, apan kanunay Siyang nagagamit og tawo aron buhaton Kini.

¹⁸¹ Mahimo man sa Dios nga tawgon mismo kadtong mga langaw, didto sa Egipto, apan miingon Siya, “Moises, trabaho mo kana. Isulti Ko lang sa imo kung unsay buhaton, ug moadto ka og buhata kini.” Gibuhat niya kadto tanan. Kita n’yo? Iyang—mahimo man Niyang pilion ang—ang adlaw aron tawgon kadto, mahimo Niyang ipabuhat sa bulan nga tawgon kadto, o ang hangin aron tawgon kadto. Apan, Iyang—giingon Niya, “Moises.” Kana—mao kana. . . Ang tawo ang Iyang gipili. Husto.

¹⁸² Karon makita nato dinhi, nga kining si Satanas, human nga gitambog gikan sa Langit, nagpakatawo sa iyang kaugalingon diha sa mapintas nga mananap. Ug nianang panahona siya mao ang mapintas nga mananap; ang anticristo, ang mini nga propeta, ug nianang panahona ang mapintas na nga mananap. Ug gihatagan siya og ngalan nga Kamatayon! Ug ang Impyerno nagasunod kaniya! Bug-os mismo nga si Satanas, diha sa iyang trono! Oh, grabe! Ibabaw sa yuta, siya mao si Satanas, ang representante kono, dinhi sa yuta, nga siya karon ang ulo sa mga gingharian sa kalibutan, ang mismong mao rang mga gingharian nga iyang gitanyag kaniadto kang Ginoong Jesus diha sa Mateo 4. Si Satanas karon nahimo nang bug-os nga hari.

¹⁸³ Karon, mahitabo kini sa katapusan na. Usa siya ka mini nga propeta sa karon. Mamahimo siyang ka mapintas nga mananap, sa dili magdugay, pag lapason na niya ang iyang pakigsaad sa mga Judio. Kabalo na mo kung giunsa nato. . . Sige, matikdi karon, pagahatagan siya og kasingkasing nga iya sa mapintas nga mananap, nianang panahona, ug igapakatawo ni Satanas ang iyang kaugalingon. Tungod kay, sa dihang mosaka na ang Iglesia, igatambog na si Satanas. Kita n’yo? Kita n’yo? Mahuman na kini, dayon, ang tanan niyang mga pag-akusa mahuman na. Kita n’yo? Karon, samtang. . .

¹⁸⁴ Tan-awa, samtang ang Tigpangaliya nagpabilin pa diha sa Trono, si Satanas makapadayon pa sa pagpang-akusa, tungod kay siya man ang abogado sa pikas bahin. Siya mao ang kabatok ni Cristo. Ug si Cristo maoy. . . Atua Siya didto nga nagatindog, ang—ang—ang kabatok atua usab nga nagatindog didto, nga nagaingon, “Apan, kadyut lang! Si Adan nahulog man sa pagpakasala! Nagbuhat si Adan og *ingon niini*! Nabuntog ko siya. Napatoo ko ang iyang asawa og bakak. Ug miingon Ka nga siya matinunglo tungod niana. Nabuntog ko kini!”

185 Apan ania ang Tigpataliwala nga nagatindog didto, amen, ang Kabanay'ng Manunubos, amen, nagatindog didto nga dala ang Dugo nga makapalimpyo sa labing dautan nga kasingkasing sa makasasala ug bag-ohon kini. Ang Tigpataliwala anaa pa gayud sa Trono. Oo, sir.

Miingon si Satanas, "Apan sad-an gyud sila!"

Makaingon Siya, "Dili sila sad-an."

186 Kanang Clorox naimbento, o gigama, aron tangtangan ang lama, aron tangtangan ang kolor gikan sa tinta o unsa man nga lama. Naimbento nila kini. Panangtangan niini ang mga lama hangtud nga wala na gyu'y imong makita niini pag-usab. Mobalik kini ngadto sa pagka gas, ug direktso pabalik sa kosmiko nga kahayag. Ug lagpas sa pagka molekula ug tanang uban pa niini, hangtud sa orihinal nga gigikanan niini. Usa kini ka paglalang. Adunay . . . Ang linalang, nagagikan gyud kini sa usa ka Magbubuhat. Apan ang tanan nga mga kemikal nga gigama ug gisagol-sagol, ginabungkag kini, ug mamaingon niana kini. Wala na'y mahabilin niini. Bisan na ang pinaka—ang pinaka tubig sa niining kemikal, pag nasagol sa Clorox, mamahimong abo na lang.

187 Amen! Himaya sa Dios! Bug-os na kining limpyo. Ingon niana ang ginabuhat sa Dugo ni Jesus Cristo ngadto sa tinuod nga anak sa Dios, sa dihang ginapahayag niya kanang kasal-anan ug nagatindog dinha, gipamatarung sa Iyang . . . Kalooy! Pagkamaayo! Bisan pa kini hilabihan ka dautan hangtud nga isulti sa Dios, "Dili Ko na kini mahinumduman pa. Ug siya'y tinuod Kong anak."

188 "Sa pagkatinuod, magaingon Ako kanimo, kung moingon ka niining bukid 'pahawa,' ug dili ka magduhaduha sulod sa imong kasingkasing, kondili toohan ang kung unsay imong gisulti, imong . . . mamatuman gayud. Maangkon mo mismo kung unsay imong gisulti nga mahitabo." Ikaw usa ka tinubos nga anak. Amen! Nasayod ako nga tinuod kana.

189 Nakakita ako og mga squirrel nga mitungha didto, sa unom ka nagkalainlaing mga higayon, nga nasayod ko, nga dili gyud mahimong magkaaduna didto. Siya gayu'y . . . Mahimo Niyang maglalang og mga squirrel sama nga mahimo Niyang maglalang og mga langaw, o mga baki, o sa bisan unsa pa. Siya, Dios Siya, ang Magbubuhat. Husto! Ug sa dihang walay mortal nga binuhat . . .

190 Apan kung kana nga kasal-anan sa maong tawo naisugid ug naihulog ngadto sa Clorox, sa bleach ni Jesus Cristo, ginableach Niini ang tanang kasal-anan. Siya'y maputli nga wala na'y lama, walay sala, walay kasaypanan. "Ang gipanganak diha sa Dios wala na nagapakasala, tungod kay siya dili makasala." Ang bleach nagapatunga na kaniya ug sa Dios. Unsaon man niini

sa pagdangat kaniya, sa dihang paadto pa lang ginabungkag na kini ug ginapadala balik ngadto sa usa nga nagtuis niini! Amen!

191 Whew! Nagabati ako sa pagka-relihiyoso. Ako—sultihan ko kamo, nagakadasig ako karon samtang nagasugod kini nga mapadayag.

192 Himatikdi, bug-os si Satanas, nga naglingkod diha sa iyang trono. Oo, sir. Gitanyag niya kini kaniadto sa Dios, gitanyag niya kini sa atong Ginoo. Ania siya, nga nagalingkod, nga anaa sulod kaniya ang mananapnong kasingkasing. Karon, ania ang maong tawo, ang mapintas-nga-mananap, ang nagpakatawong yawa. Ginahimo niya ang iyang pagpasundayag dinhi sa yuta, ilalum niining sayup nga pagpasumangil. Oh, grabe, grabeng tawhana! Ilalum sa pasumangil nga dala kono ang tinuod nga Pulong, iyang ginalakip ang iyang kaugalingon nga kauban sa Pulong.

193 Gibuhat lamang niya ang susamang butang nga gibuhat sa iyang—iyang ka-tipo, nga si Judas, duha ka libo ka tuig na ang milabay. Unsa man ang iyang gibuhat? Misulod si Judas, ingon nga usa ka magtotoo, pero usa na daan ka yawa sa sinugdan pa lang. “Siya natawo nga anak sa kalaglagan.” Wala gyud niya nalimbongan si Jesus, tungod kay naila na man Siya kaniya sa sugod pa lang; amen, tungod kay Siya ang Pulong. Sige. Ug, hinumdomi, gikuha ni Judas ang posisyon ingon nga tresurero, ug nahulog siya sa salapi.

194 Mao man pud ang iglesia sa niining adlaw! Ang iglesiang Katoliko, ingon sa namatikdan nato kagabii, nagapabayad alang sa nobena, nagapabayad alang sa mga pag-ampo, ug nagapabayad sa bisan unsa na lang. Halos magka pareho, ug nahulog usab sa susamang butang ang mga anak sa iglesiang Katoliko, nga mao ang mga Protestante. Salapi ang hinungdan sa maong tibook butang. Dinha nahulog si Judas, ug dinha ang Katoliko nahulog, ug dinha ang mga Protestante nahulog.

195 Bantayi, nagasakay siya sa usa ka luspap nga kabayo sa dihang makita siya nga nagasakay, sa niining katapusan niyang pagpangabayo. Anaa na siya karon sa iyang katapusan nga pagpangabayo. Karon, dili kana ang atong panahon. Kana maoy sa umalabot pa. Ang Selyo kana, nga gitagna. Tungod kay, kita n’yo, ang Iglesya human na sakgawa pag mahitabo kini. Sa dihang mopakita si Cristo dinhi sa yuta, ingon—ingon—ingon nga . . . Kining tawhana magatungha, ug mamahimong bug-os, bug-os gyud nga yawa; gikan sa pagka-anticristo, hangtud sa karon, hangtud sa pagka-mini nga propeta, dayon paingon na sa pagka mapintas-nga-mananap, ang yawa mismo. Ug nagasakay siya sa usa ka luspap nga kabayo, bug-os nakoloran, ug nagkasagol-sagol tanan nga mga kolor, aron himoon siyang maluspap ug makamatay.

196 Apan sa dihang ang atong Ginoo motungha dinhi sa yuta, Siya magasakay sa nyebe-ka-puti nga kabayo. Ug Siya hingpit

gayud, bug-os, nga mamahimong Emmanuel, ang Pulong sa Dios nga nagpaka-Tawo. Kita n'yo? Mao kana kung unsa kadaku ang kalainan nila. Mao kana ang kalainan nilang duha.

¹⁹⁷ Himatikdi, ang anticristo nakasakay sa luspada nga kabayo, nagkasinagol nga kolor. Ang kabayo usa ka mananap nga nagrepresentar og usa ka gahum. Sagol-sagol ang gahum sa anticristo. Ngano man? Politika, kini—mga pang-nasud nga gahum, pangrelihiyong gahum, mga gahum nga iya sa demonyo. Tanan na nga matang sa mga gahum nga gisagol-sagol tanan, usa ka nagkasagol, maluspad nga kabayo. Aduna kaniya ang tanang matang sa gahum.

¹⁹⁸ Apan sa dihang si Jesus moabot, nakasakay Siya sa usa ka solidong-kolor nga kabayo, ang Pulong. Amen!

¹⁹⁹ Kining usa gisagol-sagol niya ang iyang mga kolor, ang pula, puti, itum; tulo ka mga kolor diha sa usa ra, nga girepresentar sa usa ra. Ug tulo ka mga gahum nga girepresentar sa usa ra; ang puti nga kabayo, ang itum nga kabayo, ang pula nga kabayo. Ug tulo ka mga korona, diha sa usa ra. Kita n'yo? Mao gyud.

²⁰⁰ Nakita ko na ang maong korona, mismo; atua ko didto, oh, *ingon-niana* ka duol ug gitawag ko kini. Wala ako gitugotan nga makaduol ngadto niini, tungod sa mga samin, niini. Busa atua kini, nga nakandadohan kini og daku nga kandado, nga anaa sa sulod sa usa ka kaha: tripleng korona. Busa nasayod ko nga tinuod kini. Uh-huh. Busa atua kini didto, tripleng korona, bikaryo: sa langit, purgatoryo, ug yuta.

²⁰¹ Tulo ka mga gahum magkauban nga gihiusa, kita n'yo, ang tanan niini gisagol sa usa ra ka kolor, nga maluspad. Ang kamatayon nga gipahayag diha sa maong butang; politikal, ug—ug pangrelihiyon, ug—ug ang demonyong gahum, nga gisagol-sagol tanan. Sa politika, siya ang hari sa politika, si Satanas. Utukan! Whew! Sigurado. Ayaw gyud sulayi nga lupigon siya og kalaki. Pagsalig—pagsalig lamang sa Ginoo. Kana lang.

²⁰² Sama nga akong, nasulti na, kaniadto. Ang tanan niining pagka-maalam, mga edukasyon ug mga butang nga sama niana, nagagikan kini sa sayup nga pundok. Subaya kini balik sa Kasulatan, susiha kung dili ba kana husto. Subaya ang mga anak ni Cain ug tan-awa kung unsa sila. Dayon subaya ang mga anak ni Seth, tan-awa kung unsa sila. Dili nga ginasuportahan ko ang pagka-ignorante, dili gayud. Dili, sir. Apan tan-awa ang si bisan kinsa nga tawo, halos sila, sa Biblia, talagsa ra kaayo nga . . .

²⁰³ Ug adunay usa nga ginganlan og Pablo, nga usa ka maalam nga tawo, ug miingon siya nga kinahanglan niyang kalimtan ang tanan nga iyang nahibaloan, aron maila si Cristo. Miingon siya, “Wala ako mianhi kaninyo nga adunay makabibihag nga kaigmat sa pulong sa tawo, kondili nagaanhi ako kaninyo diha sa Gahum sa pagkabanhaw ni Cristo.” Husto kana, Gahum sa Espiritu Santo!

204 Tan-awa ang uban. Ang uban kanila halos wala gani mahibalo kung asa ang tuo og wala nga kamot. Ug—ug, oh, tan-awa ang kapanahonan sa mga propeta, ug kung diin sila naggikan, ug uban pa. Nakita n'yo ba kung unsay akong ipasabot?

205 Kita n'yo, ang pagka-maantigo, intelektwal, ug pagka-maalam. Ang kaalam mao gayud ang pinakahinungdan nga nagpahilayo kanimo gikan sa Dios.

206 Siya adunay tulo ka gahum, o tulo—tulo nga mga kagahum: yuta, Langit, ug purgatoryo.

207 Siya, mismo, usa ka trinidad. Sinangkapan siya sa ingon niana. Ug nagasakay siya diha sa usa ka trinidad. Ang iyang gahum anaa diha sa usa ka trinidad. Ang iyang korona anaa diha sa usa ka trinidad. Ang iyang kabayo anaa diha sa usa ka trinidad. Mao kana kung unsa siya, usa ka trinidad; usa ka gahum sa trinidad, usa ka korona sa trinidad, usa ka kabayo (nagasakay) sa trinidad; kana maoy mga opisina niya, usa ka upat na usab, kita n'yo, usa ka upat pag-usab. Husto.

208 Ang maong tulo ka mga hugna sa iyang ministeryo, naghimo kaniya nga usa ka tawo, si Satanas nga nagpakatawo. Tulo ka mga hugna sa mini-... anticristo, mini nga propeta, ug mapintas-nga-mananap. Silang tulo, nga nagatipo, kita n'yo. Kana ang tulo ka mga tipo, karon, nga nagsangkap kaniya.

209 Ang Dios, ginapaila sa Dios ang Iyang Kaugalingon, usab, sa tubig, Dugo, Espiritu; nga nagapahimo sa usa ka Cristohanon nga mamahimong anak sa Dios, pinaagi sa Pulong sa Dios. Kita n'yo? Ug *kining* tulo ka mga gahum maoy nagapahimo kaniya nga yawa. Kita n'yo? Oh, Kining ania dinhi usab, tubig, Dugo, ug Espiritu, maoy iya sa Dios. Ug *kanang* anaa dinha politika, relihiyon, ug gahum sa demonyo, nga gisagol-sagol, maoy nagapahimo kaniya nga yawa.

210 Ang unang Pag-anhi ni Cristo, usa Siya ka mortal. Nagaanhi Siya sa tulo ka higayon. Si Cristo anaa sa tulo. Kita n'yo? (Bantayi kung sa unsang paagi nagaanhi ang anticristo; nagaanhi siya sa upat.) Bantayi usab si Cristo. Sa Iyang unang Pag-anhi, mianhi Siya nga usa ka mortal, aron magpatulo og dugo ug mamatay. Husto ba kana? Mao kana ang Iyang unang pag-anhi. Ang Iyang ikaduhang Pag-anhi mao ang Pagsakgaw; kita magasugat Kaniya diha sa kawanangan, ingon nga mga dili-na-mamatay. Ang Iyang ikatulong pag-anhi, Siya mao ang nag-incarnate nga Dios. Amen! [Gipalampak ni Igsoong Branham sa makausa ang iyang mga kamot—Ed.] Ang Dios, si Emmanuel, aron maghari sa kalibutan! Husto kana, tulo lamang.

211 Ang ikaupat nga hugna sa nagakabayo, tan-awa. Ang ikaupat nga hugna sa niining nagakabayo maoy gitawag nga Kamatayon. Ang *Kamatayon* nagkahulugan og “Eternal nga pagkahimulag gikan sa Dios.” Mao kana kung unsa

ang kahulogan sa kamatayon, ang mahimong Eternal nga pagkahimulag gikan sa Dios.

²¹² Karon, nailhan na nato kining tawhana, mga tinun-an ko, kung naipakita na nato sa Biblia, kung kinsa kining tawhana; ug gihisgotan pa gani nato ang mga bungtod, ang lugar ug tanan niining mga dapit, sa ingon ka eksaktong mga detalye, nga sunod-sunod. Ug karon gitawag siya, sa agila, “Kamatayon.” Mao kana ang Iyang gitawag kaniya. Hinumdomi, dinhi, kita n’yo, ang kamatayon mao ang Eternal nga pagkahimulag.

²¹³ Hinumdomi, dili mamatay ang mga balaan. Nangatulog lang sila, wala mamatay. “Siya nga nagapatalinghug sa Akong Pulong ug nagatoo Kaniya nga nagpadala Kanako, adunay Kinabuhing Walay Katapusan.” Husto kana. “Dili pagahukman-sa-silot; miagi na gikan sa kamatayon ngadto sa Kinabuhi. Ako mao ang Pagkabanhaw ug ang Kinabuhi,” ingon ni Jesus. “Siya nga nagatoo Kanako, bisan siya mamatay, mabuhi siya. Ug ang tanan nga buhi ug nagatoo Kanako dili na gayud mamatay.” Si Lazaro, namatay ba? “Natulog lang siya.”

²¹⁴ “Ayaw kahadlok, ang batang babaye wala mamatay, kondili nagakatulog lang.” Gikataw-an nila Siya. Husto ba kana? Oh, grabe! Kita n’yo, dili mamatay ang mga balaan.

²¹⁵ Ang pagkahimulag gikan sa Dios mao ang kamatayon, Eternal nga kamatayon. Ug kining tawo maoy gitawag nga “Kamatayon,” busa magpahilayo mo kaniya. Unsa man siya? Usa ka organisado, sistema pang-organisasyon; ang una, numero unong, iglesia, nga giorganisa, ug sa dihang nakuha niya ang—ang pag-uyon ni Constantino, didto sa Konseho sa Nicaea.

²¹⁶ Gihisgotan nato ang mahitungod sa mga kababayan-an, kagabii, ug gipakita kung unsa nga si Eva, ang unang pangasaw-onon, sa wala pa siya makuha sa iyang bana, nahulog siya, tungod sa dili-pagtoo sa Pulong sa Dios didto sa Eden. Ang espirituwal nga pangasaw-onon usab nga natawo niadtong Adlaw sa Pentecostes ni Cristo, sa wala pa siya makuha ni Cristo, unsay nahitabo? Nahulog siya, didto sa Roma. Unsa? Iyang gibaylo ang iyang pagkaputli sa Pulong, tungod sa dogma. Amen. Oh, grabe!

²¹⁷ Akong—akong—akong mabati ang espirituwal nga kadasig nga miabot kanako pag-usab, oo, sir, nga mahunahuna kanang . . . Dili ko tuyo nga manglihok nga daw sa buanguang. Dili ko kana gituyo. Apan akó lamang. . . Dili n’yo lang maamgo kung unsay epekto niana kanako. Upat na ka adlaw sa karon nga gitun-an ko kini. Lamang. . . ug aduna lang ko’y kinahanglan isulti, nga medyo magpabati kanako ingon nga tawo na usab. Kabalo na mo kung unsa ang buut kong ipasabut. Oo. Sige. Pagmagsugod ka og hisgot og mga ingon niana, makakita ka gayud og mga panan-awon nga mangtungha sa bisan asa na lang. Husto kana. Kita n’yo, mao kana ang hinungdan nga magsulti ko

og usa ka butang aron ipahibalik ang akong kaugalingon pag-usab, ug uyogon ako pabalik. Kita n'yo?

²¹⁸ Namatikdan ba ninyo ako sa dihang nagapahigayon ako og linya sa pagpang-ila? Magsulti ako og butang, nga mangatawa ang mga tawo; dayon magsulti ako og butang, magpahilak sa mga tawo; dayon magsulti ako og butang, nga masuko sila. Pag-aduna ko'y butang nga makita. Ug magsulti ako og usa ka butang, aron makita kung unsay buhaton niini, dayon makita ko kung unsa nga matang nga kahayag ang anaa kanila, kung unsa ang mahitabo. Dayon mahibaloan ko kung na asa kini, ug mahibaloan ko kung Kini nagapanawag o wala. Kung dili man . . . Nagalingkod dinha, nga usa ka matuod nga magtotoo, okey ra. Tawgon mo sila, dayon, moingon, “Ikaw, si *Ingon niinu-ug-ingon niana*.” Kita n'yo.

²¹⁹ Ug sa dihang monaug ka na, ang Espiritu magsugod na og pangdihog, dayon makita mo na kanang mga nagakislap nga nagagikan sa tanang dapit, kita n'yo, ingon niana, sa palibot, palibot sa tibuok lawak. Busa, mao kana ang hinungdan nga magsulti ko og butang, medyo magpabalik kanako pag-usab, magsugod og bag-o na usab, kita n'yo.

²²⁰ Sukad pa niadtong miaging Domingo, naglingkod lang ako sulod sa usa ka lawak, nagsige lang ampo, kana lang, ug ilalum sa pagdihog. Ug nasayod ko nga husto Kini. Kung nagatoo kamo sa Dios, nga nasayod kong nagatoo kamo, bantayi lang katapusan niining semana. Uh-huh. Kita n'yo? Kita n'yo? Sige. Kita n'yo?

²²¹ Karon, ang kamatayon nagkahulogan og Eternal nga pagkahimulag sa Dios. Ug hinumdomi, karon, ang mga balaan dili mamatay.

²²² Hinumdomi, ang iyang pangasaw-onon gihatagan og usa ka maluspad nga kabayo, ang . . . Ang buut kong ipasabot, kining mangangabayo gihatagan og usa ka maluspad nga kabayo, aron—aron masakyan. Gihatagan siya niining maluspad nga kabayo, aron masakyan. Ug nagsakay siya niining maluspad nga kabayo, sa kamatayon. Karon nasayod kita kung unsa gyud kana. Nasayod kita kung unsa kana nga iglesia.

²²³ Ug hinumdomi, ka gabii, dili lamang nga siya “bigaon,” siya usab mao ang “ang inahan sa mga bigaon.”

²²⁴ Ug makita nato, nga kung unsa ang nagpahimo kaniya nga bigaon, maoy, babaye nga ingon niana ang klase sa pagka babaye. Ako lamang . . . Usa kini ka mabug-at nga pulong, aron isulti sa taliwala sa nagkasagol nga mananambong. Apan mao kana ang gisulti sa Biblia, nakita n'yo. Busa, dayon, naamgo nato nga kana maoy usa—usa kana ka babaye nga nagkinabuhing dili-matinuuron sa iyang mga pagpanumpa sa kaminyoon. Ug nakita n'yo, siya angay unta nga, mag-ingon sa iyang kaugalingon, tawgon ang iyang kaugalingon, “Ang Rayna sa Langit.” (Ang mamahimong Pangasaw-onon sa Dios. Ang Dios mao si Cristo.)

Ug makita nato nga siya nagapakasala sa mga pakighilawas, ug ang mga hari sa yuta naka-pakighilawas tungod kaniya, ug ang tanang adunahan nga mga tawo, ug mga inila nga mga tawo. Ang tibuok kalibutan nagasunod kaniya. Kita n'yo?

225 Ug dayon makita nato nga nagkaaduna siya og mga anak nga babaye, ug sila mga bigaon usab. Unsa man ang bigaon kondili usa ka babayeng burikat, pareho ra; usa ka makihilawason, mga pagpakighilawas, yawan-on, mga pagpanapaw, ang ginahimo. Unsa man ang ilang gibuhat? Nag-organisar, naghimo og usa ka sistema, nagtudlo og sistemang hinimo-og-tawo, ang mga Pentecostal ug ang tibuok pundok!

226 Karon, ayaw isulod ang inyong—inyong konsensya sa inyong balsa, mga Pentecostal. Aduna ko'y isulti kaninyo. Inatbangay nga tan-awon nato kini nga butang mismo. Ulahi na kaayo, aron magpaliguyliguy pa. Tan-awa dinhi.

227 Nagkinabuhi kita karon sa Kapanahonan sa Iglesiang Laodicea. Ug mao kini ang pinaka talamayon nga kapanahonan sa iglesia ikumpara sa tanang uban pa, usa ka dagaang, ug ang bugtong kapanahonan nga si Cristo anaa sa gawas, naningkamot nga makasulod. Ug mao kana ang nagapadayon nga mensahe sa Pentecostal, nagaingon, "Datu man ako!" Aba, kabus baya ka, sa sinugdan. Karon nadatu ka na, kita n'yo. "Walay nakulang kanako!" Ug—ug, oh, kung nasayod ka lang kung unsa ka sa una!

228 Miingon Siya, "Ikaw hubo, makaluluoy, buta, kabus, alaut, ug wala gani masayod niini."

229 Karon, kung ang usa ka tawo hubo, diha sa dalan, ug nasayod niini, aba, paningkamotan niya mismo nga tabangan ang iyang kaugalingon. Apan sa dihang siya—sa dihang wala siya masayod niini, ug dili siya masultihan, nan anaa siya dili maayo kabutang. Maluoy unta ang Dios kaniya. Husto. Himatikdi. Oh, grabe!

230 Karon, hinumdomi, kining anticristo, mismo, ingon nga tawo; ang iyang pangasaw-onon, nga mao ang iyang iglesia, "gikahatagan og panahon aron sa paghinulsol, ug wala niya buhata kini," niadtong kapanahonan sa iglesia, sa Tiatira. Nahinumdoman ba ninyo kini? Mahimo n'yong . . . ?

231 Bueno, balikan nato sa makadiyut. Dili man kini makadaot kanato kon balikan nato sa makadiyut. Balikan nato, alang sa ika-2 nga kapitulo, sa makadiyut lamang. Basahon lang nato kini, ika-2 kapitulo sa . . . karon, ang Tiatira. Karon bantayi kini, sa kadali lang karon. Aba, halos patapos na kita, ug wala pa makasugod. Apan, matikdi, ang Tiatira. Karon, magsugod kini sa ika-18 nga bersekulo sa—sa ika-2 nga kapitulo.

. . . sa manolunda (mao kana ang mensahero) sa iglesia sa Tiatira isulat mo kini: Mao kini ang mga pulong sa Anak sa Dios, kinsang adunay mga mata sama

sa kalayong nagasiga . . . ug kinsang mga tiil sama sa tumbaga nga nagasidlak;

Nasayod Ako sa imong mga buhat, ug sa imong gugma, ug sa imong pag-alagad, ug sa imong pagtoo, . . . sa imong pagpailub, ug sa imong mga buhat; ug nahitabo nga labaw pa kay sa . . . ug ang ulahing buhat labaw pa sa mga nahauna.

Apan Ako adunay batok kanimo, nga gipasagdan mo ang babaye nga si Jezabel,

232 Tan-awa. Naila na ninyo siya, diha sa Biblia. Siya ang asawa ni Ahab. Ug ania ang babaye, nga iglesia, si Jezabel, ang asawa sa mini nga propeta, nga gitooan nga tinuod nga propeta sa Dios, ang papa; husto, ang tinuod nga propeta ug ang iyang asawa, si Jezabel. Karon, si Ahab usa unta ka tinuod nga Judio, apan tawo siyang tampalasan, kabalo na mo niana, tungod kay gipangunahan siya sa iyang asawa sa bisan unsa na lang nga gusto pud niya. Makita nato, nga gigamit ni Jezabel ang sa iyang salapi ug gipangunahan sila sa paagi nga gusto nila, usab.

. . . nga nagangalan sa iyang kaugalingon nga manalagna, (nasabtan ba ninyo?), aron sa pagpanudlo ug . . . ipahisalaag ang akong mga ulipon (kita n'yo, kadtong pagtulon-an ni Jezabel nga mikaylap sa maong nasud) aron sa pagpakighilawas, ug . . . sa pagkaon sa mga butang nga hinalad ngadto sa mga diosdios.

. . . Gihatagan ko siya og panahon sa paghinulsol (kita n'yo?) sa iyang mga pagpakighilawas; ug nagdumili siya sa paghinulsol.

233 Bantayi ang sunod nga bersekulo.

. . . ibundak Ko siya diha sa higdaana'g masakiton, (ang impierno kana), ug sila nga nagapakighilawas kaniya ngadto sa dakong mga kasakitan, . . . (Sila kanang mopaingon ngadto sa dakong Kasakitan. Dili ang Iglesia, ha.) . . . gawas kon ilang hinulsolan ang ilang mga binuhatan.

234 Karon bantayi, dinhi.

. . . pagapatyon Ko ang iyang mga anak (mga bigaon niyang mga anak) sa kamatayon (espirituhanong kamatayon); . . .

235 Nagatoo ba kamo niana? [Nagaingon ang kongregasyon, "Amen."—Ed.] Mao kana ang Pulong. "Pagapatyon Ko sila pinaagi sa kamatayon." Ug pag sila'y gipatay na, Eternal kana nga pagkahimulag. Husto. Hinumdomi, gihatagan Niya siya og panahon sa paghinulsol.

236 Ang Kapanahonan sa Tiatira mao ang mangiub nga kapanahonan. Ang nagasakay sa maitum-nga-kabayo ang nangabayo nianang panahona, sa diha nga ang tanang mga pag-

misa ug tanang butang kinahanglan pagabayran, ug apil na ang mga pag-ampo, ug—ug ang mga novena, ug uban pa. Karon tan-awa ang iyang itum nga kabayo, kaniadto, human nga nagdumili siya sa paghinulsol sa Tiatira, (ngano man?) giusab ang iyang ginasakan gikan sa usa ka itum nga kabayo ngadto sa usa ka maluspad nga kabayo, nga maoy kamatayon, alang sa iyang katapusang ministeryo.

²³⁷ Karon, siguro hatagan ko lang ang matag usa dinhi og usa ka gamay'ng pag-uyog. Ang pagsalikway sa Dios, ang pagsalikway sa tawag sa Dios, moabot gyud ang panahon nga buhaton mo kini sa katapusang higayon. Ug, sama lang sa gibuhat nianang iglesia, tapos ka na. Ang Dios, sa pagkamapailubon, dili gihapon makiglalis sa tawo. Kita n'yo?

²³⁸ Ug sa dihang gisalikway niya Kini, ug gisalikway ang pagdawat Niini, nausab siya ug mipaingon sa . . . Ug karon aduna na siya'y ngalan nga gitawag og "Kamatayon," pagkahimulag. Miingon ang Dios, "Kuhaon Ko bisan ang iyang mga anak, ang mga Protestante, ug ang matag usa kanila pagapatyon Ko pinaagi sa Eternal nga pagkahimulag." Mao kana, ang Kapanahonan sa Tiatira, ang mangiub nga kapanahonan. Ang iyang itum nga kabayo karon nahimong kamatayon, alang sa iyang katapusang ministeryo.

²³⁹ Nakita n'yo na kung unsa nga ang mga kapanahonan sa iglesia nagakatakdo sa mga Selyo? Pagkahingpit gayud. Ug nasayod kita nga husto Kini. Wala nagakasayup ang Balaang Espiritu. Gihatagan Niya kita og usa ka dakung kapanghimatuuran, niadtong ulahing higayon, sa dihang nahuman nato ang mga kapanahonan sa iglesia, kabalo na mo.

²⁴⁰ Tan-awa ang paghigugma, ang pagkamapailubon sa Dios! Sa wala pa Niya gipahamtang ang paghukom diha kaniya, gihatagan Niya siya og higayon sa paghinulsol. Ug kini sa Ngalan sa Ginoo nga akong isulti kini: gihatagan Niya ang iglesiang Protestante og mao gihapong kahigayonan, ug nagdumili siya nga buhaton kini. Bisin giuyog na sa Mensahe ang tanang dapit, ug nagdumili siyang buhaton kini. Mas dawaton niya ang kaugalingon niyang mga dogma ug mga kredo, dili ko igsapayan bisan unsaon pa ninyo Kini sa pagpasabot.

²⁴¹ Sama sa akong giingon didto sa Chicago, sa miaging adlaw, sa atubangan sa mas daghang mga ministro kay sa mga tawong nanaglingkod dinhi! Ug gi-korner nila ako didto, bahin sa Doktrina, sa binhi sa serpente ug tanang uban pa nga mga butang. Miingon ko, "Kung aduna man dinha ang gustong mokuha sa iyang Biblia, ug moduol ngari ug magtindog tupad kanako karon mismo." Ug wala gyu'y ni usa nga nangahas magsulti og unsa man.

242 Miingon si Tommy Hicks, “Ako—wala pa gyud ko’y nadungog og Sama Niana, Igsoong Branham. Gusto ko og tulo ka gatus nianang mga teyp. Ipadala ko kini sa tanang mga ministro ko.”

243 Aduna didto og mga singkuenta, o setentay-singko, ang miingon, “Moanha ako aron magpabautismo pag-usab.” Miabot ba sila? Wala ni usa man lang kanila. Ngano man? Gihatagan na Niya sila og higayon sa paghinulsol! Ug igatambog Niya ang inyong mga anak ngadto sa kamatayon, espirituhanong kamatayon.

244 Hisgotan nato kana ugma sa gabii, kon itugot sa Ginoo, o Sabado sa gabii, ang mahitungod nianang mga Hampak nga magaabot. Makita n’yo kung unsay magakahitabo.

245 Sama sa gihatag Niya kaniadto sa Egipto, gihatagan Niya ang Egipto og higayon aron sa paghinulsol. Ug unsa ang kaulahiang hampak? Kamatayon.

246 Mao kana ang katapusang hampak nga mihampak sa iglesiang Pentecostal, ang espirituhanong kamatayon. Patay na siya. Kana’y sa Ngalan sa Ginoo. Patay na siya sa espiritual. Gihatagan Niya siya og higayon aron sa paghinulsol, ug gisalikway niya Kini. Karon patay na siya. Dili na siya makabangon pa pag-usab.

247 Ug silang mga tawo sa gawas dinha, naningkamot nga magpasulod og mga Episcopalian ug mga pari, ug uban pa, ug ginatawag sila, “Balaang Amahang *Ingon niini-ug-ingon niana.*” Aba, angay unta silang maulaw sa ilang mga kaugalingon. Grabeng pagkabuta sa tawo! Dili ba gisulti man ni Jesus? Sa dihang ang mga nangatulog nga mga ulay nanagpangabot aron magpalit unta og Lana, wala niya makuha Kini!

248 Ang tanan mismo, madungog n’yo ang mga tawo nga nanag-ingon, “Nadawat ko na ang Espiritu Santo. Nagsulti man ako og laing mga dila.” Apan dili nila gustong motambong sa usa ka iglesia nga sama niini. “Oh, kabalo mo, dili ko gustong moadto sa usa ka lugar nga sama niana.” Ug dayon moingon ka nga nadawat mo ang Espiritu Santo?

249 Apan gusto ninyo ang mga madungganon ninyong mga pamaagi. Gusto ninyong magpabilin diha sa Babilonia ug sa gihapon motagamtam sa mga panalangin sa Langit. Kinahanglan buhaton ninyo ang inyong pagpili. Dili puede nga mopabilin kamo diha sa kalibutan ug mangalagad sa Dios sa parehong higayon. Miingon si Jesus nga dili n’yo mahimong alagaran ang Dios ug ang bahandi. Busa kung ayaw ninyong . . .

250 Kung ikaw tinuod gyud nga luwas na, nagakalipay kang motambong sa mga tigum kon diin ginapamatud-an sa Balaang Espiritu ang Iyang Kaugalingon ug ginapasundayag ang Pulong sa Dios nga maoy tinuod.

251 Adunay nagsulti, “Banha man gud ang mga tawo. Ginapanerbyos ako niana.” Mas manerbyos ka pag-anaa ka na sa Langit. Ug hunahunaa lang, pag-silang tanan atua didto, nan unsaon nalang kaha na? Oh, grabe! Gusto gayud sa Ginoo nga makuhang . . .

252 Mapailubon kaayo Siya, sama sa kung unsa Siya kaniadto sa mga adlaw ni Noe. Nangingkamot Siya og ayo. Taas kaayo ang Iyang pag-antus, miabot og usa ka gatus ug baynte ka tuig, aron mapahinulsol lang sila. Ayaw nilang maghinulsol.

253 Niadtong panahon sa Egipto, nagpadala Siya og mga hampak ug tanang uban pa nga mga butang. Ayaw nilang maghinulsol.

Gipadala Niya si Juan. Ayaw nilang mobalik.

254 Gipadala Niya si Jesus, aron mamatay, aron luwason ang tibuok pundok nga mopatalinghug sa Pulong.

255 Ug karon, sa kaulahiing mga adlaw, nagsaad Siya pag-usab nga magpadala Siya og usa ka Mensahe aron sa pagtawag Kaniya pagawas, ug ipasig-uli ang orihinal nga Pagtoo pabalik Niini, pabalik sa Pulong. Ug ayaw nilang dawaton Kini. Dogmatiko na kaayo sila, tungod sa ilang mga dogma ug mga kredo, hangtud nga ayaw na nila Niini. Oh, nagahunahuna sila nga kung sila adunay usa ka . . .kung aduna lang Manulonda mokanaog; apan wala kana ginahimo sa Dios.

256 Nagakuha Siya og usa ka tawo nga ignorante ug burong, usa ka tawo nga halos wala mahibalo sa inyong mga ABC o—o unsa pang butang. Ug dayon Iyang gamiton ang ingon nianang matang sa tawo, tungod kay mahimo man Niya ang usa ka butang nga walay pulos ug dayon mamuhat Siya pinaagi niini. Samtang ang hunahuna sa usa ka tawo hataas ang tan-aw sa ilang kaugalingon, nan wala gyud sila’y mahimo niini. Kanunay Niyang ginabuhat kana. Kinahanglan hunahunaon mong wala gyud ka, aron mamahimo kang inila sa atubangan sa Dios. Oh, grabe!

257 Matikdi, bisan pa niana, “Iyang gihatagan ang maong babaye og kahigayonan aron maghinulsol, apan wala kini niya buhata.”

258 Gihatagan Niya siya og kahigayonan pag-usab; ayaw niya sa gihapon buhaton kini. Ang iyang pagsalikway, naghatag og paagi, nagpahimo kaniya, o, ang iyang pagsalikway mao ang naghatag og perpektong paagi alang kang Satanas aron makasulod kaniya ug mahimong-tawo. Husto kana. Gipakatawo ang iyang kaugalingon mismo diha kaniya, tungod kay gisalikway man niya ang Pulong. Ug kana ang eksaktong susamang butang nga gipaingnan sa iglesiang Protestante, usa ka bigaon, tungod nga iyang ginasalikway ang gipanghimatud-an nga Kamatuoran sa Pulong sa Dios, ug kana maoy naghatag sa yawa higayon aron makasulod mismo ug magpakatawo sa

iyang kaugalingon. Ug maghimo siya og usa ka hulagway alang sa mapintas-nga-mananap pag-nahiusa na niya silang tanan, didto mismo karon, ug paingon na kini eksakto kung unsay Iyang gisulti. Husto kana. Amen.

²⁵⁹ Kung aduna lang ako og edukasyon, mailatag ko Kini. Wala man gud ko og edukasyon. Nagasalig lang ako sa Balaang Espiritu aron maipadayag Kini nganha kaninyo. Ug Iya mismong igapadayag, alang niadtong mga...Husto kana. Buhaton Niya kini. Oo. Matikdi.

²⁶⁰ Tan-awa kung giunsa, kung unsa ang iyang gibuhad dinhi. Gisalikway niya ang Mensahe sa Dios alang kaniya aron maghinulsol. Misugod siyang mitipas, ingon nga anticristo, ug ingon niana man siya kaniadto. Nahimo siyang, usa ka mini nga manalagna, usa ka nagpakatawong yawa, ug, nahimong siyang ingon niana, tungod sa iyang mini nga pagtulonan. Ug dayon, bisan pa nianang tanan, ang Dios naghatag kaniya og kahigayonan aron sa paghinulsol, naningkamot nga luwason siya.

²⁶¹ Nakita n'yo na kung unsa Siya kamapailubon? Makahibulong nga gugma! Wala gyu'y gugma nga sama niana! Tan-awa kadto, mismong pagluwa diha sa Iyang nawong ug ingon-anang mga butang, Iya gihapon silang gipasaylo. Mao kana ang Dios, kita n'yo. Ayaw'g. . .

²⁶² Gisalikway mismo ang Mensahe sa Dios! Tan-awa, gihangyo gihapon siya nga maghinulsol, ginapabalik kung asa siya nahulog.

²⁶³ Ug asa ba siya nahulog? Sa Pulong. Oo. Asa ba gikan nahulog si Eva? [Nagaingon ang kongregasyon, "Sa Pulong."—Ed.] Sa Pulong! Asa ba nahulog ang mga denominasyon? ["Sa Pulong."] Tan-awa. Kita n'yo? Walay ubang paagi. Basta, sa tanang panahon, pagbalik gayud sa Pulong, balik mismo sa Pulong. Kita n'yo? Ug mipaingon sila hinoon ngadto sa usa ka sistema nga nagapahilayo mismo kanila sa Pulong, ginapahilayo sila gikan sa Pulong imbis nga paingon sa Pulong. Matikdi.

²⁶⁴ Tan-awa, gihatagan siya og kahigayonan aron maghinulsol, magbalik. Ang *Paghinulsol* nagakahulogan og "pagbalik, pagbali, moatubangon-sa-likod." *Paghinulsol*, "pagbalik." Ug gihatagan siya og kahigayonan aron mobalik sa kung asa kadtong. . .

²⁶⁵ Karon hinumdumi, siya kaniadto ang orihinal, pentecostal nga Iglesia nga gibuboan sa Espiritu Santo, niadtong Adlaw sa Pentecostes. Pila ba ka mga estudyante sa Biblia ang nakahibalo niana? Sigurado, siya gayud. Nakita n'yo ba kung asa siya gikan? Nahulog siya gikan sa Pulong, ug nagdawat og mga dogma. Naglaum siya. . . Imbes nga Espiritu Santo, nangandoy siya og usa ka balaang tawo, "Doktor LL., Ph., Q.U." ug dayon gihimo niya siyang usa ka papa. Kita n'yo? Oo. Apan, siya, kana ang

iyang gusto, usa ka tawo aron buhaton ang iyang pag-ampo. Usa ka tawong . . . Magbayad lang siya sa iyang kwarta, ug kana lang ang kinahanglan niyang buhaton. Kita n'yo?

²⁶⁶ Karon, ingon niana sa gihapon karon. Basta aduna lang sila og bangko nga malingkuran, magbayad og dako diha sa platong butanganan og koleksyon, igo na kana. Miyembro man sila nianang iglesia. Dili mo na sila sultihan og uban pa bahin Niini; dili nila gustong mahibaloan. Mao kana ang iyang mga anak nga babaye.

²⁶⁷ Karon, asa man siya nahulog? Sa orihinal nga Pulong sa apostolikong mga apostoles ug mga manalagna. Dinha siya nahulog. Dinha nahulog ang mga Protestante.

²⁶⁸ Paghinulsol! Pagbalik! Pamalik mo sa dili pa mahimong ulahi ang tanan. Dili pa man kaayo ulahi. Usa sa niining mga adlawa pagabiyaan na nianang Cordero ang Iyang puwesto, ug dayon tapos na kining tanan. Busa ang iyang mga anak nga babaye ginahangyo karon, sa dili pa mahinukman kauban niya, nga “magbalik.”

²⁶⁹ Karon, ang ulahing Mensahe nga ilang makuha, sa panahon na niining manulonda nga akong ginahisgotan. Nga, daghan nang mga libro ang akong nabasa mahitungod niini. Ug nahibalo ko nga kanang tinuod, maayo, makatarunganon, adunay espirituhanong-panghunahuna nga mga tawo nasayod gyud nga moabot kana. Nasayod sila niana. Nasayod sila nga moabot gyud kini, kita n'yo. Sila . . . Apan ang problema niini, maoy, pabalik-balik nilang ginaingon, “Kinahanglan nato kini. Mahitabo gyud kini.” Ug pagmoabot na Kini, nga mamahimong mapainubsanon kaayo; siguradong dili nila makita Kini sama na lang sa nahitabo kanila sa unang higayon. Husto kana. Ang mga tawo magasulat pa gani og bahin Niini, ug tanan na, moingon, “Oh, oo, kinahanglan mahitabo gyud kini.” Ug dayon igapakita Kini mismo sa atubangan nila, ug sila magapadayon nga mora og wala lang, kita n'yo. Busa, kanunay nilang ginabuhat kana.

²⁷⁰ Bantayi karon, ang orihinal nga Pulong. Sila re- . . . sila . . . Kinahanglan siyang maghinulsol, aron makabalik, bisan pa man, mao usab ang iyang mga anak nga babaye nga gihangyo usab. Ang mapugos . . . pagahukman sila, ug itambog sa samang higdaanan ug patyon uban kaniya. Gihangyo sila nga mobalik sa orihinal nga Pulong, mobalik ngadto sa apostolikanhong Doktrina. Apan, nagapos na sila sa ilang mga kredo ug ingon-anang mga butang, ayaw nilang buhaton kini. Ila na lang Kini ginakataw-an.

²⁷¹ Dayon unsay ilang ginabuhat? Sa kaulahian nangaporma sila ingon nga larawan sa mapintas-nga-mananap, usa na usab ka gahum; matikdi, ug nanglihok, batok sa Pangasaw-onon sa Cordero, sama sa gibuhay niya diha sa Pinadayag 13:14. Mao kana ang ilang ginabuhat, manglutos mismo, mao ra

gihapon. Ang mga kaiglesiahan ginabiaybiayan ang tinuod nga Pangasaw-onon ni Cristo, sama sa gibuhat kaniadto sa Roma. Eksakto gayud. Oo, sir. Ginabuhat ngadto sa—sa tinuod nga Pangasaw-onon sa Cordero ang sama sa iyang gibuhat diha sa Pinadayag 13:14

²⁷² Karon matikdi. Makita nato, pinaagi sa gisaad nga Pulong sa Dios, nga Iyang—Iyang pagapatyon ang iyang mga anak, ang mga denominasyon, ang iyang mga anak nga babaye, og espirituhanon nga kamatayon. Karon, sa Pinadayag 2:22 kana. Ayaw kalimti kana. Ang pagpatay, mao ang pagdala ngadto sa kamatayon. Ug ang *kamatayon* mao ang “Walay katapusan nga pagkahimulag gikan sa Presensya sa Dios.” Hunahunaa kana, mga higala. Hunahunaa kana. Ayaw gayud pagsalig sa bisan unsang kredong hinimo sa tawo. Ang bisan unsa nga supak sa Pulong, likayi kini.

²⁷³ Karon bantayi, bantayi dinhi sa Biblia. Giingon Niini nga ang iyang ngalan mao ang Impyerno, ug . . . ang buut kong pasabot:

. . . ang iyang ngalan *mao ang Kamatayon, ug ang sheol* nagasunod *kaniya*.

²⁷⁴ Karon, ang impyerno kanunay nakasunod sa kamatayon, sa natural. Sa dihang ang natural nga tawo mamatay, ang sheol nagasunod kaniya; kana ang lubnganan, hades, kita n’yo, mao kana sa natural. Apan sa espirituhanon, kini ang Linaw nga Kalayo, kita n’yo, husto, ngadto sa Eternal nga pagkahimulag, kon diin sila pagasunogon.

²⁷⁵ Ug—ug miingon ang Malaquias 4, “Dili sila binlan og bisan tuud sa balili, o sanga, o unsa mang uban pa.” Kini ang paagi nga aduna ang kalibutan aron sa pagputli sa kaugalingon niini pag-usab, alang sa Milenyum. Kita n’yo?

²⁷⁶ Namatikdan ba ninyo, ang mangangabayo usa ka “lalaki”? Ug “siya” aduna diha sa “iyang” kamot; “lalaki,” mini nga manalagna. Apan ang iyang pangasaw-onon gitawag og iglesia, “babaye,” si Jezabel. Ahab; Jezabel. Aba, tukma gyud kini sama sa unsa mang butang. Kita n’yo? Kita n’yo?

²⁷⁷ *Mga anak nga mga babaye* maoy “siya,” usab, apan wala makadawat og pagpangulo sa usa ka lalaki; mga Protestante, kana, apan bigaon gihapon sa baruganan, tungod sa ilang doktrina, sa pagka-denominasyon, sa mga sistema. Mao kana mismo . . . Mao kana ang ginasulti niini.

²⁷⁸ Himatikdi. Kung asa kini tanan nagapaingon? Karon, aduna na lang kita og dose, katorse minutos dinhi, siguro. Tan-awa kung asa kini tanan nagapaingon. Unsa man kini? Nagabalik kini mismo kung unsa ang nahitabo kaniadto, ug nagsugod kini sa Langit. Nagapaingon kini ngadto sa pangkatapusang-panahon nga pagpakigubat.

279 Ang unang butang nga nahitabo, sa Langit, adunay pagpakiggubat. Si Lucifer gipalagpot, ug gihulog sa yuta. Dayon gihugawan niya ang Eden; dayon sige-sige na siyang nanghugaw niini sukad pa kaniadto. Ug karon, gikan sa gubat didto sa Langit, miabot kini nga gubat sa yuta; ug kini matapos ra, dinhi sa yuta, sa katapusang panahon, diha sa gubat nga gitawag og Armageddon. Karon, si bisan kinsa nahibalo niana. Ang gubat nagsugod didto sa Langit, balaan, ug busa ilang gipalagpot siya. Gibuntog siya ni Miquel ug sa Iyang mga Anghel, gipalayas siya. Ug sa pagpalayas kanila, nahulog diretso paingon sa Eden, ug dinhi nagsugod ang gubat dinhi sa ubos. Nagtagbo . . .

280 Ginalig-on sa Dios ang Iyang mga anak pinaagi sa Iyang Pulong. Ug gipadungaw ni Eva ang iyang liog, miingon, “Nagatoo ko nga husto ka, tingali.” Ug didto kini nagsugod. Ug ingon na niana kini, sukad pa kaniadto. Dayon mikanaug ang Dios, ug karon kinahanglan Niyang . . . Mikanaug Siya aron tubuson kadtong mga moduol.

281 Sama sa akong giingon, ang Dios sama sa usa ka dakong kontraktor. Ginalatag Niya ang tanan Niyang materyal sa yuta, ug dayon tukuron Niya ang Iyang mga bilding. Karon hinumdomi, sa wala pa og usa ka lugas sa—sa binhi sa yuta, sa wala pa’y adlaw nga midan-ag sa yuta, ang inyong lawas ania na sa yuta, tungod kay kamo mga abog man sa yuta. Kita n’yo? Ingon niana kamo. Ang Dios mao ang Kontrator.

282 Karon, ang paagi sa pagbuhat Niya niini, mitunol sa Iyang kamot ug mikuha (sama sa Iyang gibuhath kang Adan) og usa ka gamay’ng kumo sa calcium, potash, ug cosmic nga kahayag, ug, “Whew!” Miingon, “Kini ang usa Ko na usab ka batang-lalaki.” Kita n’yo? Dayon magkuha Siya og dugang uban pa, ug “Whew!” “Kini ang usa na usab Ko ka anak.”

283 Apan unsa man ang gibuhath ni Eva? Gituis niya kanang paagiha. Ug gihimo niya kini pinaagi sa usa ka pagpakighilawas nga buhat, dayon miabot ang kamatayon.

284 Karon unsa man ang gibuhath sa Dios? Daghan kaayo Siya og mga binhi sugod kaniadto hangtud dinha, nga mga predestinado; daghan kaayo, ang mga predestinado. Ug dayon, sa katapusang panahon, dili Siya mag-ingon, “Eva, duol ngari og manganak ka sa usa pa ka bata.” Siya lang mag (“Whew!”) motawag, ug ako’y motubag. Kana lang. Mao na kana. Mao kana ang mahitabo. Sa dihang ang katapusang pinili makasulod na, mao na kana.

285 Karon, nagsugod ang gubat didto sa Langit. Matapos kini dinhi sa yuta, sa pormang Armageddon.

286 Karon atong bantayan ug tan-awon kining mapadayag. Ug tingali mahimo natong mapadayag kini. Tabangan kita sa Ginoo karon aron sa pagbuhat niini. Bantayi kini nga mapadayag.

287 Ang misteryosong mangangabayo, bantayi kung unsay iyang ginabuhat karon; “misupil,” nagdumili sa paghinulsol ug

nagdumili sa pagbalik ngadto sa orihinal nga Dugong Pulong. Ang Pulong nga nahimong Dugo ug unod. Kita n'yo? Nagdumili siya sa pagbalik ngadto Niini. Anticristo gayud! Ang tinuod nga Pulong Pangasaw-onon, maoy nagsu-...ginabatokan niya ang tinuod nga Pulong Pangasaw-onon. Nagkuha siya sa kaugalingon niyang pangasaw-onon! Ginabatokan niya kining tinuod nga Pangasaw-onon, usab. Ug nagkuha siya sa kaugalingon niyang pangasaw-onon, ug ginadala ginapailalum kini ngadto kaniya, sa usa ka pormang relihiyon nga gitawag og mga kredo ug mga dogma. Kita n'yo? Ug karon, pagkakita niya sa balaang Pangasaw-onon, ginabatokan niya Kini. Apan giporma niya ang kaugalingon niyang pangasaw-onon, nga gitawag og anticristo, pinaagi sa anticristong pagtulun-an, nga supak kang Cristo. Nakita n'yo kung unsa siya ka maliputon? Ug karon, imbes nga magkaaduna og usa ka ka panaghiusa sa gugma, pagpailalum, pagsimba ilalum sa Dugo, siya aduna na'y denominasyon. Imbis nga dawaton ang Pulong, mas gipili niya ang mga kredo, mga dogma, ug uban pa.

²⁸⁸ Sama, ug ginaingon sa mga Protestante, “Ang Kredo sa mga Apostoles.” Gusto kong pangitaon n'yo ang ingon niana nga pulong diha sa Biblia. Apostol, wala gyu'y Kredo sa mga Apostoles diha sa Biblia.

²⁸⁹ Maingon sa giingon ko dinhi, karon, dili pa lang dugay, o sa kung asa man. Kung ang mga apostoles aduna man og kredo, kini mao ang Mga Buhat 2:38. Eksaktong kana lang ang nahibaloan kong nagkaaduna siya sukad. Mao kana ang ginaingon nila nga buhaton sa tanan. Sa dihang may natagbo siyang usa kanila nga mora og mga Cristohanon, miingon siya, “Nadawat n'yo na ba ang Espiritu Santo sukad nga mitoo kamo?”

Miingon, “Wala man gani kami makadungog nga aduna diay...”

Miingon, “Kung ingon-ana giunsa diay kamo pagbautismo?”

²⁹⁰ Karon, ang gibautismohan na sa Ngalan ni Jesus, o sa Ngalan sa atong Ginoong Jesus Cristo, diay, kana, maayo kana, apan dili nga mao na kana tanan. Dili, sir. Mahimo kang mabautismohan sa singkwenta ka higayon, nga sama niana, ug wala kana'y mahatag on unsa man nga kaayohan hangtud nga kanang kasingkasing mabag-o pinaagi sa Balaang Espiritu. Kinahanglan nga magkauban gyud kini. Matikdi, kini—kini mao si Cristo!

²⁹¹ Ginasalikway sa anticristo ang Doktrina nga iya sa tinuod nga Pangasaw-onon, ug tungod niana nga hinungdan mikuha siya og kaugalingon niyang pangasaw-on karon ug gipalambo siya, ilalum sa kaugalingon niyang kredo. Mikuha siya og kaugalingon niyang pangasaw-onon ug gihimo kini nga usa ka denominasyon! Nanganak kini og uban pa nga

mga denominasyon, sumala sa gisulti na niining Balaan nga mga Kasulatan; nanganak og mga anak-nga-babaye. Ug wala siya . . . Nahimo kining susama gyud sa iyang inahan, natural, maka-kalibutanon, maka-denominasyon; nga ginabatokan ang espirituwal nga Pangasaw-onon, ang Pulong.

²⁹² Wala sila nagaingon nga dili sila miyembro sa iglesia. Pagmakig-estorya ka sa usa ka maka-denominasyon nga tawo. “Oo, miyembro ako sa iglesia.” Usa ka ba ka Cristohanon? “Miyembro ako sa iglesia!” Wala kana ni usa ka kahilambigitan Niini! Moingon sila . . . Dili ka miyembro sa Igle- . . . Ikaw, tingali miyembro ka sa ginatawag nga iglesia, kita n’yo, miyembro sa usa ka iglesia. Dili kana Iglesia. Dili sila mga Iglesia. Sila’y mga kapunongan lamang kon diin nanagkauban ang mga tawo, ug ang maong mga tawo sama ra, “sa mga langgam nga magkabalhibo.”

²⁹³ Apan usa lamang kamo usa ra ka Iglesia, ug kana ang mystical nga Lawas ni Cristo. Ug wala kamo nagapamiyembro Niana. Natawo kamo sulod Niana.

²⁹⁴ Sama sa kanunay ko nang ginasulti, singkwenta’y-tres na ka tuig nga ako anaa sa pamilyang Branham, ug wala sukad nagpamiyembro niini. Natawo ako sulod niini. Kita n’yo?

²⁹⁵ Karon matikdi. Maanindot kini nga gitipo. Ako—aduna ako og usa ka . . . Kasulatan nga gisulat dinhi, apan ako . . . wala na kita og oras aron hisgotan kana; mahitungod kang Esau ug Jacob.

²⁹⁶ Karon, si Esau usa kaniadto ka relihiyoso nga tawo. Wala siya mag-ingon nga usa siya ka dili-magtotoo. Nagtoo siya sa mao ra nga Dios nga gitooan ni Jacob, sa mao ra nga Dios nga gitooan sa iyang amahan. Apan si Jacob usa ka tawong tikasan, o pasayloa ko sa maong sinultihan, basta . . . Dili siya buotan. Siya—Siya maoy, karon, kung ang pagkabuotan lang ang pagahisgotan, si Esau sa tinuod lang usa—usa ka tawong aduna og mas maayong pamatasan kay sa kang Jacob. Apan, nakita n’yo, wala niya hunahunaa . . . “Oh, unsa man diay ang kahilambigitan nianang pagkapanganay Niini?” Ug mao nga gibaligya niya ang iyang pagkapanganay ngadto kang Jacob. Kita n’yo?

²⁹⁷ Apan, si Jacob, wala siya og dagkung mga butang, ug sama nga aduna si Esau. Wala siya og panulondon nga aduna si Esau. Apan adunay butang nga gusto ni Jacob, kana ang pagkapanganay. Dili igsapayan kaniya kung sa unsa man nga paagi niyang maangkon kini; basta lang nga maangkon niya kini. Ug ang Dios nagrespeto kaniya.

²⁹⁸ Ug, dayon, ingon niana sa gihapon karong panahona, sa natural nga tawo, sa mga karnal ang panghunahuna, sa mga makakalibutanong-panghunahuna. “Bueno, miyembro man ako sa iglesia nga iya sa gobyerno. Miyembro man ako *niining*

iglesia. Miyembro man ako sa *niana*.” Wala kana’y ni usa ka kahalambigitan Niini, wala ni usa ka butang.

²⁹⁹ Tan-awa, ginatapok na sila karon diha sa kabayong nagkasagolsagol-ang-kolor. Ginatipon na niya sila, diha sa iyang kabayong sagolsagol-ang-kolor, tungod kay aduna na man siya’y politikanhong gahum.

³⁰⁰ Wala ka ba nagatoo nga aduna siya og ingon nianang gahum? Giunsa man diay pagpakasulod niining Presidente karon? Sa unsa man diay nga paagi nga nakalusot siya? Uh-huh! Nanganhi kita kaniadto tungod sa kagawasan sa relihiyon; ug kamong pundok sa mga democrat ginabaligya na ninyo ang inyong mga pagkapanganay tungod sa politika! Wala ako’y...ang partidong Democrat maayo man; apan pareho na silang dunot. Cristianismo ang akong ginahisgotan. Apan ginabaligya man ninyo ang inyong mga pagkapanganay, alang sa sa usa ka pang-democrat nga tiket, aron mapasulod ang usa ka butang nga sama niana. Makauulaw kamo!

³⁰¹ Wala n’yo ba naamgo nga kini nga nasud, eksaktong, nahisama sa Israel? Unsa ma’y gibuhat kaniadto sa Israel? Gi-okupa niya ang usa ka langyaw nga yuta, ug gipalagpot ang mga lumolupyo pagawas ug gipangpatay sila, ug misulod ug gipanagiya ang maong yuta. Mao kana ang gihimo nato; sa mga Indian. Sila ang bugtong tinuod nga mga Amerikano, kining atong mga higalang Indian.

³⁰² Ug dayon unsa may ilang gibuhat? Ang Israel aduna og pipila ka mga halangdong tawo kaniadto. Ang unang butang kabalo mo... Nagkaaduna sila og David, ug nagkaaduna sila og Solomon. Nagkaaduna sila og halangdong mga tawo. Ug sa katapusan nagkaaduna sila og usa ka tampalasan didto, si Ahab, nga nakigminyo kang Jezabel, usa ka dili-magtotoo.

³⁰³ Bueno, mao ra sa gihapon nga butang ang gibuhat nato. Nagkaaduna kita kaniadto og usa ka Washington ug usa ka Lincoln, apan tan-awa kung unsa na’y aduna kanato karon. Ug ang grabe pa niini, maoy, naminyo siya, ug nahumol ug natina og ayo kang Jezabel. Tingali siya’y usa ka maanyag nga matang sa babaye, apan siya na ang nagapadagan sa tanan. Ug makita ninyo kini mismo karon, nakighilambigit na ang tibuok pamilya.

³⁰⁴ Unsa man ang gisulti sa Balaang Espiritu kanako, mga traynta’y-singko na katuig ang milabay? Ug kamong tanan nga dugay nang taga-dinhi nahibalo niana, mahitungod sa pito ka mga butang nga mahitabo sa dili pa ang katapusan. Ug kini mao ang ulahi, ang sunod sa pinakaulahi, nga mahitabo. Ang tanan eksakto gyud nga nangahitabo ngadto sa pinaka-detalye niini, sa mga gubat ug sa tanang uban pa nga nangahitabo. Kita n’yo? Ug karon anaa na siya mismo sa mga kamot, sa usa ka babaye, aron magmando sa nasud. Si Jezabel! Kita n’yo?

³⁰⁵ Apan, hinumdomi, niadtong mga adlaw ni Jezabel, adunay nagbutyag kanila sa ilang mga kolor. Kita n'yo?

³⁰⁶ Ang pagtipon, diha sa ilang kabayong nagkasagolsagol-ang-kolor. Ug, kita n'yo, ginatipon-tipon niya kini tanan, nga sinagolan og mga kredo, denominasyon, mga hinimo'g-tawong doktrina. Husto ba kana? [Nagaingon ang kongregasyon, "Amen."—Ed.] Sigurado, usa ka nagkasagolsagol nga kolor, ang nagkasagolsagol nga kolor sa patay, luspada nga kabayo nga iya sa kalibutan! Karon, husto kana. Nagkasagolsagol nga mga kolor sa patay, makakalibutanong porma sa luspada nga kabayo, oh, grabe, nga walay balaang Dugo sa Pulong, man lang!

³⁰⁷ Ug bantayi. Gikan sa kanto . . . "Gikan sa upat ka kanto sa yuta, tigumon nila sila; pagatigumon sila alang sa Armagedon," ang giingon sa Biblia. Gipaningkamotan kong dumumon ang maong mga Kasulatan, ingon nga gisulat ko na ang mga niini dinhi. Dili ko na hisgotan kini; kondili kon diin lamang kini nahisulat, tan-awa kung unsa kini. "Pagatigumon silang tanan, ngadto sa dakung adlaw sa pagpakiggubat sa Ginoong Dios." Bantayi. Karon, sa niining nagkasagolsagol-nga-kolor, makakalibutanon, luspada, masakiton nga kabayo, pamalandunga gyud kini; kabalo na mo, kana'y usa ka dili maayong butang. Karon tan-awa kung asa niya gitigum sila, "Gikan sa upat ka kanto sa yuta." Nagakatipon na sila karon alang sa pagpakigsangka. Ang maong pagpakigsangka mamahitabo sa "Armageddon," sumala sa Pulong. Kita n'yo?

³⁰⁸ Sa luspada nga kabayo, adunay nagasakay niini, nga adunay gitaput niini nga "Kamatayon", o, nga adunay'ng ngalan nga gitaput diha kaniya, "Kamatayon," ang anticristo! Paminaw. Anticristo, ang unang denominasyon (walay makalalis niana); nga kauban ang iyang Jezabel, usa ka bigaon sa Pulong; kauban ang iyang mga anak nga babaye, uban kaniya, nga mga Protestante; nga ginatipon-tipon na ang ilang mga kaugalingon karon diha sa panaghiusa!

³⁰⁹ Nadungog ba ninyo ang mga Baptist nga namulong kagahapon dinhing lugara, kabalo mo? Huh? "Oh, dili kita moapil kanila, apan kita—kita magmahigalaon lang ug makiglangukit kanila. Dili nato kinahanglan nga moapil sa ilang iglesia, apan . . ." Tan-awa. Tan-awa, eksakto gyud kung unsa ang gisulti sa Pulong. Kita n'yo? Kita n'yo? Ang daan nang bigaon, sa sugod pa lang, kita n'yo.

³¹⁰ Karon ania na sila, nga nagkahiusa ang ilang mga kaugalingon, ngadto nianang pagpakigsangka, sa Armageddon, ug nagasakay sa usa ka kabayong nagkasagolsagol-ang-kolor; ingon nga usa ka puting kabayo, usa ka pulang kabayo, usa ka itum nga kabayo. Ang tulo, nga nagkalainlain: politikal—politikanhong gahum, espirituhanong gahum, nga kontrolado sa gahum sa yawa, nga mao ang anticristo. Pag-

isagolsagol mo kana tanan, ug magkaaduna ka og usa ka luspapad, daw sa masakiton tan-awon nga butang nga iyang ginasakyan. Husto. Karon matikdi. Tan-awa kung unsa ang iyang ginasakyan, kining luspapad-tan-awon, kabayong abohong-kolor, nga nagkasagol ang itum, pula, ug puti; nagapaingon ngadto sa pagpakiggubat, nga ginatigum ang iyang mga sakup gikan sa matag nasud ilalum sa Langit! Dili ba nga gihubad man kaniadto ni Daniel ang damgo, ug nakita kadtong sagol nga puthaw nga anaa sa matag gingharian, sa Roma? Ania na silang nagaabot, nagakatigum na.

Karon padayon lang sa paglingkod alang sa pagtapus, sa makadyut lang, ug maminaw pag-ayo.

³¹¹ Nagakatigum na sila karon aron mapahigayon kini, ginadala ang iyang mga sakup gikan sa upat ka kanto sa yuta; samtang nagasakay sa usa ka luspapad, masakiton, tulo-ka-kolor, nga nagkasagolsagol nga kabayo. Mao ra nga tawo!

³¹² Karon, diha sa Pinadayag 19, dili nga siya lang ang nagaandam, kondili si Cristo nagaandam usab aron sa pagtagbo kaniya. Ang maong gubat mamahimong mainit gayud ug mabangis. Si Cristo, sa Pinadayag 19. Ginatigum usab ni Cristo ang mga Iyaha, dili gikan sa upat ka kanto sa yuta, tungod kay magkaaduna lamang og pipila ka nahabilin. Unsa man ang ginabuhat Niya? Ginatigum Niya sila gikan sa upat ka mga kanto sa Langit. Pagahisgotan nato ang mga niini, “mga kalag sa ilalum sa halaran,” ugma sa gabii, ug makita ninyo kung kini husto ba, o dili. Upat ka mga kanto sa Langit; nga nakasakay sa usa ka kabayong niyebe-ka-puti!

³¹³ Aduna pud Siya og Ngalan, dili kamatayon, kondili, “Ang Pulong sa Dios,” Kinabuhi. Amen. Gisulat sa Dios mismo diha sa Iyang paa, “Ang Pulong sa Dios.” Mao kana ang bugtong Kinabuhi, tungod kay ang Dios lang ang bugtong tinubdan sa Eternal nga Kinabuhi. Zoe! Husto ba kana? [Nagaingon ang kongregasyon, “Amen.”—Ed.]

³¹⁴ Ug Siya adunay nakasulat, “Kinabuhi,” samtang nagasakay sa usa ka puting kabayo; ug ania usab ang usa ka tawo nga adunay tulo ka nagkalainlaing-matang sa mga gahum nga nagkasagolsagol, nga gitawag og “Kamatayon.” Ginatigum ang iyang makakalibutanong mga sakup; ug ginatigum usab ni Cristo ang Iyang mga gikan-sa-Langit nga mga alagad, ang mga balaan. Aduna siya’y “Kamatayon” nga nasulat diha kaniya; Si Cristo aduna usab og “Kinabuhi” nga nakasulat diha Kaniya.

³¹⁵ Kadtong uban Niya nga nakasakay sa puting mga kabayo, usab, ug gitawag silang, “Ang mga gipili nang daan sa wala pa ang pagkatukod sa kalibutan.” Amen! Ug sila nagmatinud-anon ngadto sa Pulong. Amen! Whew! Ganahan ko nianang usa. “Gitawag, gipili nang daan, sa wala pa ang pagkatukod sa kalibutan.” Ug dayon, mga matinud-anon sa Pulong, sa ila

mismong pagbuot, tanan sila nadihogan og bag-ong vino ug Lana, dungan nga nagapangabayo, paingon didto aron tagboon ang kaaway. Nasayod sila nga ang Dalugdog ang magpasabot sa maong butang alang kanato, sa dili madugay. Kita n'yo?

316 Bantayi. Kung giunsa niya pagbuhat? Busa, kung Siya ang Pulong, ug ang Iyang Ngalan mao ang Pulong, kung ingon-niana ang Pulong maoy Kinabuhi. Ang anticristo; ang bisan unsang butang nga *anti* maoy “batok,” busa ang *anti* “batok” kang Cristo, ang Pulong. Busa, siguradong usa kini ka kredo, o usa ka denominasyon, nga maoy batok sa Pulong.

317 Aba, dili ko masabtan kung unsa nga dili pa gyud ninyo kini makita. Kung inyong—nasabtan ninyo kini, unsaon ninyo sa pagka-dili makita kini? Wala na ko kabalo kon unsaon pa.

318 Ug tinuod kana. Ang *anti* maoy “batok.” Dili ba kana husto? “Motaktak gikan sa.” Mao kana kung unsa siya. Nagasakay siya sa iyang kabayong nagkasagol ang kolor. Nakita nato kini mismo dinhi sa Pulong sa Dios.

319 Nakita nato kini mismo diha sa mga kapanahonan sa pito ka mga iglesia. Ania kini nga ginahisgotan Niya usab diha sa mga Selyo, ginaablihan ug ginapakita kining mga butang nga nangahitabo, ilalum sa mga kapanahonan sa iglesia.

320 Pag *Anti* “batok” sa Pulong. Nakita n'yo na kon ngano, ang mga kredo, kon nganong batok kita kaayo sa mga kredo ug mga denominasyon? Tungod kay batok man sila sa Pulong. Kita n'yo?

321 Dinhi makita nato ang Kinabuhi ug ang kamatayon nagapaingon na sa pinaka-katapusang pagpakiggubat. Ang puting kabayo, nga iya sa tinuod nga Kinabuhi; ang kabayong-luspad, nga iya sa nagkasagolsagol nga kredo. Makita nila ang maong butang nga paingon na ngadto sa—sa tinuod na gayud nga pakigsangka.

322 Karon aduna ko'y gustong isulti dinhi. Tingali dili mo motoo niini. Apan gitan-aw ko kini og ayo, aron masiguro gyud. Adunay usa lamang ka orihinal nga kolor, ug mao kana ang puti. Pila ang nakahibalo niana? Adunay usa lamang ka orihinal nga kolor. Ang tanang uban pa nga kolor, gipangsagolsagol na.

323 Si Cristo anaa ra sa lunsay-puti, walay-sagol nga Pulong, sa sinugdanan pa. Amen! Amen! Ang tanang kolor mamahimong puti kung wala lang may gisagol ngadto niini. Amen! Himaya! Ang tanang iglesia nagpabilin pa unta sa apostolikanhong Doktrina sa Pulong sa Dios, ug gipanghimatud-an pa gyud Kini sa Dios, kung wala lang unta Kini gisagolan og mga kredo o mga denominasyon. Tan-awa.

Oh, Igsoong Evans, pagkaanindot sa gibati ko karon! Oo, sir. Oo, sir.

324 Adunay usa lamang ka orihinal nga kolor, mao kana ang puti. Wala kini—wala kini sukad nasagolan og mga denominasyon ug mga kredo. Wala, sir.

325 Ug, hinumdomi, ang Iyang mga balaan nagsul-ob og mga bisting puti, dili gisagolan og denominasyon ug mga kredo. Karon makita nato, ang mga kredong denominasyon, dinhi ninyo kini nakuha ang inyong nagkasagolsagol nga kolor. Apan dinhi sa orihinal nga kolor Siya nagasakay. Ang maong orihinal nga kolor anaa sa Iyang katawhan. Ug sila mga naituslob na sa Dugo, nga maoy naghinlo nianang bisti, ug gipadala kini mismo pabalik didto. Kita n'yo? Husto kana.

Kadtong mga sinagolan, nangahimong luspada ug mopaingon sila ngadto sa kamatayon.

326 Usa kini ka pagbalit-ad, usa ka pagpangtuis, kung sagolan ang kolor nga puti; imong ginatuis ang orihinal nga kolor. Husto ba kana? Kung ang orihinal nga kolor, ang bugtong kolor, nga maoy puti, ug pag-aduna mo'y isagol niini, ginatuis ninyo ang tinuod nga katuyoan niini. Amen. Husto ba kana?

327 Ug, ingon nga, kung Siya mao ang puting kabayo, ug Siya ang Pulong; kung ingon-ana, ang pagsagol og unsa man nga butang uban Niana, unsa man nga matang sa kredo, ang pagdugang og usa ka pulong Niini, ang pagtaktak og usa ka Pulong gikan Niini, maoy pagtuis sa maong tibuk butang. Oh, grabe! Ipabilin gyud ako sa Pulong, Ginoo!

328 Kamatuoran ug kasaypanan! Oh, grabe! Bisan unsa pa ka maayo nga kini. . . Ang kamatuoran ug sayup dili mahimong magsagol. Dili mahimong magsagol. Kinahanglan gyud nga MAO KINI ANG GINAINGON SA GINOO kay kondili sayup kini. Bisan unsa pa ang giingon ni santo padre, ni San Bonifer, o—o sa arsobispo sa Canterbury; wala ko'y labot kung kinsa man ang nagsulti niini. Kung kini supak sa Pulong, kini pagpangtuis. Dili gyud kini puede magsagol. Moingon, "Aba, kining tawo baya nakahimo'g. . ." Dili ko igsapayan kung unsa man ang nahimo niya, bisan unsa pa siya ka balaan, o bisan unsa man nga sama niana. *Kini* lang ang Kamatuoran nga aduna kita. Dili iglesia, dili kredo, dili Kamatuoran, pag- gawas *Niini*.

329 Ug ipakita kanako ang usa kanila nga aduna Niini. Basta, gusto kong isulti n'yo kanako. Mag-abli ako og usa ka panid sa Biblia, ug aduna ko'y ipakita kaninyo. Kita n'yo? Maghingalan mo og usa. Moingon mo, "Pentecostal." Oh, Aba! Karon ko pa nasakpan kana nga panghunahuna gikan sa usa ka tawo dinha. Mao kanay hinungdan nga gisulti ko kana. Mas maayo pa nga dili ko na lang tagdon kana, karon, tungod kay nakita kong basin moresulta pa kini og kasilag. Dili ko—dili ko gustong pasakitan ka, apan ako—gusto ko lang nga mahibaloan mo nga nahibalo ako kung unsa ang imong ginahunahuna. Kita n'yo?

330 Kadtong mga gisagolsagol, napaingon (ang anti) ngadto sa kamatayon. Napaingon sila ngadto sa kolor nga kamatayon, pag-isagolsagol mo ang unsa mang matang sa butang ngadto sa orihinal.

331 Sama ra kini sa gisulti ni Cristo mahitungod sa binhi sa mustasa. Bisan pa, nga kini mao ang pinakagamay sa tanang mga binhi, apan kini dili mosagol sa unsa mang butang. Dili gyud mosagol ang mustasa. Tinuod gyud siya nga mustasa. Busa kung aduna ka og ingon niana kadakung pagtoo, padayon lang nga kupti kini.

332 Matikdi. Ang Kinabuhi nagsunod, ngadto sa nagasakay sa puting kabayo, Nga mao ang Pulong, ang Kinabuhi, nga gipanghimatud-an sa Iyang nabanhaw nga mga balaan nga mga nagauban Kaniya. Karon sa unsang paagi mapahigayon ang maong pagpakiggubat?

333 Miingon si Jesus, “Ang nagatoo Kanako, bisan siya mamatay, mabuhi siya.” Siya miingon, “Kung kamo nagatoo Kanako, bisan kamo—kamo mamatay, mabuhi kamo sa gihapon. Ug ang tanan nga buhi ug nagatoo Kanako dili na gayud mamatay.” Usab, miingon Siya, “Siya nga nagatoo Kanako . . . Ihatag Niya kaniya ang Eternal nga Kinabuhi, pagabanhawon siya sa katapusang mga adlaw.” Mao kana ang gisaad Niya nga Kasulatan.

334 Ania si Satanas nga nagaabot, uban ang mga sakup niya gikan sa tanang upat ka kanto sa yuta, uban sa iyang mga Protestante ug uban sa iyang—iyang mga Katoliko, ug magkauban silang tanan, nga nagamartsa padulong ngadto sa Gubat sa Armageddon. Husto.

335 Ug ania usab si Jesus nga nagaabot, nagapanaug gikan sa Langit, uban sa nangabanhaw nga mga balaan, gipanghimatud-an nga Pulong.

336 Miingon ko, pag ang Dios nagasulti, o ginapadala ka, Iyang . . . Siya—suportahan Niya kung unsay imong igasulti. Kita n’yo? Matikdi, kung usa ikaw ka ambasadador gikan sa Langit, ang tibuok Langit anaa nagapaluyo kanimo. Ug ang Langit naglangkub sa Pulong. Uh-huh.

337 Matikdi, karon, nagaabot Siya nga kauban ang nangabanhaw nga mga balaan, nga ginapanghimatud-an nga ang Iyang Pulong tinuod.

338 Busa nahibaloan ni Satanas, kung ingon-ana, nga ang walay kinutuban nga mga kahiladman andam na alang kaniya. Kita n’yo? Oh, grabe! Samtang, ang kamatayon nagsakay sa kabayong-luspad, sa nagkasagol nga mga kredo ug mga denominasyon, ug nagsunod kaniya, oh, grabe, paingon ngadto sa Eternal nga pagkahimulag gikan sa Dios. Didto kung asa niya sila ginapangdala, ngadto sa Eternal nga pagkahimulag.

Ginahatud usab ni Cristo ang Iyang Iglesia ngadto mismo sa Himaya, diha sa pagkabanhaw.

339 Matikdi ang bersekulo 8 karon, mismo sa . . . katapusang bahin sa bersekulo 8, samtang kita nagapatapos, kita n'yo.

. . . *gihatagan sila og kagahum* . . .

340 Kinsa man “sila”? Kita n'yo? Sige. Ang anticristo, gitawag og “Kamatayon.” “Ang impyerno nagsunod.” Bantayi ang upat ka pamaagi sa iyang plano.

341 Anticristo, puting kabayo; nagapamatay pinaagi sa espiritu, ingon nga anticristo; espirituhanong pagpatay.

342 Ang ikaduha, pulang kabayo; nagapamatay pinaagi sa espada; pulitikanhong gahum, sa dihang ang iglesya ug estado nagkahiusa.

343 Itum nga kabayo; mga kalag na, sa dihang gipakaylap na niya ang iyang doktrina, ug gibuhat niya didto ang iyang mga pagpakighilawas. Ug ginatimbang niya ang ilang pagkaon, pinaagi sa . . . ginabaligya sa ila . . . kung unsay ginahatag nila ingon nga pagkaon, ginatimbang, ug aron bayaran, ug uban pa.

344 Ang ikaupat, usa ka luspada nga kabayo; Eternal nga pagkahimulag gikan sa Dios. Usab, ang maong upat, kita n'yo. Oh, grabe!

Dalaygon ang Dios!

345 Karon, sa katapusan, dinhi sa pagtapos. Kadtong mga . . . Aduna pa ba mo og . . . Nagsobra na ako sa oras, apan puede pa ba ninyo ako hatagan og dugang pa nga napulo ka mga minuto? [Nagaingon ang kongregasyon, “Amen.”—Ed.] Nagkaaduna ako og daghang tawag, karong adlawa, mahitungod sa—mahitungod kanako nga nagahisgot niini.

346 Aduna na'y daghang panatisismo nga mitungha, mahitungod kang Elias, hangtud nga nahimo nang . . . Kini—giataki na kini og ayo. Ug mahimo ninyong . . . Bueno, pasagdi na lang . . . Hinaut nga tabangan ako sa Dios nga matabangan kamong makita kung unsa ang nakita ko. Gusto ba ninyo? Sulayan lang nato, kita n'yo.

347 Karon dinhi, sa pagtapos, kadtong mga wala nagatoo nga ang katapusang mensahero sa kapanahonan sa iglesia mao si Elias nga propeta, usa ka tawong dinihogan sumala sa ingon niana nga pagkadihog.

348 Human sa pagkamatay . . . Bantayi. Human sa pagkamatay, niining katapusang kapanahonan sa iglesia . . . Karon, mamatikdi ninyo kung unsay nahitabo, kita n'yo. Human silang nangamatay, ang ilang mga patay'ng lawas gipangkaon sa mabangis nga mga mananap. Kabalo kamo niana. Karon, matuod kana. Sama kanila, aduna og pagtipog kang Jezabel.

349 Karon balikan nato ang Pinadayag 2:18 ug 20. Nagatoo ko nga nalakbitan nato kana sa pipila ka mga minuto ang milabay. Dili ba? Oo, nagtoo ko nga nalakbitan nato kana. Gisulat ko kini dinhi alang sa pipila . . . Oo. Ang panahon kini sa pag-us-us sa moralidad, mao kana kung unsa kini kaniadto. Tan-awa kung unsa ang nahitabo kaniadto, sa diha nga nakasulod si Jezabel. Karon, si Jezabel mao ang mga iglesia, kining modernong iglesia; dili ang Pangasaw-onon, ha. Si Jezabel, sa Daang Tugon, mao ang tipo sa mga iglesia sa karon, sumala sa Pulong sa Dios diha sa Pinadayag 2:18, 20.

. . . nga gipasagdan mo ang babaye nga si Jezabel, nga ginatawag ang iyang kaugalingon nga usa ka manalagna, . . .

350 Kita n'yo? Husto ba kana? [Nagaingon ang kongregasyon, "Amen."—Ed.] Karon, tukma kini kaayo nga natipo diha kang Jezabel. Karon, ang una . . .

351 Mahatag mismo namo kaninyo ang sunod-sunod nga mga Kasulatan, kita n'yo, nga sa katapusan nga kapanahonan adunay Mensahe nga iya sa propeta ngadto sa Iglesia, nga pagatawgon sila pabalik sa orihinal nga Pulong. Karon matikdi. Husto ba kana? [Nagaingon ang kongregasyon, "Amen."—Ed.] Maoy giingon sa Malaquias 4, ug sa uban pa, Pinadayag 10:7, ug uban pa. Kita n'yo? Gitagna mismo kini ni Jesus, sa padayon, nga padayon, nga padayon. "Maingon sa nahitabo kaniadto sa mga adlaw ni Lot," ug uban pa nga sama niana, ug uban pa. Sige kini nga gitagna.

352 Si Jezabel mao ang tipo sa modernong iglesia sa karon tungod kay ang Katoliko ug Protestante nagkahiusa na sa karon. Walay—wala na'y paagi nga malimod kini. Pareho silang mga denominasyon, busa kini—nahimo na silang inahan ug igsoong-babaye, kana lang. Maglalisay sila ug makiglantugi sa usa'g usa, apan sila managsama ra, parehong mga bigaon. Karon, wala ko kana ginasulti sa akong kaugalingon lang. Ginakutlo ko kana mismo gikan sa MAO KINI ANG GINAINGON SA GINOO. Kita n'yo? Husto.

353 Karon namatikdan nato, nga gipatay tungod sa sugo sa Dios, si Jezabel, gipatay siya tungod kay gipaadto didto sa Dios si Jehu ug gipalabay siya pagawas sa bintana, ug gipatay si Jezabel. Ug gikaon sa mga iro ang iyang lawas, (husto ba kana?) ang literal nga si Jezabel. [Nagaingon ang kongregasyon, "Amen."—Ed.] Si Ahab, ang iyang hari, ang pangulo; gitilapan usab sa mga iro ang sa iyang dugo, sumala sa gipanagna-nang-daan sa unang Elias. Nakita n'yo na kung asa kita paingon, dili ba?

354 Ngano man? Ang unang Elias usa ka tawong gisalikway kaniadto, sa mga iglesia. Ug si Jezabel ug si Ahab mao ang lider sa kadtong mga iglesia, sa iglesia ug sa estado, nga nagkahiusa tanan. Ug gibutyag ni Eliseo ang mga sala ni Ahab ngadto

kaniya, ug gimandoan ang tibuok iglesia nga kinahanglan mobalik sa matuod nga Pulong.

355 Mao kana ang eksaktong gitagna nga pagabuhaton sa ikaduhang Elias sa dihang moabot siya sa niining iglesia sa karong panahon, “ipasig-uli ang orihinal nga Pagtoo”! Dili ko makita kung unsaon ninyo pagpahilayo gikan Niini. Husto kana. Pagbalik sa matuod nga Pulong! Husto kana.

356 Karon kung gusto ninyong makita ang ilang mga lawas, ablihan nato diha sa Pinadayag 19, human—human nga sila gipamatay sa Pulong. Karon, pagapatyon sila sa Pulong. Kabalo na mo niana. Husto. Karon bantayan lang ninyo ug tan-awa kung unsa ang mahitabo Pagmoabot na si Cristo, sa Pinadayag 19, sugod sa ika-17 nga bersekulo.

Ug nakita ko ang usa ka manulonda nga nagatindog diha sa adlaw; . . .

357 Karon, pagkahuman kana mismo, tan-awa sa ibabaw nga bahin dinhi, “Ug ang Iyang bisti gikatuslob sa Dugo. Ug gitawag Siya nga HARI SA HARI, UG GINOO SA GINOO.” Sa ika-13 nga bersekulo, “Gitawag Siya nga Pulong sa Dios.” Kita n’yo? Karon, ania Siya, “HARI SA HARI, UG GINOO SA MGA GINOO.”

Ug nakita ko ang usa ka manulonda . . .

358 Karon bantayi. Siya migawas.

Ug gikan sa iyang baba nagagula ang usa ka mahait nga espada, aron pinaagi niini panigbason niya ang kanasuran: . . .

359 “Gikan sa Iyang baba,” susama gikan sa baba sa Dios ngadto sa baba ni Moises. Kita n’yo?

. . . ug sila pagaharian niya sa olisi nga puthaw: ug . . . magagiuk sa pug-anan sa vino uban—pug-anan sa mabangis ug kapungot sa Dios nga Makagagahum-satanan.

Ug siya aduna sa iyang bisti og usa ka ngalan . . . sa iyang dapidapi nahasulat kini nga ngalan, HARI SA HARI, UG GINOO SA MGA GINOO.

Ug nakita ko ang usa ka manulonda . . .

360 Karon bantayi. Karon motungha Siya, nga nagapanigbas. Kinsa ang Iyang ginapanigbas? Si Jezebel ug ang iyang Ahab, ang mini nga propeta.

Ug nakita ko ang usa ka manulonda nga nagatindog diha sa adlaw; ug nagasinggit sa makusog nga tingog, nga nagapamulong sa tanan nga kalanggaman sa maong kahanginan sa tunga-tunga sa langit, Umari kamo panagtigum kamo alang sa dakung panihapon sa Dios;

³⁶¹ Igapakaon Niya sila ngadto sa mga mananap ug mga langgam. Karon bantayi dinhing bahina sa usa pa ka kapitulo dinhi, sa Libro sa Pinadayag. Ug, sa makadiyut lang, “Pamatyon pinaagi sa espada, ug kamatayon, ug mga mananap sa yuta.” Kita n’yo? Ang Jezabel nga iglesia, ang iyang (literal) nga lawas, pagakaonon sa mga langgam ug mga mananap sa yuta. Ingon ka eksakto nga nahitabo kaniadto kang Ahab ug Jezabel, diha sa natural, busa ingon niana usab ang mahitabo kanila, diha sa espiituwal, ang iglesia. Nakita ba ninyo kung unsay buut kong ipasabut? [Nagaingon ang kongregasyon, “Amen.”—Ed.] Husto.

³⁶² Si Elias. . . Oh! Si Elias ang manalagna sa mga adlaw ni Ahab ug Jezabel, sa natural. Ug gisaad nga iyang pagabuhaton ang mao gihapong butang, sumala sa MAO KINI ANG GIINGON SA GINOO, diha sa Pulong, ngadto kang Jezabel, sa espiituwal; ang iyang ministerio sa Espiituwal nga porma.

³⁶³ Bantayi. Si Elias, bisan nga, sa iyang adlaw, hingpit ug lig-on gayud nga gipanghimatud-an, dili gihapon sila mapasiguli sa Pulong. Husto ba kana? Bisan pa, nga gipankingamotan ni Elias, gamit ang tanan-tanan. Gibuhat na niya ang tanang butang. Siya—gipakita niya kanila ang mga ilhanan ug mga katingalahan; ug nangatawa lang sila sa iyang atubangan. Mao ra sa gihapong butang ang ilang pagabuhaton sa karon diha sa espiituwal, kita n’yo. Dili niya sila mapahibalik ngadto sa Pulong. Gikan sa minilyon. . .

³⁶⁴ Karon paminaw, iglesia, paminawa og ayo karon, kamo nga medyo naglibog og gamay bahin niini.

³⁶⁵ Sa minilyon ka mga tawo sa kalibutan, sa mga adlaw ni Elias, sa dihang si Jezebel ug si Ahab naghari, sa—sa tipo sa anti-tipo sa karong panahon; gikan sa tibuok kalibutan, aduna lamang og pito ka gatus ang naluwas, sa wali ni Elias. Husto ba kana? Husto gyud kana.

³⁶⁶ Tan-awa, wala gani nakaila si Elias ni usa kanila nga ingon niadto diay sila. Ang pagtoo niya nga siya ra gyud ang luwas, hangtud nga giablihan sa Dios ang usa sa mga Selyo ug gipakita kaniya ang misteryo sa maong Libro, nga Siya aduna pa’y pito ka gatus nga wala gayud miyukbo sa kadtong mga kredo nga aduna sila kaniadto. Sa dihang giablihan sa Dios ang Iyang Libro ngadto kang Elias, miingon, “Karon sa makadiyut lang, anak. Aduna pa Ako og pito ka gatus nga nareserba, dinha, nga nasulat ang ilang mga ngalan sa Basahon sukad pa sa pagkatukod sa kalibutan. Mga Ako sila.” Whew! Giablihan mismo sa Dios ang mga Selyo.

³⁶⁷ Mao kana ang hinungdan sa tan-aw ko kung nganong si Juan nagsinggit sa makadaghang higayon niadtong usa ka gabii. Siguradong nakita niya ang iyang ngalan Didto, nakita n’yo. Kita n’yo?

Usa ka adlaw giablihan sa Dios . . .

368 Si Eliseo, nagwali siya kaniadto. Gibuhat niya ang tanantanan, ug—ug—ug nagwali siya sa tibuok niyang kasingkasing. Gibuhat niya ang tanang butang nga iyang mahimo, ug sa gihapon “pagbagulbol” lang siya, gibansagan siya og tanan na lang, ug miingon, “Ikaw ang hinungdan sa niining tanan. Usa ikaw ka espiritista. Ikaw ang nagpahinungdan nga moabot kining mga problema. Ikaw gyud ang sad-an,” ug tanan na lang nga sama niana. Gisulti na niya ang tanan nga maisulti niya kaniya. Naghulga pa gyud si Jezabel nga putlon ang iyang ulo, ug tanang uban pa. Husto kana. Ang tanang tawo batok kaniya.

369 Ug dayon miingon siya, “Ginoo, human nga nabuhat ko kana, ang tanan nga gisulti Mo kanako nga buhaton! Nagpabilin ako og eksakto sa Imong Pulong. Sa dihang aduna Ka’y isulti kanako og unsa mang butang, wala ako’y kahadlok. Naglakaw ako mismo ngadto sa atubangan sa hari, ug ngadto sa tanang uban pa, ug miingon kanila, ‘MAO KINI ANG GINAINGON SA GINOO.’ Ug wala man Ka magsulti kanako og usa ka butang, nga wala ko gisulti kanila, kondili ang tanan nahitabo gyud. Ug karon ania ako, ang bugtong usa nga nahabilin, gikan sa tibuok pundok. Ako na lamang usa ang nahabilin, ug gipaninguha nila nga patyon ako.”

370 Miingon ang Dios, “Akong pagaablihan ang usa sa mga Selyo, ug ipakita kanimo ang usa ka butang.” Ang ingon Niya, “Kabalo ka, aduna pa Ako og pito ka gatus didto, nga wala gayud nanagluhod ngadto . . . ni miapil sa bisan unsa nga mga kredo nila, mga denominasyon. Adunay pito ka gatus kanila ang andam na alang sa Pagsakgaw, kita n’yo.” Oh! Oh! Giingnan Niya ang Iyang propeta, nga Iyang ginapadaygan sa Iyang Pulong, kita n’yo, pinaagi sa Kasulatan. “Aduna Ko’y mga inandam nga pito ka gatus ka mga ngalan, gikan niini nga kaliwatan; pito ka gatus sila. Wala gayud sila nanagluhod ngadto sa bisan unsang” (kung sa atong panahon masulti kong) “mga relihiyosong mga organisasyon, ug wala madoktrinahan, sa ilang mga kredo.”

371 Nakita n’yo kung unsa ang buut kong ipasabut? Kung ingon-ana, siguradong mahitabo gyud kini. Siguradong mahitabo gyud. Ug kini sumala sa Pulong. Pagmoabot kana nga tawo, mamahimong usa siya ka propeta. Ingon ka sigurado nga ako nagatindog niining pulpito. Kita n’yo? Ug magpabilin siya mismo nianang Pulong. Dili siya magpailalum sa kredo ni bisan kinsa o ni kinsa man. Husto kana. Siya’y usa ka matang sa tawo nga mahilig sa lasang, sama kang Eliseo kaniadto, siya . . . ug sama niadtong miabot si Juan. Siya—siya masuk-anon sa mga babaye, (aba!) sa imoral nga mga babaye! Whew! Grabe, pangkasab-an niya mismo sila! Gihimo kana ni Elias, kaniadto ug mao usab si Juan. Kita n’yo? Kita n’yo? Ug wala siya’y pagpanuko mismo nianang Pulong. Siya’y mamahimong—

pagabatokan niya ang mga organisasyon. Organisasyon? “Ayaw kamo paghunahuna nga magsulti sa inyong kaugalingon, ‘Aduna kaming Abraham nga among amahan,’ tungod kay isulti ko kaninyo nga ang Dios makahimo sa pagpatindog niining mga bato nga mamahimong mga anak ni Abraham.” Kita n’yo? Sigurado gyud.

³⁷² Karon, tan-awa, mga higala. Ania ang Ikaupat nga Selyo, nga abli na. Ug ang mga mangangabayo sa upat ka mga kabayo naipadayag na, sa kutob sa akong nahibaloan. Karon, kini na ang tanang nahitabo sa yuta.

³⁷³ Ang sunod nga Selyo, nga makita nato, maoy atua sa Langit, kon diin ang mga kalag anaa sa ilalum sa altar.

³⁷⁴ Karon, sa pagtapos, gusto kong isulti kining duha . . . pipila ka mga pulong, mismo dinhi, nga mga nasulat ko. Aduna ta’y gipanglaktawan mahitungod, niining upat ka mga Selyo, ang unang upat nga mga Selyo.

³⁷⁵ Karon, ugma sa gabii, atong—usbon nato ang panghitabo, gikan sa mga butang sa kalibutan nga nagakahitabo. Mihangad siya dinhi ug nakita niya ang mga kalag ilalum sa halaran, ang gihalad, ang halaran.

Sa sunod nga gabii, ang pag-abot na sa paghukom.

³⁷⁶ Ug sa ikaupat nga gabii, o sa katapusang gabii, sa Dominggo sa gabii, wala pa ako mahibalo kung unsa. Wala pa ko mahibalo kung unsay buut ipasabot sa uban pa niini. Ginabasa ko lang ang mga niini, susama sa gibuhat ninyo. Apan, “Adunay kahilom sulod sa tunga sa oras,” apan adunay butang nga nahitabo. Nanghinaut ko nga ipadayag Niya Kini. Buhaton Niya Kini. Sigurado kong buhaton Niya.

³⁷⁷ Kinahanglan nato nga moadto, sa uban pa nga mga dapit sa Kasulatan, sa Pinadayag 19, aron ipakita nga ang Pag-abot ni Cristo ang magapatay sa anticristo. Mao kana ang hinungdan nga kinahanglan kong biyaan kini, aron hisgotan kanang duha ka mga bersekulo. Kinahanglan kong moadto sa uban pa nga mga bahin sa Kasulatan, aron pamatud-an ang kining mga butang. Busa mao kana ang hinungdan nga miadto ko sa Pinadayag 19, aron ipakita ang katapusan sa anticristo, ang pagpatay kaniya; ni Cristo, Pagmoabot Siya, pagapatyon Niya ang anticristo.

³⁷⁸ Diha sa Pinadayag 10 usab, aron ipakita nga ang Mensahe sa ikapitong manulonda nga mamahimong usa ka tawo, sa niining kaulahiing mga adlaw, dinihogan sa Dios alang sa usa ka ministeryo nga sama gayud nga aduna si Elias nga manalagna kaniadto, sumala sa gitagna-nang-daan sa Malaquias 4, aron ipadayag ang tinuod nga Pulong (orihinal) sa Dios ngadto niining henerasyon, ang orihinal nga Pulong sa Dios sa niining henerasyon. Susama sa gibuhat niya ngadto sa natural nga Jezabel, mao usab ang pagabuhaton sa niining tawo ngadto sa

espirituwal nga Jezabel, ang mga denominasyonhong iglesia. Kinahanglan kong lakbitan ang ika-7 nga kapitulo . . . sa ika-10 nga kapitulo, 1 ngadto sa 7 nga mga bersekulo, aron pamatud-an nga husto kini. Ug sa dinha usab sa Malaquias, ug Amos, ug sa uban pa, aron mapamatud-an kana.

³⁷⁹ Si Elias maoy usa ka manalagna nga nanagna ug nagkondena kang Jezabel, sa partikular nga henerasyon.

³⁸⁰ Ug si Elias wala gayud namatay. Siguradong wala siya namatay. Nagpakita siya pag-usab, mga walo ka gatus ka tuig pagkahuman niadto, sa kiliran ni Jesus Cristo, didto sa Bukid sa Pagkausab sa Iyang Dagway. Dili siya patay.

³⁸¹ Karon, nahibaloan nato nga pagadihogan sa iyang Espiritu ang usa ka tawo, sumala sa saad sa Dios, para sa kaulahiing mga adlaw; gisaad usab nga mao sa gihapon ang mahitabo sa espiritu nga Jezabel, sama sa gibuhath niini sa natural nga Jezabel, sa niining kaulahiing kapanahonan.

³⁸² Mao kana kung ngano ako—daghang bahin ang gipahinungod ko sa Biblia, aron pamatud-an kini, aron nga dili kini magbilin og unsa man nga pagduhaduha sa inyong hunahuna. Kung aduna man, pahibaloa lang ko. Bueno, puede kamong magsulat kanako o magtunol og gamay'ng sinulat.

³⁸³ Ug kini hingpit gayud nga nagakatakdo, bisan ang mahitungod sa mapintas nga mga mananap nga magakaon sa ilang natural nga mga lawas sa kaulahiing adlaw, nga magalamoy kanila sama sa gibuhath nila ngadto kanila kaniadto.

³⁸⁴ Kutob sa miabot nga kapadayagan kanako, nga gikahatag kanako sa Dios ug sa gitagna na nga kini mahitabo, kini ang Kamatuoran mahitungod sa upat ka mga mangangabayo, sa kutob sa akong nahibaloan.

³⁸⁵ Unsa ba'y inyong hunahuna bahin kang Jesus [Nangalipay ang kongregasyon—Ed.]

I love Him, I love Him
Because He first loved me
And purchased my salvation
On Calvary's tree.

³⁸⁶ Karon hinumdomi, nga walay . . . (Mao kana; magpadayon lang; maayo kana.) Nga walay dili maayong pagbati ngadto sa kang kinsa man diha sa unsa mang organisasyon! Tungod kay, ang Dios aduna pa'y mga anak diha sa sistemang Katoliko. Aduna pa Siya'y mga anak diha sa sistemang Methodist. Aduna pa Siya'y mga anak sa sistemang Baptist. Kung unsa na sila kadaghan, ang migikan niining nagkalainlaing mga sistema, nairepresentar dinhi karong gabhiona, ang mga migawas gikan didto sa dihang nakita ninyo ang Kahayag? Tan-awon nato ang inyong mga kamot. [Nagaingon ang kongregasyon, "Amen."—Ed.] Karon, hinumdumi, aduna pa'y mga tawo didto

nga sama kaninyo. Apan ang sistema niini ang maoy nagapatay, kita n'yo. Ang espiritu kini sa anticristo nga sa kaulahian maoy magadala kanila ngadto sa punto nga dili na sila maminaw sa Kamatuoran.

³⁸⁷ Ug hinumdomi sa miaging gabii, sa dihang naghigot ako bahin sa pagselyo? Pag madunggan sa usa ka tawo ang tawag sa jubileo, ug nagdumili siya nga mahimong gawasnon, ginadala siya ngadto sa usa ka haligi ug pagamarkahan siya og bangag sa iyang dalunggan. Tungod sa dalunggan kamo'y makadunggog. "Ug ang pagtoo nagaabot pinaagi sa pagpaminaw." Dayon pagmadunggan niya Kini, ug magdumili siya nga dawaton ang iyang kagawasan, kung ingon-ana siya'y. . . kinahanglan mag-alagad siya sa iyang denominasyong agalon sa tibuok nahabilin sa iyang kinabuhi. Amen.

³⁸⁸ Oh! Oh, grabe! Dili ba Siya pagkamaanindot? [Nagaingon ang kongregasyon, "Amen."—Ed.]

I love Him, I . . .

Itaas nato ang atong mga kamot karon ug pagasimbahon Siya.

Because He first loved me (Himaya!)
And purchased my salvation
On Calvary's tree.

³⁸⁹ [Si Igsoong Branham nagsugod na sa paglaylay og *I Love Him*—Ed.] Karon iduko lamang ang inyong ulo, ug pagasimbahon nato Siya karon samtang ginalaylay nato kini. [Si Igsoong Branham padayon nga nagalaylay og *I Love Him*.]

³⁹⁰ Ginoo, mapasalamaton kaayo kami! Malipayon kaayo ako, Ginoo, malipayon gyud alang Kanimo ug sa Imong katawhan. Oh Ginoo, gipalit Mo ang among kaluwasan didto sa Kalbaryo. Malipayon namong ginadawat kini, Ginoo.

³⁹¹ Karon sulayi kami, Ginoo, pinaagi sa Imong Espiritu. Ug kung aduna ma'y kadautan kanamo, Ginoo, aduna ma'y dili-pagtoo sa Pulong, kinsa man dinhi, Amahan, nga dili makapagsulti og "amen" sa matag saad sa Dios; hinaut nga monaug karon ang Balaang Espiritu, ang Mangangabayo sa puting-kabayo, samtang ang Iyang Espiritu, ang Espiritu ni Cristo, sa atubangan mismo sa anticristo, pagatawgon ang Iyang mga Panag-iya. Panawga sila pagawas, Ginoo.

³⁹² Hinaut nga managhinulsol sila karon, moduol sa gilayon Kanimo ug mapuno sa maong Lana ug bino; ug mabag-o gikan nianang denominasyong kupo sa kamatayon nga iya ni Cain, paingon ngadto sa niyebe-ka-puti nga kupo sa Eternal nga Kinabuhi, nga ginahatag sa Pamanhonon. Ug dayon padulong na sila ngadto sa pang-Kasal nga Panihapon sa umalabot nga adlaw, sa gipanghimatud-an nga Pulong sa pagkabanhaw.

Itugot kini, Ginoo. Susiha ang mga kasingkasing, samtang ang mga tawo nanagpaabot Kanimo. Pinaagi sa Ngalan ni Jesus!

[Si Igsoong Branham nagsugod og paglaylay *I Love Him*—Ed.]

³⁹³ Karon, susiha mismo ang inyong kasingkasing, akong igsoong-lalaki, akong igsoong-babaye, akong higala. Nakauban na ninyo ako sa dugay'ng panahon. Halos traynta'y-tres na ka mga tuig. Aduna ba ko'y gisulti kaninyo og unsa mang butang sa Ngalan sa Ginoo nga wala mahitabo? [Nagaingon ang kongregasyon, "Wala."—Ed.] Pangitaa ninyo si Cristo karon samtang aduna pa mo'y kahigayonan. Mahimong moabot kini sa dili madugay nga dili na ninyo mabuhat kana. Kita n'yo? Mahimong biyaan na Niya ang lingkuranan, sa unsa mang oras, ang Iyang pagpataliwala; dayon bisan mohilak pa kamo sa tibuok n'yong kasing-kasing, ibundak-bundak pa ang inyong mga tiil, bisan unsa pa nga mga pagpanulti sa laing mga dila, bisan magdagan-dagan pa kamo paadto og paanhi, mahimo n'yong buhaton ang unsa mang butang nga gusto ninyo, ug bisan magpamiyembro pa kamo sa tanang iglesia sa kalibutan, wala na gyu'y, wala na'y bleach alang sa inyong—alang sa inyong sala. Kung ingon-ana unsa na lang ang buhaton ninyo, asa na kaha kamo kung ingon niana?

³⁹⁴ Bueno, nagatoo ko, sa tibuok kong kasingkasing, ang maong lingkuranan abli pa sa gihapon. Nagtoo ko nga anaa pa Siya sa gihapon diha sa Trono sa Dios. Apan sa dili madugay motindog na Siya, ug moadto, aron angkonon na ang Iyang mga tinubos. Ginabuhat pa Niya ang buluhaton nga iya sa Kabanay'ng Manunubos, samtang nagahulat si Ruth.

³⁹⁵ Apan sa dili madugay, kabalo mo, human nga nabuhat na ni Boaz ang buluhaton sa duol nga kabanay, dayon miadto siya ug giangkong ang iyang mga panag-iya. Ug ingon niana eksakto kung unsa ang gisulti sa Biblia nga Iyang pagabuhaton, "Miduol Siya didto ug gikuha ang Libro." Dayon ang pagpangaliya natapos na; Wala na Siya sa Trono; wala na'y Dugo pa sa Lingkuranan sa Kalooy. Ug dayon nahimo na kining unsa man? Lingkuranan na sa Paghukom.

³⁹⁶ Dili unta mahitabo nga masulti mo, usa sa niining mga adlawa, "Abi ko moabot usá ang Pagsakgaw." Ug madungog mo ang Tingog nga nagaingon, nagatubag, "Tapos na ang Pagsakgaw." Hinaut tabangan kamo sa Dios!

Karon iduko nato ang atong mga ulo.

³⁹⁷ Igsoong Neville, ari ka palihog, alang sa pagpauli o alang sa unsa man nga kinahanglan mong buhaton. Ang Dios magapanalangin kaninyo, hangtud ugma sa gabii.



ANG IKAUPAT NGA SELYO CEB63-0321
(The Fourth Seal)

SERYE SA KAPADAYAGAN SA PITO KA MGA SELYO

Kining Mensahe ni Igsoong William Marrion Branham, unang giwali sa Ingles niadtong Huwebes sa gabii, Marso 21, 1963, didto sa Branham Tabernacle sa Jeffersonville, Indiana, U.S.A., gibalhin gikan sa magnetikong teyp rekording ug gipatik nga walay nakulang sa Ingles. Kining Cebuanong hubad pinatikan na ug gipang-apod-apod sa Voice of God Recordings.

CEBUANO

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Pahibalo Bahin Sa Katungod Sa Pagmantala

Ang tanang katungod sa pagmantala iyaha lamang sa tag-iya. Kining basahona mahimong i-print sa printer sa balay alang sa personal nga gamit o sa pagpang-apod-apod, nga walay-bayad, ingon nga usa ka instrumento sa pagpakaylap sa Ebanghelyo ni Jesus Cristo. Kining basahona dili mahimong ibaligya, kopyahon nga pang-dinaghan, i-post sa website, i-store sa usa ka retrieval system, ihubad sa ubang pinulongan, o gamiton sa pagpangayo og mga amot nga walay ginapagawas nga kasulatan nga pagpahanugot gikan sa Voice Of God Recordings®.

Alang sa dugang nga mga kasayuran o alang sa uban pa nga ginapang-apod-apod nga mga materyales, mahimong kontakon ang:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org